




通考

自二百廿八至二百六十三

四十二

412
100
42







文獻通考卷之二百五十八

帝系考

公主

宋鄱陽馬端臨
明蘄陽馮天馭
應



唐堯二女長曰娥皇次曰女英以妻舜

孟子舜尚見帝帝館甥于貳室亦饗舜迭為賓主尚上也而見於

帝堯也貳室副宮也堯舍舜於副宮而就饗其食

堯之於舜使其子九男事之二女女焉百官牛羊倉廩備以養舜於畎畝之中

商帝乙歸妹以祉元吉

周武王以元女大姬配虞胡公而封之陳以備三恪

詩何彼穠矣美王姬雖則王姬亦下嫁於諸侯車服不繫其

上下王后一等猶執婦道以成肅雝之德也下王后一等謂

禮也疏曰王后五輅重翟為上厭翟次之六服禕衣為

禕次之天子尊無二上故其女可下王后一等若諸侯

先

之女下嫁則從其夫之爵何休云天子嫁女於諸侯備姪婦
如諸侯禮皇前蓋云武王五男二女元女妻胡公王姬宜為
子何休事未可據也何彼穠矣唐棣之華曷不肅離王姬之
車禮猶戎衣厚貌唐棣移也今之郁李王姬下嫁於諸侯
能敬與和肅離者王姬而曰王姬之車不敢指切之何彼穠
也唐棣之華華如桃李皆言王姬容色之盛美也何彼穠
矣華如桃李平王之孫齊侯之子武平王之孫齊侯之子
其辭匹敵則其鈞維何絲絲伊緡齊侯之子平王之孫合而
不驕亢可知為給猶男女合而為昏言侯
子王孫宜為偶如合絲為綸

魯莊公元年秋築王姬之館于外

左氏傳為外禮公在諒闇慮齊侯當親迎不忍便以禮接於
委罪於彭生魯不能讐齊然喪公羊傳何以書譏爾築之
制未畢故異其禮得禮之變
禮也于外非禮也同姓本有主嫁女之道必闕地于夫人之
下羣公子之上也時魯以于外何以非禮據非築于外非禮
將嫁女于魯國故築于外以將嫁于魯國除譏也其築之
也魯本自得以為衛為辭無為受命而外之故曰非禮

何以禮據禮當主王姬者必為之改築主王姬者曷為必為

之改築據諸侯於路寢則不可小寢則嫌皆所以羣公子之

舍謂女公則以甲矣謂太其道必為之改築者也以上傳言

夫人之上羣公穀梁傳築禮也于外非禮也外城築之為禮

何也主王姬者必自公門出公門朝之外門主王姬者當設

公門之內築於廟則已尊於寢則已卑為之築節築之外變

之正也築之外變之為正何也仇讐之人非所以接婚姻也

衰麻非所以接弁冕也親迎服祭服重婚其不言齊侯之來

逆何也不使齊侯得與吾為禮也

初學記昔堯女有娥皇女英舜妹有敦手舜女有宵明燭

光易有帝乙歸妹周武王之女嫁于陳並未有封邑之號

至周中葉天子嫁女于諸侯天子至尊不自主婚必使諸

侯同姓者主之始謂之公主秦代因之亦曰公主漢制帝

女為公主帝姊妹為長公主漢制皇女皆封縣公主儀服同藩王

秦二世時十公主死於杜皆始皇女也

漢制皇女皆稱縣公主師古曰天子不親主婚故謂之公主諸侯即自主婚故其女號翁主翁者父也

儀服同列侯其尊崇者加號長公主儀服同藩王諸王女皆封

鄉亭翁主儀服同鄉亭侯漢書謂齊厲王姊為紀翁主以列侯尚

公主王吉日漢家列侯尚公主諸侯則國人承翁主使男事女夫誅於婦逆陰陽之位故多女亂諸公主家

令門尉皆屬宗正又有主傳東方朔傳昭平君醉殺中府

館陶公主中府師古曰中府掌金帛之職

太上皇一女

昭哀后高帝姊初封宜夫人呂后七年尊曰昭哀后

魯元公主宣平侯張敖尚之孝惠時齊悼惠王尊為魯元太后

高祖一女

文帝二女

館陶長公主竇后生女也文帝即位為館陶長公主師古曰年長故謂長公主堂邑侯陳午尚之見竇后傳

昌平公主周勃大子勝之尚之見周勃傳

景帝三女

平陽公主王皇后長女本陽信長公主也為平陽侯曹壽所尚故稱平陽公主壽有惡疾上乃詔衛青尚平陽

主見青傳

南宮公主王皇后次女

隆慮公主王后少女並見王皇后傳

武帝五女

鄂邑蓋長公主昭帝姊燕刺王傳云食邑鄂而為蓋侯妻也張晏云蓋侯王信師古曰信不取鄂主為妻

夷安公主隆慮公主子昭平君尚見東方朔傳

衛長公主外戚傳云子夫生三女長主衛太子姊也帝以妻樂大見郊祀志

帝系

漢書

三

王記

諸邑公主

五行志征和二年巫蠱事與帝女諸邑公主皆下獄死

陽石公主

見上又武紀注云二公主皆衛皇后女

宣帝二女

館陶公主

華健仔女名施于定國子于永尚

敬武公主

張臨尚元帝令薛宣尚後王莽白太后賜藥死見宣傳

元帝三女

平陽公主

傳昭儀女

平陽公主

衛健仔女見中山衛姬傳

穎邑公主

杜業尚

西漢和蕃公主

高帝罷平城歸是時冒頓單于兵彊控弦四十萬騎數苦北邊上患之以問婁敬敬曰陛下誠能以適長公主妻單于厚奉遺之彼知漢女送厚蠻夷必慕以為閼氏生子必為太子代單于

冒頓在固為子壻死外孫為單于豈曾聞外孫敢與大父抗禮哉可母戰以漸臣也若陛下不能遣長公主而令宗室及後宮詐稱公主彼亦知不肯貴近無益也高帝曰善遣長公主呂后泣曰妾唯一太子一女奈何棄之匈奴上竟不能遣長公主而取家人子為公主妻單于使敬往結和親約婁敬傳

惠帝二年以宗室女為公主嫁匈奴單于本紀

匈奴老上單于初立文帝復遣宗人女翁主為單于閼氏使宦者中行說傳翁主匈奴傳

孝景五年遣公主嫁匈奴單于本紀

孝武元封中烏孫昆莫使使獻馬願得尚漢公主為昆弟天子問羣臣議許曰必先納聘然後遣女烏孫以馬千匹聘漢遣江都王建女細君為公主以妻焉賜乘輿服御物為備官屬宦官侍御數百人贈送甚盛昆莫以為右夫人昆莫年老欲使其孫

安

尚公主公主不聽上書言狀天子報從其國俗岑陬遂妻公主
生一女少夫公主死漢復以楚王戍之孫解憂為公主妻岑陬

西域傳

甘露三年楚公主上書言年老思土願得歸骸骨葬漢地天子
聞而迎之公主與烏孫男女三人俱來至京師時年且七十賜

田宅奴婢奉養甚厚朝見儀比公主西域傳

元帝竟寧元年匈奴呼韓邪單于復入朝自言願婿漢氏以自

親帝以後宮良家子王嬙字昭君賜單于單于驩喜昭君寧胡

閼氏生一男呼韓邪死株索單于復妻王昭君生二女長女為

須卜居次小女為當于居次居次者女之號若漢言公主也見匈奴傳

後漢制同前漢其後安帝姊妹亦封之長公主同之皇女安帝姊妹

清河孝王之女其皇女封公主者所生之子襲母封為列侯皆傳國于

後鄉亭之封則不可傳襲永初元年鄧太后封清河孝王慶女十一人皆為鄉亭公主分食邑俸

諸公主置家今一人東觀漢記曰其主薨無子置傳一人守其家

南頓君三女

湖陽長公主黃

新野公主元適鄧晨

寧平長公主伯姬適李通

世祖五女

舞陽長公主義王適梁松

涅陽長公主中禮適竇固

館陶公主紅夫適韓光

滴陽公主禮劉適郭璜

酈邑公主綬一作綬適陰豐

顯宗十一女

獲嘉長公主姬適馮柱

平陽公主奴適馮順

隆慮公主迎或作延適景襲

平氏公主次不言所適史闕文後倣此

沁水公主致適鄧乾

平臯公主小姬適鄧蕃

浚儀公主適王度

武平長公主惠適來校

五

五

五

魯陽公主臣

樂平公主小迎

成安公主小民

肅宗三女

武德長公主男

平邑公主王適馮由

陰安公主吉

和帝四女

脩武長公主保

共邑公主成

臨穎公主適賈建

聞喜公主興

順帝三女

舞陽長公主生

冠軍長公主成男

汝陽長公主廣

桓帝三女

陽安長公主華延適伏全

潁陽長公主堅

陽翟長公主脩

靈帝一女

萬年公主某

魏制公主有家令僕承行夜督郵

太祖女

清河長公主適夏侯楙

金鄉公主適何晏

文帝女

東鄉公主

明帝女

平原懿公主

早天追封帝取甄皇后從孫黃之喪與主合葬追封黃列侯以郭德嗣黃後封平原侯襲公主爵

齊長公主適李韜

襄陽公主適任愷

晉文帝女

常山公主適王濟

長廣公主適甄德

武帝女

京兆公主

繁昌公主適衛宣

武帝女

榮陽公主適盧諶

榮陽公主適盧恒

襄城公主適王敦

新豐公主

平陽公主

萬年公主

武帝女

武安公主

河東公主

惠帝女

臨海公主適曹統

哀獻皇女

始平公主

江陵公主適荀羨

元帝女

尋陽公主適王禕之

南郡公主適羊賁

明帝女

南康公主適桓温

廬陵公主適劉惔

簡文帝女

新安公主適王獻之

鄱陽公主適王偃

孝武帝女

晉陵公主適謝混

富陽公主

恭帝女

海鹽公主

宣城德公主適周嶠

宋公主有傳令傳令不得朱服

武帝女

會稽宣長公主適徐達之

豫康長公主適徐喬

新安公主適王景深

安哀公主適褚湛之

文帝女

吳郡公主

東陽獻公主適王僧綽

淮陽公主適江湛

新蔡長公主適何邁

尋陽公主適郗暉

臨川長公主英媛適王藻

南郡獻公主適褚淵

廬江公主適褚澄

孝武女

山陰公主適何戢

臨海公主適江敦

安固公主適王志

臨汝公主適何敷

安吉公主適蔡約

山陰公主楚玉

唐樂公主脩明

皇女楚琇

明帝女

陽羨公主適王儉

臨淮公主適王瑩

晉陵公主伯姒

建安長公主伯媛

宋世諸主莫不嚴妬明帝每疾之湖熟令索伯妻以妬賜死使近臣虞通之撰妬婦記左光祿大夫江湛孫敷當尚孝武帝女上乃使人為敷作表讓婚曰伏承詔旨當以臨海公主降嬪榮出望表恩加典外顧審輔蔽伏用憂惶臣寒門悴族人允質陋閭閻有對本隔表姻如臣素流家貧業寡年近將冠皆已有室荆釵布裙足得成禮每不自解無偶之茲媒訪莫尋素族弗問自惟明慶屢降公主天恩所覃庸及醜末懷憂抱惕慮不獲免徵命所當果膺茲舉雖門泰宗榮於臣非倖仰緣聖貸冒陳愚實自誓氏以來配尚王姬者雖累經美胄極有名才至如王敦懾氣桓温斂威真長佯愚以求免子敬爰足以違禍王偃無神都之質而保雪於北階何瑀關龍

工之姿而投軀於深井謝莊殆自害於矇叟殷仲幾不免於強鉏彼數人者非無才意而勢屈於崇貴事隔於閭覽吞悲茹氣無所逃訴制勒甚於僕隸防閑過於婢妾行來出入人理之常當代賓客朋從之義而今掃轍息駕無關門之期廢筵抽席絕接對之理非惟交友離異乃亦兄弟踈闊第令受酒肉之賜制以動靜監子待錢帛之私節其言笑姆妳爭媚相勸以嚴厓媼競前相誦以急第令必凡庸下才監子皆葭萌愚豎議舉止則未聞是非聽言語則謬於虛實姆妳敢恃耆舊唯贊妬忌媼自唱多知務檢口舌其間又有應荅問訊卜筮師母乃至殘餘飲食詰辯與誰衣被故弊必責頭領又出入之宜繁省難齊或進不獲前或入不聽出不入則嫌於欲踈求出則疑有別意召必以三晡為期遣不以日出為限夕不見晚魄朝不識曙星至公夜步月而弄琴書拱袂而

披卷一生之內與此長年又聲影裁聞則走婢奔逆裾袂向席則醜老叢來左右整刷以疑寵見嫌賓客未冠以少容致斥禮有列媵象有貫魚本無媼嫡之嫌豈有輕婦之誚今義絕傍私虔恭正匹而每事必言無儀適設辭輒云輕易我又竊聞諸主聚集唯論夫族緩不足為急者法急則可為緩者師更相扇誘本其恒意不可貸借固實常辭或云野敗去或云人笑我雖曰家事有甚王憲發口所言恒同科律王藻雖復彊很頗經學涉戲笑之事遂為寃魂褚曖憂憤用致天絕傷理害義難以具聞夫螽斯之德實先克昌專如之行有妨繁衍是以尚主之門往往絕嗣駙馬之身通離釁各以臣凡弱何以克堪必將毀族淪門豈伊身青前後嬰此其人雖衆然皆患彰遐邇事隔天朝故吞言咽理無敢論訴臣幸屬聖明矜照由道弘物以典處親以公臣之鄙懷可得自盡如臣

門分世荷殊榮足守前基便預提拂清官顯位或由才升一
叨婚戚成恩假是以仰冒非宜披露丹實非惟止陳一已
規全身願寔乃廣申諸門受患之切伏願天慈照察特賜蠲
停使雀燕微羣得保叢蔚蠢物憐生自己彌篤若恩詔難降
披請不申便當刊膚剪髮投山竄海帝以此表遍示諸王以
諷切之并為戲笑

按自王姬執婦道之風不見於後世後之公主皆庸奴
其夫晉人已有無事取官府之說至六朝而其敝尤甚
南史王誕傳載辭婚表雖戲笑之言然亦當時事實也
故錄于此

齊梁陳皆踵宋制

齊高帝女

義興獻公主適沈文和

臨海長公主適王彬

武帝女

武康公主適徐演

長城公主適何敬容

明帝女

山陰公主適徐況

錢塘公主適謝覽

梁武帝女

安吉公主適王實

長城公主適柳偃

永嘉公主適王銓

永興公主玉姚

永世公主玉婉

永康公主玉嫒

臨安公主

簡文帝女

餘姚公主適王溥

南河公主適袁憲

漂陽公主

驛於侯景

元帝女

益昌公主

陳武帝女

永嗣公主適錢藏

帝即位時主已卒追封至是將葬尚書請議加藏駙馬都尉侍中表樞議曰昔王姬下降必適諸侯漢氏初列侯尚主自斯以後降嬪素族駙馬都尉置由漢武或以假諸功臣或以加於戚屬是以魏曹植表駙馬奉車取為一號齊職儀曰凡尚公主必拜駙馬都尉魏晉以來因為贍華蓋以王姬之重庶姓之輕若不如其等級寧可合盃而騎所以假駙馬之位乃宗於皇女也今主早薨伉儷已絕既無禮數致疑何須駙馬之授按杜預尚晉宣帝第二女晉武踐祚而主已死泰始中追贈公主元凱無復駙馬之號梁文帝女新安穆公主蚤薨天監初王氏無追拜之事遠近二例足以校明無勞此按今宜追贈亭侯時議以為當

會稽穆公主適沈君環

文帝女

信女公主適蔡凝

義興公主適錢肅

富陽公主適柳盼

後魏公主有家令丞

道武曾引崔容講論漢書至婁敬說漢祖欲以魯元公主妻匈奴善之嗟嘆良久是以諸公主皆嫁于賓附之國朝臣子弟良族美彥不得尚焉

平陽公主薨石肇欲使公主家令居廬制服太常博士常景曰今王姬降適雖加爵命事非君已理異列土何者諸王開國備立臣吏生有趨奉之勤死盡敬喪之禮而公主家令唯有一人其丞以下命之屬官既無接事之儀實闕為臣之體原夫公主之貴所以立家令者蓋以主之內事脫須關外理無自達必也因人然則家令唯通內外之職及與主家之事耳無關君臣之理名義之分也由是推之家令不得為純臣公主不可為正君明矣且女人之為君男子之為臣古禮所不載先朝所未議乃寢

道武女

華陰公主適閻大肥

濩澤公主

明元女

宜陽公主適穆逐留

武威公主適沮渠蒙捷

上谷公主適乙懷

南安長公主適杜超

太武女

樂陵公主適穆壽

始平公主適赫連昌

博陵長公主適馮熙

景穆女

城陽公主適穆平國

長樂公主適穆正國

安樂公主適乙乾歸

高陽公主適萬振

文成女

濟北公主適穆伏干

河南公主適萬安國

上左公主適赫連宿石

西河長公主適薛初古核

武邑公主

建興公主

平陽長公主並適劉昶

新平長公主適穆羆

獻文女

長城公主適穆真

琅琊公主適穆紹

常山公主適陸騰

趙郡公主適司馬躍

高平公主適高肇

樂安長公主適馮誕

彭城長公主初適劉承緒再適王肅

樂浪長公主適盧道裕

孝文女

淮陽公主適乙瑗

華陽公主適司馬肅

長樂公主適高猛

安樂公主

始平公主

淮王長公主適乙弗瑗

章武長公主適穆泰

蘭陵長公主適劉暉

南陽長公主適蕭寶寅

濟南長公主適盧道虔

順陽長公主適馮穆

宣武女

建德公主適蕭烈

壽陽長公主適蕭贊

文帝女

金明公主適尉遲迥

北齊後周隋公主官屬皆如後魏制

齊神武女

太原長公主初為魏孝靜皇帝后後再適楊愔

東平長公主適可朱道元

公主適司馬消難

浮陽長公主適李千學

文宣女

東安公主適段深

義寧公主適斛律武都

中山長公主適段寶鼎

公主適潘子晃

周文帝女

霍國公主適賀拔緯

襄樂公主適章世康

襄陽公主適竇毅

永富公主適史雄

順陽公主適隋滕穆王楊瓚

西河長公主適劉昶

新興公主適蘇威字文護女

武帝女

清都公主適閻毗

隋文帝女

樂平公主為周天元帝后

蘭陵公主初適王奉孝再適韋機

煬帝女

南陽公主適宇文士及
後魏以來和蕃公主

公主係太武女適氏主楊保宗

光化公主適吐谷渾世伏

廣樂公主適吐谷渾夸呂魏濟南王臣孫女

西海公主適蠕蠕主郁久闐吳提

化政公主元翌女

蘭陵公主並適蠕蠕主郁久闐阿那懷

長樂公主適突厥主阿史那土門

周

千金公主趙王適突厥主阿史那他鉢

隋

華容公主適高昌王伯雅

義安公主宗女適突厥可汗突利

義成公主宗女適突厥可汗啓民

史稱魏道武採婁敬之說諸公主皆嫁于賓附之國朝臣良族子弟皆不得尚蓋閭大肥楊保宗之屬皆夷狄也似不必分別為和蕃公主然閭大肥輩則部落之服屬而為臣者也楊保宗輩則外國之未服屬而為敵者也又國內之胡人所娶皆帝女而外國之君長娶多宗女此又其所不同也

唐制皇姑為大長公主後亦謂之姊為長公主女為公主皆封

國視正一品太子女為郡主封郡視從一品親王女為縣主正

二品建中元年十二月出嫁岳陽等十一縣主初開元中置禮

會院于崇仁里自興兵以來廢而不修公郡縣主不時降

嫁始三十年九皇族子弟皆散棄無位或流落他縣上即位始

叙用枝屬以時婚嫁公族老幼莫不悲感及縣主婚嫁小大之

物必周其用貞元十五年勅駙馬都尉主如實無子准式養

男並不得用再蔭○會昌五年勅今後先降嫁公主縣主如有

帝系全

文林通雅卷之百五十六

古

崔昇

見女者並不請從人如無兒者陳奏委宗正寺處分而有妄稱無輒請再從人者覺察處分 ○凡諸王及公主皆以親為尊皇之昆弟妹先拜於皇子上稱啓神龍初下詔

華之二年勅公主府設官屬鎮國太平長公主儀親王長寧安

寧唯不入置長史餘並同親王宜城新都定安金城等公主非

皇后生官員減半其金城公主以出降吐蕃特置司馬景龍四

年停公主府依舊邑司永淳前親王食實戶八百增至千餘止

十聖曆時進及三千戶預誅二張功增號鎮國與相王均封五

千薛武二家皆食實封主與相王衛王成王長寧樂安二公主

給衛士環第十步一區持兵呵衛舊自官省神龍時與長寧安

樂宜城新都定安金城九七公主皆開府置官屬視親王安樂

戶至三十長寧二千五百府不置長慶隆元年六月勅公主置

府近有勅總停其太平公主有崇保社稷功其鎮國太平公主

府即宜依舊酸棗縣尉袁楚客奏記於中書令魏元忠曰女有

矣豈可相濫哉然而一男有外男有別剛柔分矣中外斯隔陰陽者

並開建府條崇置官秩若以女家處男職所謂長陰而抑陽也

策書曰事不師古以死永世匪諒聞此之謂也若侯不正而

誰正開元四年三月制諸封國自始封至曾孫者其封戶三分

減一十年加永穆公主封千戶初永穆等各封五百戶左右以

吾有也斯皆宗廟社稷蒼生是為爾邊隅戰士出萬死顧一

生所賞賜纔不過一二十疋此輩何功於人頓食厚封約之使

之儉嗇不亦可乎左右以長公皆二千戶請與此上曰吾常讀

後漢書見明帝曰朕子不敢望先帝子車服下之吾未嘗不廢

卷歎息如何欲令此輩望長公主乎左右不敢復言是至○凡

諸王及公主以下所食封邑皆以課戶克州縣與國官邑官共

執文帳准其戶數收其租調均為三分其一入官其二入國公

所食邑則全給焉二十年五月勅諸食邑實封並以三丁為限

不須一分入官其物仍令封隨庸調送入京○凡公主封有以

國名者鄔國代國霍國是也有以郡名者平陽宣陽東陽是也

有以美名者太平安樂長寧是也惟玄宗之女皆以美名名之

世祖一女

同安公主適王裕

高祖十九女

長河公主適馮少師

襄陽公主適竇誕

平陽昭公主適柴紹主及柴紹起兵佐高祖取長安武德六年

高密公主初適長孫孝政再適段倫

長廣公主適趙慈景

房陵公主初適竇奉節再適賀蘭僧伽

九江公主適執失思力

南昌公主適蘇昂

淮南公主適封道言

衡陽公主適阿史那社爾

臨海公主適裴師律

安定公主初適温挺再適鄭敬言

常樂公主適趙瓌

太宗二十一女

襄城公主初適蕭銑再適姜簡主性羊陸動循矩法帝初諸

南平公主初適王敬直再適劉玄意敬直下桂之子先時公

禮禮曰主上循法度吾當受公主謁見豈為身榮將以成家

國之美於是與夫人坐堂上主執笄盥饋乃退後主出降有

舅姪者備

遂安公主初適竇達再適王大禮

豫章公主適唐義識

長樂公主適長孫冲帝以長孫冲後所生勅有司裝資倍長

北景公主適柴令武

東陽公主適高履行

臨川公主適周道務

普安公主適史仁表

安得同先帝子然則長公主尊公主矣制有差等

豈可越乎帝以語后后贊微勸帝從之仍賞微

禮始於哇

辭曰婦事舅姑如事父母異室則

定省關止尊故第門列雙戟而已

禮禮曰主上循法度吾當受公主謁見豈為身榮將以成家

國之美於是與夫人坐堂上主執笄盥饋乃退後主出降有

舅姪者備

蘭陵公主適竇懷哲

清河公主適程懷亮

晉陽公主初適韋思安再適楊仁輅
新興公主適長孫獬

安康公主適獨孤謀
新興公主適長孫獬

城陽公主初適杜荷再適薛瓘
汝南公主蚤卒

合浦公主適房遺愛
晉陽公主蚤卒

金山公主蚤卒

常山公主蚤卒

新城公主初適長孫詮再適韋正矩
高安公主適王勛

高宗三女
義陽公主適權毅

太平公主初適薛紹再適武攸暨

高宗八女
宣城公主適裴巽

新都公主適武延暉

安定公主初適王同皎再適韋濯三適崔銑

長寧公主初適楊慎交再適蘇彥伯

永壽公主適韋鍼
永泰公主適武延基

安樂公主初適武崇訓再適武延秀

成安公主適韋捷

睿宗十一女

壽昌公主適崔真
安興昭懷公主蚤死

荆山公主適薛伯陽
淮陽公主適王成慶

代國公主適鄭萬鈞
涼國公主適薛伯陽

薛國公主初適王守一再適裴巽

鄔國公主初適薛儼再適鄭孝義

金山公主
玉真公主皆入道不嫁

霍邑公主適裴虛已

玄宗二十九女

永穆公主適王繇

常芬公主適張去奢

孝昌公主

靈昌公主

上仙公主

懷恩公主

普昌公主

宜春公主 並蚤卒

唐昌公主適薛鏞

常山公主初適薛譚再適竇澤

萬安公主不嫁為道士

晉國公主適崔惠童

新昌公主適蕭衡

臨晉公主適郭潛曜

衛國公主初適豆盧建再適楊說

信成公主適獨孤明

真陽公主初適源清再適蘇震

楚國公主適吳澄江

昌樂公主適竇諤

永寧公主適裴齊丘

宋國公主初適溫西華再適楊徽

咸宜公主初適楊泗再適崔高

齊國公主初適張垺再適裴穎三適楊敷

太華公主適楊琦

廣寧公主初適程昌胤再適蘇克貞

壽昌公主適郭液

萬春公主初適楊肫再適楊錡

樂城公主適蘇履謙

新平公主初適裴玲再適姜慶初

壽安公主適蘇發

肅宗七女

宿國公主適豆盧湛

肅國公主初適鄭巽再適薛康衡三適回紇英武威遠可汗

和政公主適柳潭 郟國公主適張清

紀國公主適鄭沛 永和公主適王診

郜國公主初適裴徽再適蕭升

代宗十八女

永清公主適裴倣 齊國昭懿公主適郭曖

靈仙公主 貞定公主

玉清公主 太和公主

玉虛公主 西平公主

章寧公主 並早卒 華陽公主入道不嫁

嘉豐公主適高怡 普寧公主適吳士廣

長林公主適沈明貞 貞元二年具冊德宗不御正殿不設樂遂為故事

晉陽公主適裴液

趙國莊懿公主初適封武清再適田緒 德宗初嘗春亭臨戲車代之公主出降乘金根車自主始

義清公主適柳杲 壽昌公主適竇克良

新都公主適田華

德宗十一女

韓國貞穆公主 普寧公主

義川公主 晉平公主 並早卒

魏國憲穆公主適王士平 鄭國莊穆公主適張茂宗

臨真公主適薛釗 永陽公主適崔謹

文安公主入道不嫁 宜都公主適柳昱

燕國襄穆公主適回紇武義成功可汗

順宗十一女

漢陽公主適郭縱 梁國恭靖公主適鄭河

東陽公主適桂杞

西河公主適沈暈

雲安公主適劉士涇

襄陽公主適張克禮

尋陽公主

平恩公主

邵王公主並為道士

臨汝公主蚤卒

魏國公主適王承系

憲宗十八女

梁國惠康公主適于季友

永嘉公主

永寧公主俱為道士

衡陽公主

普康公主

義寧公主

貴鄉公主俱蚤卒

宣城公主適沈儀

鄭國溫儀公主適章讓

岐陽莊淑公主適杜綜開成二年勅開馬當為公主服二年周時岐陽公主既薨馬和徐因禮文不為重服時論推其故有是詔

陳留公主適裴損

真寧公主適薛翊

南康公主適沈汾

臨真公主適衛洙

真源公主適杜中立

永順公主適劉弘景

安平公主適劉異

永安公主入道不嫁

定安公主適回鶻崇德可汗

穆宗八女

義豐公主適韋處仁會昌五年中書門下奏伏見公主上表稱妾李者伏以臣妾之義取其賤稱家

人之禮宜即區別臣等商量公主上表請如長公主之例並云某邑公主第幾女上表即將主亦望依此例從之

淮陽公主適柳正元

延安公主適竇滸

金堂公主適郭仲恭

清源公主蚤卒

饒陽公主適柳仲詞

義昌公主

安康公主俱不嫁為道士

敬宗三女

永興公主

天長公主

寧國公主

文宗四女

興唐公主

西平公主

朗寧公主

化光公主

武宗七女

昌樂公主

壽春公主

長寧公主

延慶公主

靜樂公主

樂溫公主

永清公主

宣宗十一女

萬壽公主適鄭顯

永福公主

齊國恭懷公主適嚴祁

廣德公主適于琮

義和公主

饒安公主

盛唐公主

平原公主

唐陽公主

許昌公主適柳陟

豐陽公主

懿宗八女

衛國文懿公主適韋深衡

安化公主

普康公主

昌元公主

昌寧公主

金華公主

仁壽公主

永壽公主

僖宗二女

唐興公主

永平公主

昭宗女十一

新安公主

平原公主適李繼侃

芒昌公主

唐興公主

德清公主

大康公主

永明公主

新興公主

普安公主

樂平公主

開元禮冊公主及公主出降儀

冊公主

前一日尚書奉御設御幄於太極殿如常守宮設羣官次於東西朝堂奉禮設版位太樂令展官懸典儀設舉麾位如常又設文武羣官版位五品以上於橫街北六品以下於橫街南文東武西俱重行諸親於五品之南自親在東諸親在西設典儀位如常儀贊者二人在南少退俱西向冊使立於懸北西上俱北面副使立於南其日諸衛屯門列仗如常冊使羣官等依時刻集朝堂次改服朝服通事舍人各引就朝堂位侍中量時刻版奏請

中嚴鈸戟近仗入陳於殿庭太樂令帥工人入就位協律郎入就舉麾位典儀帥贊者先入就位諸守衛之官各服其器服雜寶郎先請寶俱詣閣奉迎通事舍人分引王公羣官入就位又通事舍人引冊使並入立於殿門外道東西面以俟黃門侍郎帥主節奉節及幡立於階伏南節在前中書侍郎先請冊置於案令史降公服各對舉案立於節南道東西面中書侍郎立於案後侍中版奏外辦所由承旨索扇扇上皇帝服通天冠絳紗袍御輿以出曲直華蓋警蹕侍衛如常皇帝出自西房即御座南向坐扇開協律郎偃麾受敵樂作符寶郎奉寶置於御座典儀贊拜羣官在位者俱再拜訖通事舍人引冊使入就位冊使等初入門舒和之樂作至位樂止立定典儀曰再拜贊者承傳冊使等皆再拜侍中進當御座前北面跪奏稱侍中臣某言冊公主請命使俛伏興又侍中少前稱制曰可退復位侍中承制

降諸使者北面稱有制冊使副等俱再拜侍中宣制曰冊某公
主命公等持節展禮宣制訖使副等又再拜侍中還侍位贊禮
者引冊使少前黃門侍郎引主節詣冊使東北主節以節授黃
門侍郎主節者後黃門侍郎持節西南授冊使跪受與付主節
幡隨節立於使左黃門侍郎退贊禮者導中書令詣冊使東北
面立又贊禮者導中書侍郎引諸公主冊案立於中書令之右
中書令於案取公主冊舉案者皆由後立於使左以後準此授冊使冊使跪受與
置於案持案者退立於使左以後準此贊禮者引中書令與冊使俱向北退復
位典儀曰再拜訖通事舍人引冊使等右旋而出持節者前導
持案者次之冊使等初行樂作出門樂止侍中前跪奏稱侍中
臣某言禮畢俛伏興還侍中位所由承旨索扇扇上皇帝興太
樂令令撞鞀賓之鐘右五鐘皆應鼓祝奏太和之樂皇帝降座
即輿入自東房侍衛警蹕如來儀侍臣從至閣扇開樂止通事

舍人引羣臣在位者以次出舉冊者及冊使至長樂門外次如
後儀

公主受冊

尚儀二人讀冊司贊一人引公主掌贊二人知贊女史四人對舉冊案
前一日尚舍守宮計會設使者及冊案便次於光範門及長樂
門外皆道右東向司贊設公主位於長樂門外內殿前近南當
階北面西上又設內命婦應陪位者位於公主東北及西北嬪
御等在東宮官等在西階重行相對北上又於內命婦之前設
尚儀位二皆東向以西為上又於尚儀位南少退設司贊位掌
贊二人陪其後其日典儀設冊使位於長樂門外之西東向北
上又設舉冊案者位二在南差退東向內謁者監先取公主冊
案置於長樂門外近限內命婦以下及應在位者並服禮衣先
就位公主花釵翟衣司言引就受冊位侍從如常儀通事舍人

引冊使副使等出就位持節者立於使者之北少退持冊案者立於冊使副西南俱東向持節者去節衣持冊案者以案進冊使之前北向相次而立內侍二人引使者詣門內謁者舉案少前使取公主冊冊置於案俛伏興通事舍人引冊使副使等俱進就次以俟尚儀率女史詣門昇冊案入各就尚儀之前對舉冊案皆東向司贊曰再拜凡司贊有詞皆贊皆承傳司言贊公主再拜尚儀取公主冊於案持案者退少前北面稱有制曰司言贊公主再拜尚儀執冊跪讀訖退復位以冊進授公主公主受冊以授司言訖司贊再拜公主再拜在位皆再拜司贊少前稱禮畢司言引公主退在位以次退掌贊報內謁者監禮畢內謁者監傳報冊使等詣太極殿前南橫街南北面西上立中書令立於冊使等東北西面冊使再拜復命曰奉制冊命某公主禮畢又再拜中書令奏聞冊使等退幡節各還本司

納綵

前一日主人設使者次於大門之外道右南向其納吉納徵請期親迎等禮皆如其日大昕使者至於主人大門外贊禮者延入次凡賓主及行事者皆服使者出次贊禮者引至於大門外之西東面主人立於東階下西面儻者立於主人之左北面受命出立於門東西面曰敢請事使者曰朝恩賜室于某公之子某公有先人之禮使某也請納采儻者入告主人曰寡人敢不敬從儻者出告掌畜者以鴈授使者其餘並如一品婚儀

問名

使者既出至主人還阼階上西面曰皇帝第某女封某公主餘行事並如一品婚儀其禮使者戶牖之間贈之篚幣及兩馬詞禮禮者云吾子為事故至于寡人之室寡人有先皇之禮者

納吉

文

其日大昕使者至請事使者曰加諸卜占曰吉使某也某也敢告主人曰某公有吉寡人與在焉寡人不敢辭餘如納采之儀

納徵

其日大昕使者至入次掌事者布幕於內門外玄纁束帛陳於幕上乘馬在幕南北首西上掌事者璋以贗俟於幕東使者曰朝恩貺室于某公之子某公有先人之禮使某也以束帛乘馬請納徵主人曰某公順先典貺以重禮寡人敢不承命餘並如一品婚儀

請期

其日大昕使者至入次至請事使者曰某公有賜既申受命某公使某請吉日儻者入告主人曰寡人既受前命惟命是聽使者曰某公命某聽命於王儻者入告主人曰寡人固惟命是聽使者曰某公使某受命於王王不許某敢不告期曰某日餘並

如一品婚儀

親迎

其日大昕婿之父告廟醮子並如一品婚儀子再拜降出乘輅備儀仗詣主人之第賓將至內替者布席於東房當戶南向設罇醜醴等於東房主人醴公主如一品醴女之儀公主著花釵褕翟纁褙入房以下並如一品醴女儀訖主人降立於東階東南西面替禮引賓出次立於門西東面儻者進受命出門東面曰敢請賓曰某主命某之父以茲初昏命某將請承命儻者入告主人曰寡人固敬具以請至奠鴈出如常禮初賓入門主婦出立於房中外之西南面於賓拜訖姆導公主出主人少進西面戒之如有正焉若衣若花命之曰戒之敬之夙夜無違命主婦戒之於西階上施衿結帨戒之曰勉之敬之夙夜無違公主出以下並如常儀

同牢

初婚掌事者設洗於東階東南及陳設牢饌鉶俎之數各依其品羊豕節折大羹在於麋具器皆明烏漆惟魏以陶匏以瓢餘並如一品儀

見舅姑

見之日公主夙興沐浴著花釵服綸翟舅服公服姑著鈿釵禮衣其儀同一品婚禮公主降西階以出無取脯授婦氏之儀

盟饋舅姑

公主盟饋以少牢舅姑公主服如見禮及醕舅姑訖內贊者設公主席於舅姑席東北南面餘並如一品禮

婚會 婦人禮儀

以上並如一品婚儀

饗丈夫送者

同一品儀加送以乘馬設從者乃於西廊下

饗婦人送者

女相者引貴升降酬以束帛餘如丈夫禮

唐和蕃公主

弘化 宗室女貞觀時降吐谷渾慕容諾曷鉢

文成 宗室女貞觀時降吐蕃贊普弄贊命禮部尚書江夏王道宗送之弄贊親迎河源見王人執子婚禮甚盛歡大國服飾儀禮之盛有愧色謂所親曰我祖父未有通婚大國者今我得尚大唐公主當築一城以誇示後世仍遣酋豪子弟請入國學習詩書從之

金城 雍王守禮女神龍時降吐蕃贊普

寧國 肅宗女乾元時降回紇英武威遠可汗置公主府二年自蕃還五年罷府置邑司

永樂 宗室女開元時適契丹於鄭郡王李失活

燕郡 餘姚公主慕容氏開元時降契丹松羅郡王李鬱于焉

固安 從外生女辛氏開元時降奚首領李大輔後大輔殺死立季弟魯蘇為主仍尚主魯蘇牙官謀歸突厥主殺之

以功 被賞

東光 咸安公主韋氏

東光

降奚首領魯蘇

交河

十姓可汗史懷道開元時降突厥驍施可汗蘇祿

和義

宗室女天寶時降寧國奉化王

靜樂

外孫獨孤氏天寶時降松漢都督懷順王李懷節

宜芳

外生女楊氏天寶時降饒樂都督懷信王李延籠

崇徽

僕固懷恩女大曆時降回紇可汗

咸安

德宗女貞元時降回紇天親可汗置咸安公主府准親王

太和

憲宗女長慶時出降回紇崇德可汗

梁太祖女

安陽公主適羅延規

長樂公主適趙巖

普寧公主適王昭祚

金華公主

貞寧公主

少帝女

壽春公主

壽昌公主

後唐武帝女

瓊華長公主適孟知祥

瑤英公主適張延釗

明宗女

永寧公主適晉高祖

興平公主適趙延壽

壽安公主

永樂公主

晉高祖女

長安公主適楊承祚

漢高祖女

永寧公主適宋延偓

周太祖女

樂安公主

壽安公主適張永德

永寧公主

帝系

帝系

文獻通考卷二百五十八

二十七

文

宋太祖六女

三長女不及封

秦國長公主適王承衍

晉國大長公主適石保吉

許國長公主適魏成信

宋初之制初被選尚者即拜駙馬都尉賜玉帶襲衣銀鞍勒馬采羅百疋謂之繫親又賜其家銀萬兩令辦聘財之數倍於親王聘妃出降賜甲第餘如諸王夫人之制而扇加四引障花燭籠各加十

太宗七女

長不及封

燕國長公主適吳元辰

曹國長公主

中國大長公主出出家為尼

鄧國長公主適王貽永

晉國大長公主適柴宗慶

齊國大長公主適李遵勉舊制選尚者降其父為兄弟行是以舅禮謁繼曰皇帝聞而嘉之賜金幣

真宗二女

長女不及封

次及幼入道亦早薨

仁宗十三女

周陳國公主適李瑋

周國公主

漢國公主

秦國公主

魏國公主

魯國公主

吳國公主

燕國公主

楚國公主皆早夭

兗國公主適曹詩

秦魯國大長公主適錢景臻至紹興十三年始薨

慶壽寶壽二公主史不言所適

公主冊禮嘉祐二年儀注前一日有司設冊使副幕次於內東門外又設內命婦次於公主受冊印本位門外又設公主受冊印位於本位庭階下北向又設冊使位於內東門副使及內給

事於其南差退並東向北上又設冊印案位於冊使前南向又設內給事位於冊使北南向其日自文德殿奉冊印將至內給事指本位諸公主服首飾褫翟冊印至內東門外褥位置訖內臣引內命婦俱入就位禮直官引冊使副俱立東向位內給事前東向躬稱冊使王堯臣副使田况奉制授公主冊印退復內給事入請所設冊印本位公主前言訖退內給事進請冊使前面使跪以冊印授內給事內給事亦跪以授內謁者冊使退復內謁者及主當內臣持冊印入內東門內給事從入詣本位庭又內給事贊公主降立庭中北向位跪取冊興立於公主之右少前西向又內給事立於公主之左少前東向又內給事稱有制內給事贊公主再拜內給事奉冊跪授公主公主受以授內給事奉印亦然復贊再拜前引公主升位以次內臣引內命婦賀內給事贊言禮畢內命婦退遂引公主謝皇帝皇后冊引如

貴妃文曰充國公主之印皆存

公主出降嘉祐二年禮官言禮閣新儀公主出降前一日行五禮古者結婚始用行人告以夫家采擇之意謂之納采問女之名歸卜夫廟吉以告女家謂之問名納吉今選尚一出朝廷不待納采又公主封爵已行誕告不得問名而卜之若納成則既有進財請期則有司擇日宜稍依五禮之名存其物數俾知古者婚姻之事重而夫婦之際嚴如此亦不忘古禮之義也時堯國公主下嫁李璋詔俟出降日令夫家主婚者具合用鴈帛玉馬等物陳於內東門外以授內謁者進入內中付掌事者受之其馬不入

英宗四女

舒國公主早夭

魏國長公主適王詵

魏楚國公主適王師約

韓魏大長公主適張敦禮

神宗十女

吳國公主

鄆國公主

潞國公主

邢國公主

邠國公主

兗國公主

周國淑懷公主

已上皆早夭

唐國賢穆公主適嘉彥

潭國賢孝公主適王遇

徐國賢靜公主適潘意

哲宗四女

鄧國公主

揚國公主 皆早世

秦國公主適潘正夫

陳國公主適石端禮

徽宗三十四女

嘉德帝姬適曹寅

榮德帝姬適曹晟

順淑帝姬早亡

安德帝姬適宋邦光

茂德帝姬適蔡儵

壽淑帝姬早亡

慧淑帝姬

安淑帝姬 並早

崇德帝姬適曹湜

康淑帝姬

榮淑帝姬

保淑帝姬 並早

成德帝姬適向子房

甸德帝姬適田丕

悼穆帝姬

熙淑帝姬

敦淑帝姬 並早

顯德帝姬適劉文彥

順德帝姬適向子辰

申福帝姬

保福帝姬

賢福帝姬

仁福帝姬 並早

柔福帝姬

寧福帝姬

和福帝姬

永福帝姬

惠福帝姬

令福帝姬

華福帝姬

慶福帝姬

儀福帝姬

純福帝姬

恭福帝姬

並未及選尚從北狩殿於虜中

四朝國史傳史臣曰國朝帝女封公主公襲漢唐或以美名或以國姊妹曰長公主諸姑曰大長公主至祖姑則或加兩國政和三年蔡京為相建議以為不典始改為帝姬以二字易國名四字易兩國名自祖宗以降數十女皆追加封冊至中興時始復初故今所書但仍舊式唯徽宗諸主乃從一時之制云

帝姬降嫁儀納采問名納吉請期婿家具禮物並用納成幣等脩表如儀前期太史局擇日差官奏告景靈東西宮親迎前一日所司於東門外量地之宜西向設婿次其日大昕婿之父服其服告於禰廟曰無廟者行廳事天子降女於某婿以其日親迎敢告再拜子將行父醮子於廳事替者設父位於中間南向設子位於父位之西近南東向父即座子公服升自西階進立

於位前贊者注酒於醖西向授子子再拜跪受贊者又奉饌設於位前子舉酒盃即座飲食訖降再拜贊禮者引立於父位前父命之曰往迎肅雍以昭惠宗祐子再拜曰祗率嚴命又再拜降出乘馬至東華門內下馬禮直官引就次有司陳帝姬鹵簿儀仗於內東門外候帝姬將升厭翟車禮直官引婿出次立於內東門外躬身西向掌事者以鴈陳於前內謁者奉鴈以進俟帝姬升車訖婿再拜先還第同牢其日初昏掌事者設中洗各二一於東階東南一於室之北水在洗東尊於室中實四爵兩盃於篚爵盃以常用酒器代之婿至本第下馬以俟帝姬至降車替者引婿揖帝姬以入及寢門又揖婿導帝姬拜降入室盥洗掌事者布對位婿揖帝姬皆即座受醖三飲婿及帝姬俱興再拜訖贊者徹酒見舅姑夙興帝姬著花釵服褕翟以俟見贊者設舅姑位於堂上東西相向舅位於東姑位於西舅姑服其服俱就位

後立女相者引帝姬升自西階詣舅位前再拜訖贊者以棗臬授帝姬帝姬奉棗臬置於舅位前舅即座贊者進徹以東帝姬退復位又再拜女相者又引帝姬詣姑位前再拜訖贊者以服脩授帝姬帝姬奉服脩置於姑位前姑即座贊者受以東帝姬退復位又再拜次醴婦盥饋饗婦如儀五年五月嘉德帝姬下嫁曹寅詔用新儀行盥饋之禮皇后宮闈送至第外命婦免從重和五年十一月蔡京請免茂德帝姬下降見舅姑行盥饋之禮詔不允又詔神考治平間親灑宸翰以王姬下降躬行舅姑禮韋云歷代公習之幣以成婦道以風天下於是崇寧大觀以來詔有司講求典禮繼頒五禮新儀著為永法近聞徒有奉行之名而舅姑既不端坐返有下拜之禮甚失本意可自今帝姬下降恪遵新儀

中興國史傳論曰右三十四帝姬早亡者十四人餘皆北遷

獨恭福帝姬生才周時虜不知故不行建炎三年薨封隆國公主安德帝姬有遺女一人後適嗣秀王伯圭封秦國夫人榮德帝姬至燕京駙馬曹成卒改適習古國王紹興中有商人妻易氏者在劉超軍中見內人言宮禁事遂自稱榮德帝姬鎮撫使解潛送至行在遣內夫人驗之言其詐遂付大理寺獄成詔杖死又有開封尼李靜善者內人言其貌似柔福靜善即偽稱之蘄州兵馬鈐轄韓世清送至行在遣內侍馮益等驗視為所欺遂封福國長公主出適永州防禦使高世榮其後內人從顯仁太后歸言其妄送法寺治之內侍李諤自北還又言柔福在五國城適徐還而薨靜善遂伏誅柔福之薨也在紹興十一年從梓官來者以其骨至葬之追封和國長公主

孝宗二女

系

文獻通考卷三百五十八

三十一

吳泰

嘉國公主

次女俱早世

光宗三女

文安公主

和政公主

齊安公主

俱早世

寧宗一女

祈國公主

早世

文獻通考卷之二百五十八

文獻通考卷之二百五十九

宋鄱陽 馬 端臨 貴與 著

明蘄陽 馮 天馭 應房 校刊

帝系考 皇族

黃帝二十五子其得姓者二十四人

國語司空季子曰同姓為兄弟黃帝之子二十五人其同姓

者二人而已唯青陽與夷鼓皆為已姓此二人相與同德故

氏帝青陽方雷氏之甥也夷鼓彤魚氏之甥也方雷西陵氏

少皞國名帝系曰黃帝娶於西陵氏之子田螺其同生而異姓者

四母之別為十二姓凡黃帝之子二十五宗唐尚書曰繼別

別為大宗別之庶其得姓者一十四人為十二姓得姓以德

孫乃為小宗耳姬酉祁已滕箴任荀僖信儀依

是也唯青陽與蒼林氏同于黃帝故昏為姬姓二十五宗唯

青陽與蒼林

德及黃帝同 同德之難也如是言得自帝同之

昔高陽氏有才子八人號八人其商 蒼舒暭欽禱戡大臨龍

降庭堅仲容叔達此即垂益禹早陶之倫庭堅即臯陶字蹟徒

昭臣震反龍莫江反降下江反陶音遙 齊聖廣淵明允篤誠天

下之民謂之八愷厚也愷和也愷開在反 高辛氏有才子八

人高辛氏帝嚳之號八人 伯奮仲堪叔獻季仲伯虎仲熊叔豹

季狸此即稷契朱虎熊羆之倫奮而問反能音雄狸力 忠肅共

懿宣慈惠和天下之民謂之八元肅敬也懿美也宣徧 此十六

族也世濟其美不隕其名于敏反隕音類反 至於堯堯不能

舉舜臣堯舉八愷使主后土后土地官禹作司空 以揆百事莫

不時序地平天成揆度也成亦平 舉八元使布五教于四方契

司徒五教在寬故 父義母慈兄友弟共子孝內平外成內諸夏

知矣在八元之中 帝鴻掩義隱賊好行凶德醜類惡物

頑嚚不友是與比周醜亦惡也此近也周密也 好呼報反嚚魚

比昆志反 天下之民謂之渾敦謂驩兜渾敦不開通之貌渾戶

反少皞有不才子少皞金天氏之號次黃帝 毀信廢忠崇飾惡

言靖譖庸回服讒蒐慝以誣盛德崇聚也靖安也庸用也回邪

德賢人也蒐所留反 天下之民謂之窮奇謂共工其行窮其好

行下孟反 顛頑氏有不才子不可教訓不知話言話善也話

好呼報反 舍之則嚚不道忠信 傲很明德以亂天常天下

之民謂之梟杻謂鯀梟杻頭凶無壽匹之貌傲五報反很 此三

族也世濟其凶憎其惡名以至於堯堯不能去方以宜公比堯

堯亦不能消賢臣而除之 縉雲氏有不才子縉雲黃帝 貪于飲

食冒于貨賂侵欲崇侈不可盈厭聚斂積實不知紀極不分孤

寡不恤貧匱亦貪也盈滿也實財 天下之民以比三凶非帝

子孫別以 謂之饕餮貪財為饕貪食為餮 舜臣堯為堯 賓于四

此三凶 謂之饕餮貪財為饕貪食為餮 舜臣堯為堯 賓于四

此三凶 謂之饕餮貪財為饕貪食為餮 舜臣堯為堯 賓于四

門闢四門達四聰以宣禮象賢闢

流四凶族

案四凶罪狀渾敦

窮奇檮杌饕餮投諸四裔以禦魑魅

投棄也裔遠也故之四遠

如一同心戴舜以為天子以其舉十六相去四凶也

異氣所生為人害者○禦魚呂及山神獸形是以堯崩而天下

按八愷出自高陽八元出自高辛驩兜出自帝鴻共工

出自少皞鯀出自顓頊皆黃帝之裔也雖賢否不同而

皆以帝者子孫為顯官於唐虞之世蓋古之任者世祿

而五帝三代之世系未有不自黃帝者故叙此段以

備唐虞以來公族世系之本末云

周武王克商光有天下兄弟之國十有五人姬姓之國四十人

傳富辰曰昔周公弔二叔之不咸故封建親戚以蕃屏周

曹滕畢原鄆郟文之昭也其親戚以至滅亡故廣封其兄弟邰晉應韓武之穆也國

皆武王名凡將邢茅胙祭周公之胤也

禮記文王世子庶子之正於公族者教之以孝悌睦友子愛明

父子之義長幼之序正者政也庶子司馬之屬掌其朝于公內

朝則東西北上臣有貴者以齒寢庭其在外朝則以官司士

為之外朝路寢門之外庭司士亦司馬之其在宗廟之中則如

外朝之位宗人授事以爵以官宗人掌禮及宗廟也以爵貴賤

司徒奉牛司馬其登餼獻受爵則以上嗣上嗣君之適長子以

爵謂上嗣舉奠也獻謂舉奠洗爵酌入也餼謂宗人庶子治之

雖有三命不踰父兄治之治公族之禮也唯於內朝則然其餘

命齒于公族三命不齒不齒會聚之事則與庶姓同一命齒于鄉里再

序雖於公族之喪亦如之以次主人大事謂死喪也其為君雖

主人主喪者次主人者主人恒在皆斬衰序之必以本親也

上主人雖有父兄猶不得下齒之若公與族燕則異姓為賓宗

無相賓膳宰為主夫燕尊不公與父兄齒親親族食降一等親

客之道

帝系

文獻通考卷一百五十九

三

族

綱疏者希稠其在軍則守於公族謂從軍者公彌行以公若有

出疆之政謂朝覲庶子以公族之無事者守於公宮正室守於

太廟正安適子也諸父守貴宮貴室謂守路寢五廟之孫祖廟未

子諸孫守下宮下室下宮親廟也或言官或言廟通異語毀雖為庶人冠取妻必告死必赴練祥則告趙告於君也實四

容顯考為族之相為也宜弔不弔宜免不免有司罰之世以禮

至於贈賻承含皆有正焉承讀為贈聲之誤也正禮也

贈出注含胡暗反本又作含贈賻皆贈喪之物也車馬

族其有死罪則磔于甸人不於市朝者隱之也甸人掌郊野之

刑玄縊一其刑罪則織刺亦告于甸人織讀為織織刺也刺割也

成有司讞于公其死罪則曰某之罪在大辟其刑罪則曰某之

罪在小辟成平也讞之言曰公曰宥之宥寬也欲寬其有司又

曰在辟公又曰宥之又復有司又曰在辟及三宥不對走出致

刑于甸人對谷也先者言每言宥則谷之以將更寬之至公又

使人追之曰雖然必赦之有司對曰無及也欲赦之重刑殺其

反命于公刑殺公素服不舉為之變如其倫之喪無服素服

族朝于內朝內親也雖有貴者以齒明父子也謂以宗外朝以

官體異姓也體猶連宗廟之中以爵為位崇德也崇高宗人授

事以官尊賢也有能登餼受爵以上嗣尊祖之道也上嗣祖喪

紀以服之輕重為序不奪人親也紀猶公與族燕則以齒而孝

弟之道達矣以至尊不自其族食世降一等親親之殺也殺差

戰則守於公彌孝愛之深也行主君正室守太廟尊宗室而君

臣之道著矣以其不敢以諸父諸兄守貴室子弟守下室而讓

道達矣以其貴者守貴賤者守賤上言五廟之孫祖廟未毀雖

及庶人冠取妻必告死必赴不忘親也親未絕而列於庶人賤

無能也敬弔臨賻賵睦友之道也古者庶子之官治而邦國有

倫邦國有倫而衆鄉方矣鄉方言也公族之罪雖親不以犯有司

正術也所以體百姓也犯猶干也術法也刑于隱者不與國

人慮兄弟也弗弔弗為服哭于異姓之廟為忝祖遠之也素服

居外不聽樂私喪之也骨肉之親無絕也公族無官刑不翦其

類也翦割也遠于方反

左傳襄公十二年吳子壽夢卒臨於周廟禮也周廟文王廟也

王故魯立其廟吳始通魯凡諸侯之喪異姓臨於外於城外同姓於宗廟

所出王同宗於祖廟始封君同族於禰廟父廟也同族是故

魯為諸姬臨於周廟為邢凡蔣茅昨祭臨於周公之廟魯也

六國皆周公之女子別封為國共祖周公

秦商鞅立法宗室非有軍功不得論為屬籍

漢高祖七年置宗正官以叙九族

文帝四年復諸劉有屬籍家無所與賜諸侯子邑名二千石

孝武元光元年復七國宗室前絕屬者
按孝景三年詔楚元王子執等與吳王濞等為逆朕不忍加法除其籍母令汚宗室是年始詔復之

後元二年正月朝諸侯于甘泉宮賜宗室

孝昭始元二年以宗室母在位者舉茂材辟疆劉長樂皆為光

祿大夫辟疆守長樂衛尉

武帝時劉辟疆以宗室子隨二千石議論冠諸宗室清寧少

欲常以書自娛不肯仕昭帝即位或說大將軍光曰將軍不見諸呂之事乎處伊周之位攝擅權而背宗室不與共職是

以天下不信卒至滅亡今將軍當盛位帝春秋富宜納宗室
又多與大臣共事反諸呂道如是可以免患光然之乃擇宗
室可用者辟疆子德待詔丞相府

孝宣地節元年詔曰蓋聞堯親九族以和萬國朕蒙遺德奉承
聖業惟念宗室屬未盡而以罪絕若有賢材改行勸善其復屬
使得自新

孝成建始二年罷博望苑以賜宗室朝請者

劉向上封事言王氏一姓朱輪華轂者二十三人大將軍秉
事用權五侯駙谷排擯宗室孤弱公族其有智能者尤非毀
而不進遠絕宗室之任不令得給事朝省恐其與已分權事
勢不兩大王氏與劉氏且不並立宜發明詔吐德音接近宗
室親而納信黜遠外戚母授以政所以懷睦內外之姓子孫
無疆之計也

哀帝即位賜宗室王子有屬者馬各一

本紀

平帝元始元年詔宗室屬未盡而以罪絕者復其屬其為吏舉

廉佐史補四百石

本紀師古曰宗室為吏者皆令舉廉各從本
秋而廉吏遷之為佐史者例補四百石

四年二月賜宗室有屬籍者爵自五大夫以上各有差

本紀

五年正月祫祭明堂宗室子九百人召助祭禮畢皆益戶賜爵
及金帛增秩補吏各有差詔曰蓋聞帝王以德撫民其次親親
以相及也昔堯睦九族舜厚叙之朕以皇帝幼年且統國政惟
宗室子皆太祖高皇帝子孫及兄弟吳頃楚元之後漢元至今
十有餘萬人雖有王侯之屬莫能相糾或陷入刑罪教訓不至
之咎也傳不云乎君子篤於親則民興於仁其為宗室自太上
皇帝以來族親各以世氏郡國置宗師以糾之致教訓焉二千
石選有德義者以為宗師考察不從教令有寃失職者宗師得
因郵亭書言宗伯請以聞常以歲月正賜宗師帛各十匹

西漢初宗室封王者帝子王已見皇

楚元王交高帝弟

代王喜高帝兄

荆王賈高帝從父弟

燕敬王澤高帝從祖昆弟各王受封傳國本末見封建考此更不錄後同

西漢宗室王子侯

高帝時封三人

高后時封三人

孝文時封十四人

孝景時封七人

孝武時封一百七十七人

孝昭時封十二人

孝宣時封六十三人

孝元時封四十八人

孝成時封四十三人

孝哀時封九人

孝平時封二十七人

各侯姓名及受封傳國本末並見封建考此更不錄後同東漢世祖建武二年十二月戊午詔曰惟宗室列侯為王莽所

廢先靈無所依歸朕愍之其並復故國若侯身已歿屬所上墓子孫見名尚書封拜紀

十三年二月丙辰詔曰長沙王興真定王得河間王邵中山王

茂皆襲爵為王不應經義其以興為臨湘侯得為真定侯邵為

樂成侯茂為單父侯其宗室及絕國封侯者凡一百三十七人

丁巳降趙王良為趙公太原王章為齊公魯王興為魯公

漢置宗正卿掌序錄王國嫡庶之次及諸宗親屬遠近郡國歲

因計上宗室名籍若有犯法當髡以上先上諸宗正宗正以聞

乃報決胡廣曰又歲一治諸王世譜差序秩

和帝元興元年宗室以罪絕者悉復屬籍以後屢有此

魏文帝黃初二年制封王之庶子為卿公嗣王之庶子為亭侯

公之庶子為亭伯

齊王時宗室曹固上書曰大魏之興二十四年矣子弟王空
虛之地君有不使之民宗室竄於閭閻不闢邦國之政權均
匹夫勢齊凡庶內無深根不拔之固外無磐石宗盟之助非
所以安社稷為萬世之業也且今之州牧郡守古之方伯諸
侯皆跨有千里之土兼軍武之任或比國數人或兄弟並據
而宗室子弟曾無一人廁其間與相維制非所以強幹弱枝
備萬一之虞也今之用賢超為名都之吏或為偏師之帥而
宗室有文者必限之小縣之宰有武者必致百人之上非所
以勸進賢能褒異宗室之禮也語曰百足之虫至死不僵以
其扶之者衆也此言雖小可以譬大是以聖王安不忘危存
不忘亡故天下有變而無傾危之患矣冀以此論感寤曹爽
爽不能用

魏宗室

曹仁

太祖從弟任至車騎將軍封東侯

曹洪

太祖從弟任至驃騎將軍封陽侯

曹休

太祖族子任至大司馬揚州都督封長平侯

曹真

太祖族子任至大司馬封東鄉侯

晉武帝懲魏氏孤立之敝故大封宗室授以職任又詔諸王皆
得自選國中長吏衛將軍齊王攸獨不敢皆令上請又詔除魏
宗室禁錮

晉置宗正統皇族宗人圖諜

晉宗室王侯

安平獻王孚

宣帝弟

彭城穆王權

宣帝弟

高密文獻王泰

宣帝弟

范陽康王綏

宣帝弟

濟南惠王遂

宣帝弟

譙遜王剛

宣帝弟

任城景王陵

宣帝弟

平原王幹

宣帝弟

汝南文成王亮

宣帝子

琅琊武王佃

宣帝子

清惠亭侯京

宣帝子

扶風武王駿

宣帝子

梁王彤 宣帝子

趙王倫 宣帝子

齊獻王攸 文帝子

城陽哀王卬 文帝子

遼東悼惠王定國 文帝子

廣漢王廣德 文帝子

樂安平王鑒 文帝子

燕王機 文帝子

宋宗室諸王侯

長沙景王道憐 武帝中弟

臨川烈武王道規 武帝季弟

營浦侯遵考 武帝族弟

始武帝輔政時諸子並弱宗室唯有遵考云

孝武帝制帝室蕃親官非祿官者月給錢十萬

齊宗室諸王侯

衡陽元王道度 高帝長兄

始安王道生 高帝次兄

南豐伯赤斧 高帝從祖弟

臨汝侯坦之 高帝絕服族子

梁宗室王侯

吳平侯景 武帝從父弟

長沙宣武王懿 武帝兄

永陽昭王敷 武帝兄

衡陽宣王暢 武帝弟

桂陽簡王融 武帝弟

臨川靜惠王弘 武帝弟

南平元襄王偉 武帝弟

安成康王秀 武帝弟

始興忠武王憺 武帝弟

鄱陽忠烈王恢 武帝弟

梁置宗正卿位視列曹尚書主皇室外戚之籍以宗室爲之

陳宗室王侯

永脩侯擬 武帝疎屬

遂興侯詳

宜黃侯慧紀 武帝從孫

南康愍王曇朗 武帝母弟

後魏宗室王侯

上左公紇羅 神元帝曾孫

武陵侯因

長樂王壽樂 並章帝後

望都公頽 昭帝後

六脩 穆帝長子

曲陽侯素延

順陽公郁

宜都王目辰 並桓帝後

吉陽男比干

江夏公呂 道武族弟

高涼王孤 平文帝第四子

西河公敦 平文帝曾孫

司徒 平文帝玄孫

武衛將軍謂 烈帝第四子

河間公齊 烈帝玄孫

扶風公處真 烈帝後

文安公泥 魏疏族

寔君 昭武帝子

秦王翰 昭武帝子

闕婆

壽鳩

紇根

地干

力真

窟咄 並昭成帝子

明帝時京兆王遙大功昆弟皆是景穆之孫至明帝而本服絕故除遙等屬籍遙表曰竊聞聖人所以南面而聽天下其不可得變革者則親也尊也四世而總服窮五世而袒免六

世而親屬竭矣去茲以往猶繫之以姓而弗別綴之以食而弗殊又律曰議親者非唯當世之屬親歷謂先帝之五世諸尋斯旨將以廣帝宗重磐石先皇所以變茲事條爲此別制者大和之季方有意於吳屬經始之費慮深在初割滅之起暫出當時也且臨淮王提分屬籍之始高祖賜帛三千疋所以重分離樂良王長命亦賜縑二千疋所以存慈眷此皆先朝殷勤克念不得已而然者也古人有言百足之蟲至死不僵者以其輔已者衆臣誠不欲妄親太階苟求潤屋但傷太宗一分則天子屬籍不過千數人而已在漢親王之子不限多少皆列土而封謂之曰侯至于魏晉莫不廣胙河山稱之曰公者蓋惡其大宗之不固骨肉之恩踈矣臣去皇上雖是五世之遠於先帝便是天子之孫高祖所以國秩祿賦復給衣食后族唯給其賦不與衣食者欲以別內外限異同也今

諸廟之感在心未忘行道之悲倏然已及其諸封者身亡之日三年服終然後改奪今朝廷猶在過密之中便議此事實用未安詔付尚書博議以聞尚書令任城王澄尚書左僕射元暉奏同遙表靈太后不從先是皇族有譴皆不持訊時有宗士元顯當犯罪宗正約以舊制尚書李平奏以帝宗磐石周布天下其屬籍踈遠蔭官卑末無良犯憲理須根究請立限斷以為定式詔曰雲漢綿遠蕃衍代滋植籍宗氏而為不善者良亦多矣先朝既無不訊之格而空相矯恃以長為暴諸在議請之外者可悉依常法

北齊宗室王侯

趙郡王琛

神武武帝弟

清河王岳

神武從父弟

廣平公盛

神武從叔祖

陽州公永樂

神武從祖兄子

上洛王思宗

神武從子

平秦王歸彥

神武族弟

武興王普

歸彥兄子

長樂太守靈山

神武族弟

神武諸子已見皇子門

齊置大宗正寺掌宗室屬籍統皇子王國諸長公主家周宗室無封爵貴顯者周文帝諸子已見皇子門更不重叙

隋宗室諸王

蔡景王整

文帝次弟

滕穆王瓚

文帝弟

道宣王嵩

文帝弟

衛昭王爽

文帝弟

河間王弘

文帝從弟

義城公處綱

文帝族父

離石太守子崇

武元帝族弟

唐宗室四十一房

一曰定州刺史

名乞豆任後魏太祖景皇帝虎之次弟

二曰南陽公

景帝子各延伯

三曰譙王

景帝子各真

四曰葵王景帝子

五曰畢王景帝子

六曰雍王景帝子

七曰郇王景帝子

八曰大鄭王景帝子

九曰蜀王代祖元皇帝

十曰巢王高祖子

十一曰大楚王高祖子

十二曰荆王高祖子

十三曰徐王高祖子

十四曰韓王高祖子

十五曰彭王高祖子

十六曰小鄭王高祖子

十七曰霍王高祖子

十八曰虢王高祖子

十九曰道王高祖子

二十曰鄧王高祖子

二十一曰舒王高祖子

二十二曰魯王高祖子

二十三曰江王高祖子

二十四曰密王高祖子

二十五曰滕王高祖子

二十六曰恒山王太宗子

二十七曰吳王太宗子

二十八曰濮王太宗子

二十九曰蔣王太宗子

三十一曰越王太宗子

三十二曰曹王太宗子

三十三曰章懷太子高宗子

三十四曰湖陽郡王睿宗子

三十九曰惠宣太子睿宗子

又有隴西渤海二房附見其譜定著三十九房自玄宗以後諸王不出閩不分房子孫闕而不見

太宗貞觀元年初上皇欲強宗室以鎮天下故皇再從三從弟及兄弟之子雖童孺皆為王王者數十人上從容問羣臣封宗子於天下利乎封德彝對曰前世唯皇子及兄弟乃為王自餘非有大功無為王者上皇數睦九族大封宗室自兩漢以來未有如今日之多者爵命既崇多給力役恐非示天下以至公也上曰然朕為天子所以養百姓也豈可勞百姓以養已之宗族乎乃詔降宗室郡王皆為縣公惟有功者數人不降

玄宗先天之後皇子幼則居內東封後以年漸長成乃於安國寺東附苑城同為大宅分院居之名為十王宅令中官押之於夾城中起居每日家令進膳又引詞學工書之人入教謂之侍讀十王謂慶忠棣鄂榮光儀穎永濟蓋舉全數其後盛儔陳豐恒涼六王又就封入內宅開元二十五年鄂光得罪忠王繼大統天寶中慶棣又歿唯榮儀十四王居內而府幕列於外坊歲時通名起居而已外諸孫長成又於十宅外置百孫院每歲幸華清宮側亦有十王宅百孫院十王宮人每院四百餘人又於宮中置維城庫諸王月俸物納之以給用諸孫納妃嫁女亦就十院中太子不居於東宮但居於乘輿所幸之別院太子之子亦分院而居婚嫁則同親王公主於崇仁里之禮院唐宗正寺掌天子族親屬籍以別昭穆凡親有五等先定於司封一曰皇帝周親皇后父母視三品二曰皇帝大功親小功尊

屬太皇太后皇后皇后周親視四品三曰皇帝小功親總麻尊屬太皇太后皇后皇后大功親視五品四曰皇帝總麻親袒免尊屬太皇太后皇后皇后小功親五曰皇帝袒免親太皇太后小功卑屬皇太后皇后總麻親視六品皇帝親之夫婦男女降本親二等餘親降三等尊屬進一等降而過五等者不為親諸王大長公主親本品嗣王郡王非三等親者亦視五品選舉制凡館有二門下省有弘文館生三十六人東宮有崇文館生二十人以皇總麻以上親皇太后皇后大功以上親宰相貴官之子為之

唐宗室王侯

南陽公延伯 太祖長子

畢王璋 太祖子

雍王繪 太祖子

譙王真 太祖次子

江夏王道宗 璋之孫

淮陽壯王道玄 繪之孫

郇王禕 太祖子

長平肅王叔良 禕子

新興郡王德良 禕子

長樂郡王幼良 禕子

蔡烈王蔚 太祖子

西平懷王安 蔚子

襄武郡王琛 安子

河間元王孝恭 安子

濟北郡王瑊 安子

漢陽郡王懷 安子

濟南郡王哲 蔚子

廬江郡王琰 哲子

鄭孝王亮 太祖子

淮安靖王神通 亮子

膠東郡王道彥

高密王孝啓

淄川王孝同

廣平王孝慈

河間王孝友

清河王孝節

膠西王孝義 並神通子

梁王澄 世祖子

蜀王湛 世祖子

隴西恭王博乂 湛子

渤海敬王奉慈 湛子

唐宗室宰相凡十一人

林甫

回 係郇王房

石

程

福 係鄭王房

勉

夷簡

宗閔 係小鄭王房

適之 係桓山王房

峴 係吳王房

知柔 係宣惠太子房

王氏揮塵錄曰唐書特立宗室傳贊乃云宰相以宗室進者九人林甫姦諛幾亡天下程知柔在位無所發明林甫在姦臣傳知柔相昭宗附宣惠太子業傳後第五止叙七人適之峴勉程然李麟乃懿祖後李逢吉李蔚俱隴西同系李宗閔出鄭王房李揆亦出隴西宰相共十三人也不同作一傳何耶

宋宗室諸王

邕王光濟

宣祖長子太祖兄早卒追封

夔王光贊

宣祖幼子太祖弟早卒追封

秦王廷美

宣祖第三子廷美諸子異其稱謂故屬籍皆曰皇子皇女及廷美得非乃正名稱皇姓皇姪女

仁宗景祐中下詔度玉清昭應宮舊地建宮合宗室十位聚居

賜名曰瞻親院於祖宗後選一人為宗正以司訓導糾違失凡

宗族之政令皆令掌之奏事毋得專達先詳視可否以聞

初諸王邸散居京師過從有禁非朝謁從祠不得時會見仁

宗立瞻親院以壽春郡王允讓知大宗正事總領輯睦甚有

恩意務以身先之教養子孫宗向藝學不率則正其罪故更

相責厲莫不勸服故事內朝謁宗婦不預因曰託姻皇屬而

不得一望禁闈非所以顯榮之也奏通其籍又宗婦少喪夫

雖無子不許更嫁曰此非人情乃為請使有歸

神宗熙寧二年中書樞密院言祖宗受命西年皇族日以蕃衍

而親疎之施未有等衰甄序其材未能如古獻議之臣謂宜有

所釐正請參酌先王典制時事之宜條具聞奏詔同議以聞臣

等今謀定方今可行之制宣祖太祖太宗之子皆擇其後一人

為宗世世封公補環衛官以奉祭祀不以服屬盡故殺其恩禮

祖宗袒免親將軍已下願出官者聽仍先經大宗正司陳請大

宗正擇本官尊長與太學教授使學才行堪任使者然後審察

以聞就武官者試讀律習書就文官者說試一中經或論一首

將軍換諸司副使太常丞正率換內殿崇班太子中允並與州

郡監當一次任滿與親民副率換西頭供養官大理評事與監

當一次任滿有州郡監司保舉者與親民否則即依外官祖宗

袒免親未賜名授官者除右班殿直年十五與請給年二十許

出官願換文官者與試銜知縣並令監當考試及任滿有無保
任如前法出官日並特與友賜願鑲廳應舉者依外官其非袒
免親不賜名授官許應舉進士者只試策論明經者習一大
經試大義及策初試不成文理者退黜餘令覆試取合格者以
五分爲限人數雖多不得過五十人累經覆試不中年長者當
特推恩量材錄用已出官者給俸依在京分數許依審官三班
銓法指擬注授不以遠近爲限授文官者轉官者轉官與進士
出身同鑲廳應進士明經舉有出身人至員外郎與轉左曹宗
室不出官者祖宗元孫轉官至正任觀察使止袒免親至遙郡
刺史止祖宗袒免親見任官合奏薦子孫者許依外官祖宗袒
免親以下見有官不願出官父祖俱亡者許在京居一隨處置
產其出官者置田宅如外官法祖宗袒免女嫁賜錢減半婚與
三班奉職非袒免女量加給賜更不與婚官有官者與免入遠

許依審官三班流內銓法指擬注授班行免指使其袒免親娶
婦量加給賜其非袒免親嫁娶依庶姓仍不得與非士族家爲
婚姻祖宗袒免親以外兩世貧無官者量賜田孤幼無依及尤
貧失所者不拘世數隨所在官司具名聞奏當職特加存恤奏
上詔曰自我祖宗惇叙邦族大則疏封於爵土次則通籍於閭
臺並留京師參奉朝請然而世緒寔遠皇枝益蕃屬有親疎則
恩有隆殺才有賢否則祿有重輕今而一貫於周行是亦奚分
於流別雖敦睦之道試廣而德施之義未周故廷臣數言宰司
繼請謂宜定正限以等夷朕惟親戚之間經史有訓漢唐之世
故事具存或以九族辨尊卑或以五宗紀遠近或聽推恩而分
子弟或許自試而効才能或宗子之賢得從科舉或諸王之女
自主婚姻盡前世之所行顧當今之未備况我朝制作動法先
王豈宗室等衰乃無定著因俾羣公之合議將一代之通規載

覽奏封具陳條目以謂祖宗昭穆是宜世世之封王公子孫抑有親親之教若乃服屬之既竭洎于才藝之並優在隨噐以甄揚使當官而勉懋至於任子之令通婚之儀凡曰有司之常一用外官之法僉言既允朕意何疑告於將來用頒明命宜依中書樞密院所奏施行

宗正寺言每歲寫仙源積慶圖宗藩慶緒錄送龍圖天章寶文閣今宗室非袒免親既不賜名授官一依外官之法請定所修圖冊詔下禮院詳定禮官言六世親屬既竭繫之以姓而弗別則禮有其義皇宗祖廟雖毀子孫皆於宗寺附籍則今有其文况朝廷釐改皇族授官之制而袒免外親統宗襲爵進預科選遷官給俸恩禮優異悉不與外官匹庶同法屬雖疎而恩數不絕若圖籍湮落則無審其所從證其宗正寺所修圖錄並請仍舊從之

元豐官制行詔大宗正司不隸六曹大宗正以宗室團練以上有德望者為之次一人為同知位高屬尊者為制掌糾合族屬而訓之以德行道藝受其詞訟而糾正其愆違有罪則先劾以聞法例不能決者同上殿取裁凡宗室服屬遠近之數及其賞罰規式皆總之屬有記室一人掌牋奏講書教授十有二人講授兼領小學之事 渡江後頗用南班多不得其人無以表率更生刻削宗室皆患之 置宗學及學官本末見職官門 哲宗紹聖元年禮部言諸宗室係袒免以外兩世祖父俱亡而無官雖有官而未履務貧不能給者委大宗正司及所在官司奏給錢米從之

徽宗崇寧元年詔曰神宗嘗詔宗室年長者推恩又嘗詔袒免外兩世貧無官者賜田又嘗詔外任者許居於兩京今宜遵先志宰臣蔡京等言宗室舊來在宮有出入之限有不許外交之

禁宮門有幾察之令今踈屬外居僅遍都下積日滋久始不能容若不居之兩京散之近郡立關幾察之令或一有非意犯法則勢有不可已者今請非袒免親以下兩世除北京外欲分於西京南京近輔或沿流便郡居止各隨州郡大小創置居宇仍先自兩京為始每處置敦宗院命文武官各一員管幹參酌在京宮院法禁不可行者頒下從之

大觀二年正月詔自我英宗起於濮邸入繼大統濮王之後於屬雖親於服已遠如不字之子論正服則猶是總麻視正統則已非袒免無賜名授官之制無祿廩賜予之法比聞貧乏匱困或不能自存朕富有天下而五服內親僅同民庶非強本之道欲盡親親之禮而承統之重義所不敢夙夜以思當使恩義兩得然後為稱應濮陽孫士字可依仲字不字及不字之子並依士字恩數條例宗女隨其字行等第施行庶不失承統之義而

曲盡人倫之親

八月詔保州皇族子孫於屬雖遠然未有仁而遺其親者此聞皇族之孫未官者餘三十人或貧乏不能自存已令置敦宗院其六房內各擇最長年二十已上者與三班奉職二人一房及六人已上加一人並與添差監當

宣和五年詔今後內外宗室並不稱姓七年後詔依熙寧法並著姓

先是宗正少卿趙子崧賜對帝問宗子何以著姓子崧以熙寧之法為對遂詔宗室並不著姓其後有司不復考故事官職無高下皆名別之至是子崧復為帝言故寢前詔

宋朝宗室侍從自宣和至嘉泰凡十九人太祖下今鑠寶文閣

令諲戶部侍郎子崧端明殿學士子畫 子直 子櫟立寶文閣學士子瀟 子

厚戶部侍郎伯圭端明殿學士師訓工部侍郎師蕞敷文閣學士師罕戶部侍郎太

宗下不弃

不流

善堅

不迹

魏王下彦中

中書舍人彦操

煥章閣待制

彦逾

工部侍郎

華文閣待制

宗室為狀元者乾道初汝愚中詞科者淳熙初彥中中童子舉者慶元中崇榘三年六月己卯崇榘以能誦六經免文解

宗正寺仙源類譜太祖下德字行四人惟字行八人從字守字

行二十四人世字行一百二十九人令字行五百六十四人子

字行一千二百五十一人伯字行一千六百四十五人

師字行一千四百九十人希字行一千一百四十人與字行一

百十人凡六千三百六十五人孟字行由字行未見數太宗下

元字行九人允字行十九人宗字行七十五人

三百八十八人士字行一千四百九十九人不字行二千一百

三十人善字行二千四百三十一人汝字行一千二十二崇

字行四百一十三人必字行一十九人凡八千有五人良字行

友字行未見數魏悼王下德字行十人承字行三十二人克字

行一百二十七人叔字行五百六十一人之字行一千四百二

十五人公字行一千七百七十四人彥字行一千八百二十四

人夫字行一千六百六十六人時字行二百五十三人若字行

二十四人嗣字行未見數其見數者凡七千二百九十六人以

淳熙八年計之三祖下合二萬一千六百六十有六人英宗子

吳王益下孝字行十三人安字多字居字行皆為南班官未見

數淳熙初詔多字行之子連自字紹熙初詔自字行之子連甫

字徽宗子隸華宅諸王下連卿字卿字下連茂字茂字下連中

字中字下連孫字然隸華子孫自靖康以來皆隔異域但遙為

排連而已 保州宗室者翼祖皇帝後也建炎初隔絕紹興九

年渡江者數十人有官四人而已上念之詔注官如兩京例今

廣字繼字夫字行者是也 故事宗女適人皆內侍與有司主

之熙寧後以昭穆益疎乃給奩具祖宗元孫女五百千五世三百五十千六世三百 千七世二百五十千八世百五十千紹興七年冬詔元孫減五之二六世八世減三之一五世七世減七之二已適而再行者各減半然有司不時給宗女貧不能行多自稱不願出適者三十二年惠靖襄王子子遊知南外宗正事請於朝下泉州以經總制司錢支給云

建炎末上以天屬避地者少詔南班宗婦無子孫食祿者廩給有差凡祖宗總麻親歲給錢九十六千米三十六斛帛二十八疋袒免親錢米減三之二綿帛並減半四年六月已卯故事宗室近臣吉凶皆有賜予紹興初以軍興財匱罷之月已巳十一年秋皇叔祖右監門衛大將軍仲垂卒于臨安至無以斂判大宗正事齊安郡王士儂言于朝詔總麻親任環列以上亡者賜錢三百千袒免減三之一九月甲辰今以為例焉本朝宗室皆聚於京師

寧間始許居于外蔡京為政即河南應天置西南二敦宗院設宗官主之靖康之禍在京宗室無得免者而睢維二都得全建炎初上將南幸先徙諸宗室於江淮於是大宗正司移江寧南外移鎮江西外移揚州元年八月戊午明年春又移西外於泰州及高郵軍甲午三年冬又移於福州而南外移泉州以避狄十二月甲子紹興元年秋嗣濮王仲湜請合西南外宗正為一司以省財用有司以泉州乏財不許九月壬子是時兩外宗子女婦合五百餘人歲費緡錢九萬南外三百四十九人歲費錢六萬緡西外一百七十六人歲費錢約三萬緡紹興府宗正司者紹興三年以行在未有居第權分宗子居之三十年春恩平郡王出居會稽遂以為判大宗正事三月乾道七年虞丞相秉政言蜀中闕大宗正司上欲移紹興府宗正司於成都五月既而不行但省會稽一司而已今蜀中宗子甚眾既無親賢領之但每州以行尊者一員檢察錢米請受由是往往蹈於

非彛而不可訓焉

東都故事宗子皆築大舍聚居之太祖太宗九王後曰睦親秦王後曰廣親英宗二王曰親賢神宗五王曰棣華徽宗諸王曰蕃衍渡江後宗子始散居郡邑惟親賢子孫為近屬則聚居之孝宗子四人邵悼肅王無後莊文太子魏惠憲王早薨莊文之妃惠憲之夫人皆別居賜第初莊文既大祥議者欲皇孫出居于外或以為不可又踰年竟以知樞密院府為外第焉紹熙初寧宗封嘉王將以所藉富民裴氏之居為府第而議者以為非宜乃改築蓋自紹興以來天屬鮮少故不復賜宅名云

密齋洪氏隨筆曰吏部員多闕少今為益甚而選人當注職官簿尉輒為宗室所奪蓋以盡壓已到部人之故案宣和七年八月臣僚論祖宗時宗室無參選法至崇寧初大啓僥倖遂使任意出官又優為之法參選一日即在闔選

各次之上以天支之貴其間不為無人而膏梁之習貪縱恣出為民害者不少議者頗欲懲革罷百十人之私恩為億萬人之公利誠為至當若以親愛未忍姑乞與在部人通理名次從之靖康元年八月又奏云祖宗時未有宗室參選之法神宗時始選擇差注一二崇寧初立法太優著之人復占名州大縣優便豐厚之處議者頗欲懲革不注郡守縣令與在部人通理名次有旨從之此二段元未嘗衝改不知何時復紊也

又曰本朝宗室袒免親女出嫁如婿係自身人得文解者為將仕郎否則承節承信郎妻雖死夫為官如故案唐正元中故懷澤縣主婿檢校贊善大夫竇刻紹狀言臣頃以國親超受寵祿及縣主薨逝臣官遂停臣倍位出身未授

檢校官自有本官伏乞宣付所司許取前銜婺州司戶叅軍隨例調集詔許赴集仍委所司比類前任正貢官依資注擬自今已後郡縣主婚除丁憂外有曾任正貢官停檢校官俸料後者準此處分乃知婚官不停者恩厚於唐世多矣紹興中高士勳尚偽福國長公主至觀察使及公主事發誅死猶得故官可謂優渥

又曰壽皇聖帝登極赦恩凡宗子不以服屬遠近人數多少其曾獲文解兩次者並直赴殿試略通文墨者所在州量試則補承信郎由是入仕者過千人已上淳熙十六年二月紹熙五年七月二赦皆然故皇族得官不可以數計偶閱唐昭宗實錄載一事云宗正少卿李克助奏往去年十一月赦書皇三等以上親無官者每父下放一人出身皇五等以上親未有出身倍位者與出身寺司起請承前

舊例九廟子孫陪位者每父下放一人少身共放三百八十人其其諸房宗室等各赴陪位總到文狀共一千二十七人餘元不起陪位及不納到狀及違奪司條液不取宗室充條落下外係三百八十人合放少身勅准赦書處分子案昭宗以文德元年即位次年十一月南郊禮畢肆赦其略云皇三等以上親委中書門下各擇有才行者量與改官無官者每父下放一人少身才行者以上親未有少身陪位者與出身然則亦有三等親陪位與不陪位之差別也

文獻通考卷之二百六十

宋鄱陽 馬端臨 貴與 著

封建考

明蘄陽 馮天馭 應房 校刊

黃帝之時神農氏世衰

謂神農氏後代子孫道德衰薄非皆炎帝之身也

諸侯相侵伐

暴虐百姓而神農氏弗能征於是軒轅乃習用干戈征不享諸

侯咸來賓從而蚩尤最為恭莫能伐炎帝欲侵陵諸侯諸侯咸

歸軒轅軒轅乃修德振兵以與炎帝戰于阪泉之野三戰然後

得其志謂黃帝克炎帝之後蚩尤作亂不用帝命黃帝乃徵師諸侯與蚩

尤戰于涿鹿之野遂禽殺蚩尤蚩尤當時諸侯之強者而諸侯咸尊軒轅

為天子代神農氏是為黃帝天下有不順者黃帝從而征之平

者去之置左右大監監于萬國上監去聲下監平聲萬國和而

鬼神山川封禪與為多焉

舜正月上日受終于文祖

上日朔日終謂堯終帝位之事文祖堯文德之祖廟也

輯五瑞

既月乃日觀四嶽羣牧班瑞于羣后輯欽既盡觀見班還后君也舜欽公侯伯子男之瑞

圭璧蓋以正月申乃日見四嶽及九州牧監還五瑞於諸侯與之正始歲二月東巡守至于岱宗

柴既班瑞之明月乃東巡望秩于山川東岳諸侯境內名山大

五岳視三公四肆觀東后協時月正日同律度量衡合四時之

濟視諸侯之類肆觀東后協時月正日同律度量衡氣節月之

大小日之甲乙使齊一也律法制及尺修五禮實嘉五玉五

丈斛斗斤兩皆均同律陰呂陽律也修五禮實嘉五玉五

諸侯三帛諸侯世子執纁公之孤二生執鴈是也大夫一死士執

所執三帛執玄附庸之君執黃二生執鴈是也大夫一死士執

贊如五噐噐圭卒乃復不還也五月南巡守至于南嶽如岱禮

八月西巡守至于西嶽如初十有一月朔巡守至于北嶽如西

禮歸格于藝祖用特巡守四岳然後歸告五載一巡守羣后四

朝各朝于方數奏以言明試以功車服以庸

岳之下按封建莫知其所從始也三代以前事迹不可考召會

征討之事見於史記黃帝紀巡守朝覲之事見於虞書

舜典故據其所紀以為事始

禹承唐虞之盛塗山之會諸侯執玉帛者萬國及其衰也有

窮孔申之亂遭桀行暴諸侯相兼逮湯受命其能存者三十餘

國方於塗山十損其七其後紂作淫虐周武王致商之罪一戎

衣而天下治定五等之封凡千七百七十三國又減湯時千三

百國

鄭氏曰春秋傳曰禹會諸侯於塗山執玉帛者萬國言執

玉帛者則是惟謂中國耳中國而言萬國則是諸侯之地

有方百里有方七十里有方五十里禹承堯舜而然矣要

服之地內方七千里乃能容之夏末既衰夷狄內侵諸侯

相并土地減國數少殷湯承之更制中國方三千里之界

亦分為九州而建此千七百七十三國焉周公復唐虞之

舊域分其五服為九其要服之內亦方七千里而因殷諸

侯之數廣其土增其爵耳

臨川王氏曰禹會諸侯執玉帛者萬國此左氏之妄也禹之會塗山在東方不過見東方諸侯耳豈使四海之內會於一山之下哉以禹之時有萬國則不當指塗山而言也書曰萬國總四海之內大畧而言且九州之地今可以見若皆以爲國則山川沮澤不可以居民獨立一君孰爲之民乎

慈湖楊氏曰堯舜協和萬邦春秋傳稱禹會諸侯執玉帛者萬國此言其大數耳使不滿亦可言萬或倍萬亦可言萬如言萬物萬民奚止於萬耶皆舉其大畧言之耳先儒顧必欲整整釋所謂萬數鄭康成謂州十有二師者州立十二人爲諸侯師蓋百國一師州十有二師則州千二百國也八州九千六百國餘四百國在畿內則整整爲萬國不多一不少一吁可哂哉公羊說殷三千諸侯周千八百

諸侯孝經說亦云周千八百諸侯此或據古志而云漢博士求其說而不可得遂爲之說曰四海之內九州州方千里州建百里之國三十云云凡二百一十國八州千六百八十國又天子之縣內方百里之國九云云凡九十三國以應周千八百諸侯之數武王之興不期而會盟津者八百諸侯康成遂又謂三分有二則殷末千二百諸侯牽合可笑之甚獨不思諸侯之建不知其所始其爲君爲長者地醜德齊莫能相尚其間聖人出焉舉天下咸歸服之是爲帝爲王夫所謂爲君爲長者皆諸侯也太少多少之數豈得而預定則又豈能新立法更易之增損之以合王制所言之數耶武王克商滅國者五十爾餘幸因其舊則周所封建亦不多矣詎能盡更而易之雖有功德則加地有罪則削地其有功有罪者亦不見數姑仍其舊乃勢之

常而漢儒為是等等差差不可少有增損之制則亦不思之甚矣

先公曰愚按禹會塗山執玉帛者萬國傳夏商及周文武之間上千七百餘國盟津之會雖曰八百諸侯然未嘗有以名字自見者曾不如庸蜀羗鬻微盧彭濮之猶以其號自見者何也異時周家所資以蕃屏王室者皆周所自封之諸侯而古諸侯無復存者如奚仲之後為薛皐陶之後為六蓼僅見於春秋時此所謂古諸侯也然皆小國寡民稟不自保於強大之間而終以見滅耳柳子厚言封建非聖人意也勢也資以滅夏者湯不得而廢資以滅商者武王不得而廢也蘇黃門言商周之初上古諸侯碁布天下植根深固是以新故相繼勢如犬牙數世之後皆為故國不可復動是則然矣今以當時事勢推之所謂古諸侯者

土地人民其存餘幾亦何不可廢不可動之有武王周公定周之初封建可也郡縣亦可也聖人之心以公而不以私封建則世守其國家而以天下之地與天下為公郡縣則更易其守令而以天下之權為一人之私公私之分而享國之久近存焉耳

王制凡四海之內九州州方千里州建百里之國三十七里之國六十五十里之國百有二十九二百一十國名山大川不以封其餘以為附庸間田八州州二百一十國

十三公也立次國六十六鄉也立小國百二十也立大國三十名山大澤不以封者與民同時不得障營亦賦稅之而已此大界方三千里三而九千九里者九也其一為縣內餘入各立一州此殷制也周公制禮九州大界方七千里七四十九方千里者四十有九其一為畿內餘四十八州各有方千里者六設法一州封地方五百里者不過四謂之大國又封方四百里者不過六又封方三百里者不過二謂之次國又封方二百里者不過三又封方一百里者不過一謂之小國盈上四等之數并四十六一州二百一十國則餘方百里者百六十四也凡處地方千里者五方百里者五十九其餘方百里四十一附庸地

也天子之縣內方百里之國九七十里之國二十有一五十里
之國六十有三凡九十三國名山大澤不以盼其餘以祿士為
間田縣內夏時天子所居州界名也殷曰畿詩殷頌曰邦畿千
致任者謂之為六也其餘三待封王之子弟次國二十一者
亦待封王之子弟小國六十三大夫之田二十七亦為有
者以其無職佐公論道耳雖有凡九州千七百七十三國天子
致佐猶可即而謀焉盼讀為班凡九州千七百七十三國天子
之元士諸侯之附庸不與與音預○不與不在數中也春秋傳
言執玉帛則是唯謂中國耳中國而言萬國則是諸侯之地有
內地方七千里乃能容之夏末既衰夷狄內侵諸侯相并土地
咸國數少殷湯承之更制中國方三千里之界亦分為九州而
其要服之內亦方七千里而國殷諸侯之數廣其土增其爵耳
孝經說曰周千八百諸侯布列五千里內此又改周之法關盛
衰之中三七之間以為說也終此說之意五二十五方千里
者二十五也其一為畿內餘二十四州各有方
千里者三其餘諸侯之地大小則未得而聞也


朱子語錄曰封國之制漢儒之說只是立下一箇算法非

惟施之當今不可行求之昔時亦有難曉處且如九州之
地冀州極濶河東河北皆在焉雍州亦闊陝西五路皆屬
焉若青兗徐豫則疆界有不足者矣設如夏時封建之國
至商革命之後不成地多者削其國以予少者如此則彼
未必服或以生亂又如周王以原田予晉文其民不服至
於伐之蓋世守其地不肯遠從他人若封王子弟必須有
空地方可封左氏載齊地蒲姑氏因之而後太公因之若
成王不得蒲姑之地太公亦未有頓放處

此諸侯出軍之制


公侯百里萬井三分去一六萬夫

武孔
成氏
分用
十分
之孟
子明
圖說
文




大國三軍三萬七千五百人

次國三軍二萬五千人



伯七十里四萬九千九百井三分去一三萬九千四百夫



小國一軍一萬二千五百人

子男五十里二萬五千五百井三分去一萬五千夫

成國兼附庸之制

食一百三十里有奇
諸侯之地
封疆方四
百里其食
者三之一

司馬法乃公田用助通率

如此但周制鄉遂用貢采

地用助通率計之四同有

半之地已為成國

食一百里
諸侯之地
封疆方三
百里其食
者三之一

司徒建邦國之圖

兼附庸言之
則有五等以
自有地言之
三等而已與
分土為三不
相抵牾

食二百五十里
諸公之地
封疆方五百里
者半
千乘之賦地占
四同有奇餘為
附庸之地

司馬法同十
為封封三百
一十六里提
封十萬井兵
車千乘

職方封國

以方五百里則四公

公 公

公 公

以方四百里則六侯

侯 侯 侯 侯

以四同之地為間田

以方三百里則十一伯

伯 伯 伯 伯 伯 伯 伯 伯 伯 伯 伯

同

食五里 諸子之地封 疆 二子 其 食者四之二

食二十五里 諸男之地封 男無 疆 男 其食四之二 附庸

設法之圖

以方二百里則二十五子

子	子	子	子	子
子	子	子	子	子
子	子	子	子	子
子	子	子	子	子
子	子	子	子	子

以方二百里則百男

男	男	男	男	男	男	男	男	男	男
男	男	男	男	男	男	男	男	男	男
男	男	男	男	男	男	男	男	男	男
男	男	男	男	男	男	男	男	男	男
男	男	男	男	男	男	男	男	男	男
男	男	男	男	男	男	男	男	男	男
男	男	男	男	男	男	男	男	男	男
男	男	男	男	男	男	男	男	男	男
男	男	男	男	男	男	男	男	男	男
男	男	男	男	男	男	男	男	男	男

成王廣魯之圖

明堂位云魯地方七百里革車千乘

如司馬法方七百里出革車幾五千乘詩云錫之山川土田附庸然則七百里蓋包山川土田附庸言之車止千乘則猶大國之制

地	方	七	
百	里	革	
車	千	乘	

詩經

大輿通考卷三百六十一

九

十四

設

方二百里

八

九

今定分土惟三之圖

一同為三郊一同為三遂


公餘二同半出賦二百五十

新乘合千乘公地四同有半

為方二百一十里侯上同

於公

圖



伯

一同為方七十里

者二一為二郊

餘一出賦合六


百乘

伯地二同為方百

四十一里實二百


四十步

圖



男新圖

一同為方五十里
 者四一為一軍
 餘為五十里者二
定出賦五十
乘合三百乘
 子下同於男周禮
 於男獨見自有封
 疆可推而上



禮大司徒凡建邦國以土圭土其地而制其域諸公之地封疆方五百里其食者半諸侯之地封疆方四百里其食者參之一諸伯之地封疆方三百里其食者參之一諸子之地封疆方二百里其食者四之一諸男之地封疆方百里其食者四之一職方氏凡邦國千里封公以方五百里則四公方四百里則六侯方三百里則十一伯方二百里則二十五子方百里則百男以周知天下

尚書武成列爵惟五分土惟三
 孟子萬章北宮錡問周室爵祿孟子曰公侯皆方百里伯七十里子男五十里不能五十里者不達於天子附於諸侯曰附庸

左傳子產曰天子之地一圻列國一同
 唐氏曰學者見司徒建邦國封疆與武成分土之等孟子

班祿之制不合因謂周禮非周公之制為周禮者又強為之說曰周九州之界方七千里周公變商湯之制雖小國地皆方百里是皆未深考之耳費誓曰魯人三郊三遂左氏曰成國不過半天子之軍諸侯之大者三軍可也然則大國三軍出於三郊三遂副之周制然矣牧誓曰武王戎車三百兩虎賁三千人御事司徒司馬司空然則大國三軍三卿為之師一軍之戎車百二十五乘商制然矣商周諸侯之軍制既同分土之制安得而異周之九服即禹之五服烏覩所謂七千里者周公相武王滅國者五十而所立七十一國分土之制遽過於商大者二十四倍小者猶三倍何所容之後儒不能通則曰是兼附庸誠是也抑不思百里之提封萬井三分去一為六萬夫之地悉以家人率之為兵六萬尚不足三郊三遂七萬五千人之數為

車六百乘亦不足千乘之數所謂園囿墾田計田賞田牛田牧田與卿大夫公子之采邑於何容之家既役其一入百畝又征其什一它無餘地車輦馬牛干戈之屬於何出之百畝之分以中農計之足食七人什取其一則十夫而食七人古庶人在官次等之祿也六萬夫之稅足當中農夫六千人而已三鄉之吏九千四百六十人於何給之尚未食三遂之吏與其百官之衆府史胥徒之祿宗廟朝廷之禮王國之朝貢四鄰之邦交於何取用也百里之地不足為公侯之國明甚况七十里止二萬九千四百夫之地五十里止一萬五千夫之地其不能為諸侯之國抑又明矣然則子產孟子之言非欺曰二子何可非也抑古人之為言省文而互見詳而考之未有不合者古之為國有軍有賦王六軍大國三軍次國二軍小國一軍此軍也出

於國之郊者也天子萬乘諸侯千乘此賦也出於成國者也自軍言之則方百里而具三軍方七十里而具二軍方五十里而具一軍推而上之方二百里而具六軍自賦言之則方千里而具萬乘二百一十里而具千乘通軍與賦而言之則方千里者為兵車萬九百乘推而下之方百里者為方五十里者四五十里具一軍又五十里者為一遂合為兵車二百五十乘餘方五十里者一定出賦五十乘軍賦合三百乘男之國也由是推而上之七十里而具二軍又七十里而具二遂略當一同合為兵車五百乘加一同定出賦百乘軍賦合六百乘伯之國也百里而具三軍又百里而具三遂合為兵車七百五十乘加二同有半定出賦二百五十乘軍賦合千乘公之國也伯二同則方百四十一里公四同有半則方二百一十二里子下同於男

侯上同於公是謂分土惟三自是而外則附庸也山川也土田也雖未必皆其所有皆在封疆之內矣今夫顯史昔者先王以為東蒙主且在邦域之中矣此附庸在封疆之證也居常與許復周公之宇此土田在封疆之證也奄有龜蒙遂荒大東奄有鳥繹遂荒徐宅此山川在封疆之證也封疆之內附庸山川土田皆在焉然皆非出軍制賦之壤故地方七百里而止於革車千乘則舉封疆而言雖七百里猶可而况五百里四百里三百里二百里百里乎故於天子言千里者兼軍賦而言之於諸侯言百里七十里五十里者獨舉軍制而言也於天子言萬乘者以賦法通率也於諸侯言千乘者兼軍賦而言也於諸公言五百里諸侯言四百里伯言三百里子言二百里者包山川土田附庸於封疆也於諸男言百里者獨舉其出軍賦之封疆

也凡此者皆省文而互見若異而相通何嘗纖毫抵牾哉
且先王之於諸侯豈其封疆一定而遂無所勸懲哉公之
地錫之山川土田附庸合五百里而止侯伯子亦然男之
百里所自有有慶而益以地則豈以百里為拘哉存男之
百里以見自有之封疆耳公侯伯子慶而益責而削皆在
封疆之中矣此周公之定制而成王廣魯以七百里則康
周公云爾非周公之制所得而拘也於齊有賜履焉於衛
有封畛土略焉於韓侯有奄受北國焉山川土田附庸或
得其全或得其偏皆封疆之數也與武成孟子之言蓋相
表裏矣然則其食者半三之一四之一諸儒之說孰是乎
曰皆非也鄭司農謂所食租稅之數男適五十里是大國
貢輕小國貢重也鄭康成謂公以一易侯伯以再易子男
以三易是大國土沃而小國土瘠九等自不易至再易而

止未有三易者豈諸侯之地皆無不易者哉康成之說既
不通司農之說又倒置輕大而重小是侮弱而畏強也豈
所謂哀多益寡稱物平施周道如砥其直如矢者哉子產
曰先王班貢輕重以列列尊貢重甸服也甸非侯甸之甸
乃祭公所謂邦內甸服也畿外諸侯則列尊貢重矣公半
侯伯三之一子男四之一不亦尊重而卑輕乎康成曰大
國貢重正之也小國貢輕字之也其意是矣柰何以一易
再易三易為說也授之沃壤而貢重予之瘠土而貢輕是
乃適當然烏在其為正之字之哉當以王食其半三之一
四之一為正然王食豈盡取其所稅哉諸侯以什一取民
王又以什一取諸侯則四之一者是乃四十之一耳甸稍
縣都皆無過十二於其什一之中槩取其二焉此甸服之
所以列卑貢重歟職方氏七伯當為什一伯注說為是

陳氏禮書曰夫列爵惟五所以稱其德分土為三所以等其功德異而功有所同故公侯之地同於百里子男之地同於五十里地同而附庸有所異故諸公之地方五百里諸侯之地方四百里諸伯之地方三百里諸子之地方二百里諸男之地方百里蓋三等之地正封也五等之附庸廣封也正封則尺地莫非其土一民莫非其臣尊者嫌於盛而無所屈卑者嫌於削而無所立故公之地必下而從侯男之地必上而從子至於廣封則欲上之政令有所統而不煩下之職責有所附而不費又非諸侯得以擅之也而尊者不嫌於太多卑者不嫌於太寡故公之地必五百里而異於侯男之地止百里而異於子也

朱氏語錄曰向來君舉進制度說周禮封疆方五百里是周圍五百里徑只二百二十五里方四百里者徑只百里方

三百里徑只七十五里方二百里徑只五十里方百里者徑只二十五里自奇其說與王制等語相合然本文方千里之地以封公則四公以封侯則六侯以封伯則七伯以封子則二十五子以封男則百男其地已有定數此說如何可通况男國二十五里之小則國君即今之一耆長耳何以為國君

按諸侯分封受地之多寡周禮大司徒職方氏所載與王制及子產孟子所言不合鄭注以為合山川附庸而言先儒遂欲融會二說而一之如陳祥道唐仲友之論特為明暢故備錄之若止齋徑圍之說則侯伯子之地僅可脗合而公之地多二十五里男之地僅得五十里之半其與王制孟子所言均之為齟齬不合耳

右分封之制

司馬九畿之圖

東漢書地理志

蕃 大行人九州之外謂之蕃國兼夷鎮蕃

皆世二見即凡六服承德六年五服朝之制

雖曰以國二百五十里為率通曰九州之外亦無道里之限

鎮

夷 世二見各以其所貴寶為擊

二服尚在九州之內行不夏擊與蕃國同

蠻 大行人要服

衛 六歲一見貢貨物 五歲一見貢材物

六年五服一朝 六服群辟 固不承德

采 四歲一見貢服物

男 三歲一見貢服物

甸 二歲一見貢服物

侯 歲一見貢服物 二百五十里

都 周禮 方千里據

縣 稍 二面言之 甸服 亦曰王畿

千士回

大司馬

其

南州

里流荒服去王畿亦遠而經畧之者視要服為尤畧也以其荒野故謂之荒服要服外四面又各五百里也流流放罪人之地蔡與流皆所以處罪人而罪有輕重故地有遠近之別也此分荒服五百里而為二等也

蔡氏曰今按每服五百里五服則二千五百里南北東西相距五千里故益稷篇言弼成五服至于五千然堯都冀州冀之北境并雲中涿易亦恐無二千五百里藉使有之亦皆沙漠不毛之地而東南財賦所出則反棄於要荒以地勢考之殊未可曉但意古今地土盛衰不同當舜之時冀北之地未必荒落如後世耳亦猶閩浙之間舊為蠻夷淵藪而今富庶繁衍遂為上國土地興廢不可以一時槩也周制九畿曰侯甸男采衛蠻夷鎮藩每畿亦五百里而王畿又不在其中併之則一方五千里四方相距為萬里蓋倍禹服之數也漢地志亦言東西九千里南北一萬三千里先儒皆疑禹服之狹而周漢地廣或以周服里數皆

以方言或以古今尺有長短或以為禹直方計而後世以人迹屈曲取之要之皆非的論蓋禹聲教所及則地盡四海而其疆理則止以五服為制至荒服之外又別為區畫如所謂咸建五長是已周漢則盡其地之所至而疆畫之也

周禮大司馬乃以九畿之法施邦國之政職方千里曰國畿其外方五百里曰侯畿又其外方五百里曰甸畿又其外方五百里曰男畿又其外方五百里曰采畿又其外方五百里曰衛畿又其外方五百里曰蠻畿又其外方五百里曰夷畿又其外方五百里曰鎮畿又其外方五百里曰蕃畿職方氏乃辨九服之邦國方千里曰王畿其外方五百里曰侯服又其外方五百里曰甸服又其外方五百里曰男服又其外方五百里曰采服又其外方五百里曰衛服又其外方五百里

曰蠻服又其外方五百里曰夷服又其外方五百里曰鎮服又其外方五百里曰蕃服 大行人邦畿方千里其外方五百里謂之侯服歲一見其貢祀物又其外方五百里謂之甸服二歲一見其貢嬪物又其外方五百里謂之男服三歲一見其貢器物又其外方五百里謂之采服四歲一見其貢服物又其外方五百里謂之衛服五歲一見其貢材物又其外方五百里謂之要服六歲一見其貢貨物九州之外謂之蕃國世一見各以其所貴寶為摯

國語周語祭公謀父諫穆王曰先王之制邦內甸服邦外侯服侯衛賓服蠻夷要服戎狄荒服甸服者祭侯服者祀賓服者享要服者貢荒服者王日祭月祀時享歲貢終王

唐氏曰堯命治水弼成五服自王畿而至荒服面各二千五百里九州之境方五千里為方千里者二十五九州之

外東漸西被朔南暨聲教者不在五服之內則與九州之法實同無毫釐差矣學者惑於五百里之說謂周公斥大封域九州之界方七千里非也又謂夷鎮皆在九州之外亦非也或謂周之境廣於禹貢五百里雖稍異於鄭氏亦未盡知禹貢也若如二說則不惟不與禹貢合周官既言六服又言五服祭公謀父周人也不言九服而言五服何哉蓋九服五服一也自禹貢一面言之率五百里為限周禮以二面言之率以二百五十里為限則自鎮畿而內二畿而當一服與弼成五服至于五千無纖毫牴牾者周公祭公之說亦不待釋而明矣惟蕃畿在九州之外即所謂東漸西被朔南暨聲教者也周官以二百五十里率之亦非地域止於此也夷鎮尚在九州之內以其荒服使之終王各摯所寶同於蕃國行人之言與周官六服合矣不謂

夷鎮即在九州之外也然則商制如何曰詩頌曰邦畿千里維民所止肇域彼四海自邦畿至四海知其與禹貢周禮同制也又曰自彼氏羗莫敢不來享莫敢不來王中舉來享外舉來王知其與祭公之言合也况作康誥之初周禮未制已言侯甸男邦采衛則周因商禮其可知矣然則王制言四海之內九州方千里四海之內斷長補短方三千里說者謂商之制有諸乎曰王制漢文帝博士所作自春秋而降四夷交侵中國之境土褊矣王制采六經而作欲行諸當時此乃據所見境土言之豈商制哉方五千里爲方千里者二十五由堯迄周無異制也况禹貢五服自侯服而外已有百里二百里三百里之別與周九畿何異哉今具圖以見禹貢周禮祭公所言皆同制并畿內甸甸稍縣都納總錙結粟米之制且著焉

右畿服之制

封建考

宋鄴陽 馮 天馭 應房 校刊
明 馮 天馭 應房 校刊

王制千里之外設方伯五國以為屬屬有長十國以為連連有

帥三十國以為卒卒有正二百一十國以為州州有伯州屬連卒

也伯帥正亦長也九長皆四賢侯為八州八伯五十六正百六

十八帥三伯三十六長八伯各以其屬屬於天子之老二人分

天下以為左右曰二伯老謂上公周禮天子使其大夫為三監

監於方伯之國國二人使佐方伯

羊客問子思曰周自后稷封為王者後子孫據國至太王王季

文王此固世為諸侯矣焉得為西伯乎子思曰吾聞諸子夏古

之帝王中分天下使二公治之謂之二伯殷王帝乙之時王季

以功九命作伯受圭瓚鬯之賜故文王因之得專征伐此以諸

侯

侯爲伯猶周召之君爲伯也

公羊傳子曰自陝而東者周公主之自陝而西者召公主之一相處乎內

周成王使召康公命齊太公曰五侯九伯汝實征之以夾輔周

室 五等之侯九州之伯皆得征討其罪齊桓因此命以夸楚

周襄王命尹氏及王子虎內史叔興策命晉侯重耳爲侯伯左

僖公二十八年

陳氏禮書曰古之官有常名有異名內而爲比長閭師黨

正州長卿大夫此常名也及任以師田之事則爲軍將師

帥旅師卒長兩司馬此異名也外而爲公侯伯子

男此常名也及寓以連屬之法則爲屬長連帥卒正州伯

此異名也僨則繫其人連則結其衆以其民之衆足以禦

卒然之變故謂之卒以其地之廣有達于重川之遠故謂

之州屬有長則足以長五國而已未足以率十國之衆故

連有帥帥足以率十國而已未足以率三十國之衆故卒

有正正足以正三十國而已未足以長二百一十國故州

有伯則爲人長者才也帥人者智也正人者義也長人者

仁也易曰體人足以長人則外之八伯內之二伯皆以其

能體仁故也蓋王者有分土無分民建萬國所以分其土

親諸侯所以合其人不分其土則其守不專不合其人則

其勢不一王制言凡九州千七百七十三國分其土也繼

之以方伯連帥之法合其人也周官大司馬比小事大以

和邦國職方氏凡邦國大小相維者此也古者什伍之法

於州鄉則聯其民於師田則聯其徒於宿衛則聯其官故

能以中國爲一人而無內患爲屬連卒州以聯其國爲長

帥正伯以聯其人故能以天下爲一家而無外虞然不惟

其官惟其人則法行而事舉詩曰四國有王郇伯勞之是也非其人則法雖存而事廢詩序曰衛侯不能脩方伯連帥之職公羊傳曰下無賢方伯是也方伯連帥之職周道故書與周禮伯皆稱牧者蓋自內言之則屈於二伯故稱牧周官大宗伯八命作牧曲禮九州之長入天子之國曰牧是也自外言也則伸於諸侯故稱伯王制謂方伯之國是也虞十二州則十二牧夏九牧左氏夏之方有德也貢金九牧周九州則九伯而王制言八州八伯則王畿之內不建伯焉鄭氏以為商制是也然周牧伯之名見於經傳多矣連帥特見於詩序若夫五國之屬於經無聞左傳曰晉侯享公請屬鄭豈周所為連屬歟公羊傳曰自陝以東周公主之書曰畢公率東方諸侯入應門右太保率西方諸侯入應門左此所謂九命作伯者也與商所謂天子之老二人一矣周有九伯則畿內蓋亦設牧而太宰言施典于邦國設其牧者以牧之所設主為邦國故也 康成釋詩謂周之制使伯佐牧蓋以傳所謂五侯者五牧也九伯者佐侯之伯也孔穎達申之以為一牧之下二伯然質之於商州伯之下無二佐則周州牧之下無二伯

右牧伯之制

周禮上公九命為伯其國家宮室車旗衣服禮儀皆以九為節城方九里宮方九百步執桓圭九寸纁藉九十以五采韋衣冕服九章龍以建常九旒其屬軺龍以建常九旒焚纓九就焚纓馬飾以矧飾之每貳車九乘介九人已行禮者也禮九宰三牲備其朝位賓主之間九十步立當車軼步以迎賓賓行四十五步以朝王擯者五人廟中將幣三享王禮再祿而酢朝畢則有廟享之禮饗禮九獻食禮九舉出入五積三問三勞 公之服自衮冕而

下如王之服

王十二疏上公龍
案前後皆九旋

侯伯七命其國家宮室車旗衣服禮儀皆以七為節

城方七百里
宮方七百

步侯執信圭七寸縑籍七寸冕服七章建常七旂樊纓七就

車七乘介七人禮七牢朝位賓主之間七十步立當前疾

謂駟馬車

食禮七舉出入四積再問再勞諸伯執躬圭其他皆如諸侯之

禮又侯伯之服自鷩冕而下如公之服

子男五命其國家宮室衣服禮儀皆以五為節

城方五里宮諸

子執穀璧五寸縑籍五寸冕服五章建常五旂樊纓五就

五乘介五人禮五牢朝會賓主之間五十步立當車衡

人廟中將幣三饗王禮一裸不酢

再裸賓乃酢王也禮侯伯一裸而酢者裸賓賓酢王而

獻食禮五舉出入三積一問一勞諸男執蒲璧其他皆如諸子

之禮 子男之服自毳冕而下如侯伯之服

王制三公一命卷若有加則賜也不過九命次國之君不過七

命小國之君不過五命

卷讀作衣三公八命矣復加一命則服
龍衮與王者之後同若有加則賜也者
謂九命衮龍之外依制不合有其服若有益則是君之特賜
非禮法之常也虞夏之制天子服有日月星辰周禮曰諸公之
服自衮冕而下如王之服

右諸侯命服之制

大國三軍 三萬七千人 次國二軍 二萬五千人 小國一軍 萬二千人

陳氏禮書曰周官大司馬主六軍大國三軍次國二軍小

國一軍春秋傳曰成國不過半天子之軍諸侯之大者三

軍可也然軍之多寡係地之廣狹而公侯之田皆百里則

皆三軍矣魯於周為侯而地方百里頌稱公徒三萬此大

國三軍之數也春秋襄十一年作三軍昭五年舍中軍則

魯之三軍蓋嘗變於僖公之後至襄而復作至昭而又舍

中軍

也左氏曰季武子作三軍三分公室而各有其一杜預曰魯本無

中軍惟上下二軍皆屬於公有事三卿更帥以征伐季氏欲專其民人故假立中軍公羊曰三軍者

何三卿也何畿爾古者上卿下卿上士下士何休曰襄公委任強臣乃

益司馬作中卿官穀梁曰古者天子六師諸侯一軍作三

軍非正也啖氏曰天子六軍大國三之一小國半大國數

不必常所以示稱國語曰季武子為三軍叔孫穆子曰不

可今我小侯也處大國之間繕貢賦以共從者猶懼有討

若為元侯之所以怒大國無乃不可乎弗從遂作中軍自

是齊楚伐討魯襄昭皆如楚由此觀之魯於春秋之時尊

事齊楚為不暇則其國次國而已不宜復作三軍作三軍

非正也故春秋書作以譏之作猶作僖公主之類也及舍

中軍以起於禮又書以正之公羊曰舍中軍復古也穀梁

曰復正也其說是也然穀梁言天子六師諸侯一軍啖氏

言天平六軍大國三之一小國半大國其制與周禮不合

是臆說耳春秋之時王命曲沃伯以一軍為晉侯莊十年其

後晉作三行以增土中下兩當六軍則世衰禮廢大夫僭

諸侯諸侯僭天子不足怪也

又曰春秋傳曰列國一同明堂位曰魯革車千乘坊記曰

制國不過千乘語曰道千乘之國蓋諸侯地不過百里車

不過千乘以開方之法計之方十里者為方一里者百方

百里者為方一里者萬方一里者百其賦十乘方一里者

萬則其賦千乘然賦雖至於千乘而兵不過三軍三軍五

百乘而邑則五百乘三鄉之所出也子乘闔境之所出也

何則鄉萬二千五百家合三鄉則三萬七千五百家凡起

徒後無過家一人則三軍為三萬七千五百人矣司馬法

兵軍一乘甲士三人步卒七十二人合七十五人則一卒

封建

左傳

所餘在後車矣後卒復以五十人合二十五人為一車士
卒則所餘五十人又在後車矣凡三卒而車四乘三旅而
車二十乘三師而車百乘三軍而車五百乘由此推之天
子六軍則車千乘矣此車人參兩以相聯紉之法也詩曰
公車千乘又曰公徒三萬則千乘之賦豈特三軍而已哉
鄭氏據司馬法井十為通通為匹馬三十家士一人徒二
人通十為成成百井三百家革車一乘士十人徒二十人
十成為終終千井三千家革車十乘士百人徒二百人十
終為同同萬井三萬家革車百乘士千人徒二千人率十
家出為人之役百家出十人之役賈公彥遂以此為畿內
之法以甸出長轂一乘甲士三人步卒七十二人為邦國
之法然周官之於調役其寡也家出一人其多也起餘子
與竭作未聞十家出一人之役百家出十人之役也賈公

彥言出軍之法先六卿次六遂次公邑都鄙乃徵兵於諸
侯不止則諸侯闔境出焉所謂千乘之賦也然先王之於
天下大則有方伯小則有連帥其待卒應變如身之使臂
臂之使指各適其事之遠近而已方伯連率所不能克然
後鄉遂之士應之周官曰王之大事諸侯左傳曰五侯九
伯汝實征之又曰諸侯敵王所愾則出軍之法顧豈先虛
其內以實其外哉馬融曰千乘之賦其地千成居地方三
百一十六里有奇惟公侯之封乃能容
之蓋或周禮公五百里侯四百里之
制不知周禮之所言者乃附庸也

右諸侯立軍之制

王制大國三卿皆命於天子下大夫五人上士二十七人次國
三卿二卿命於天子一卿命於其君下大夫五人上士二十七
人小國二卿皆命於其君下大夫五人上士二十七人三卿依
周制而
言謂立司徒兼冢宰之事立司馬兼宗伯之事立司空兼司寇
之事左傳云季孫為司徒叔孫為司馬孟孫為司空是卿也鄭

封

注言小國亦三卿差次而言應一卿命於天
 命下卿再命小國之卿與下大夫一命
 子二卿命於其君此惟言二卿則似誤也
 大國之卿不過三命
 卿三命則知次國之卿不過再命大國下卿
 再命則知次國下卿一命是故云互明之
 諸侯之下士視上農夫祿足以代其耕也中士倍下士上士倍中士下大夫倍上士卿四大夫祿君十卿祿次國之卿三大夫祿君十卿祿小國之卿倍大夫祿君十卿祿
 解見職次國之上卿位當大國之中中當其下下當其上大夫小國之上卿位當大國之下卿中當其上大夫下當其下大夫其有中士下士者數各居其上之三

分
 永嘉徐氏曰先王量祿以分田視口以計食其品節差等上焉不至於過制下焉不至於不足諸侯下士享百畝之利苟足以代耕免勞苦而已雖不能有餘亦不至不足其餘自卿以下其祿各殺一則無多邑踰制之失諸侯分田

雖多祿入自
 自定數亦無尾大不掉之患此先王制祿之美意也且先王分土以封諸侯固宜盡得其地以享侯國之富會乃山澤之所有則歸之公間田之所有則歸之公侯國之祿餘又待用於天子而不敢私諸侯所得自十卿祿之外而無有覬心防閑若過嚴矣然君十卿祿乃君之所自得者耳而侯國之公用則取諸地入以給之其山澤間田雖歸之公上領於王官而實藏富於天下又封建之美意也春秋以來諸侯土地各有財賦皆足以用其民而戰其力其山澤之賦列國亦自擅而有之無復君十卿祿之制而於卿大夫祿地多踰古制一時諸侯皆任己意以行私賞故多強宗大族為國生患晉惠公一入國遽許里克以汾陽之田百萬丕鄭以負蔡之田七十萬此豈常典也哉在齊威時伯氏亦有駢邑三百在魯成公時施氏之

宰有百室之邑其他國可見矣後如鄭賞入陳之功子產
以上卿受八邑三十二井為邑井九百畝推而計之視古
時卿四大夫祿之制已大相遼絕矣宋之盟公與左師邑
六十子罕削而投之齊慶父之變公與晏子邑六十晏子
辭而復之此惟懼其足以召患故卻而不受有如先王之
制不暇論矣衛免餘言於衛曰唯卿備百邑晉叔向賦秦
楚公子之祿皆百人之餼一卒百人其祿足百入此皆徇
春秋之亂法非王法也

右諸侯建官之制

周官六年五服一朝又六年王乃時巡考制度於四岳諸侯各
朝於方岳大明黜陟

大行人邦畿方千里其外方五百里謂之侯服歲一見其貢祀
物又其外方五百里謂之甸服二歲一見其貢嬪物又其外方

五百里謂之男服三歲一見其貢器物又其外方五百里謂之
采服四歲一見其貢服物又其外方五百里謂之衛服五歲一

見其貢材物又其外方五百里謂之要服六歲一見其貢貨物

九州之外謂之蕃國世一見各以其所貴寶為贄王之所以撫

邦國諸侯者歲徧存三歲徧覲五歲徧省存覲省者王使
臣於諸侯之禮七歲

屬象胥諭言語協辭命九歲貢誓史諭書名聽聲音十有一歲

達瑞節同度量成牢禮同數器脩法則十有二歲王巡守殷國

三山林氏曰周官言六年五服一朝大行人言侯服歲一

見至要服而後六年一朝與此經不合唐孔氏雖引歲聘

以志業間朝以講禮再朝而會以示威再會而盟以顯昭

明為與此經相當然左氏之言是三年一朝六年一會十

二年一盟計十二年之中諸侯之朝不止於二此則十二

年止於二朝然後王巡守亦不得為相當唐孔氏又以大

行人所云見者皆言貢物或可因貢而見何必皆是君自朝乎按周官朝覲宗遇會同皆其君自行故皆言見至於問與視則其臣故曰時聘殷覲而已不言見也以見為遣使亦非周官之本意然此篇所載六卿與周禮同而惟六年五服一朝一句與周禮異當闕之以俟知者

春朝而圖天下之事秋覲以比邦國之功夏宗以陳天下之謨

冬遇以協諸侯之慮時會以發四方之禁殷同以施天下之政

此六事者以王見諸侯為文言六服以其朝歲四時分來更迭如此而偏時會者無常期蓋諸侯有不順服者王將有征討之事則合諸侯而發禁事焉禁謂九伐之法殷同即殷見也王十

二歲一巡守則殷同殷同者乃六服盡朝既朝乃合諸侯而命其時聘以結諸侯之好殷覲以除邦國之慝

此二事以王見諸侯皆使其卿以聘禮來覲天子以禮見之命以政禁之事所以

志行間問以諭諸侯之志歸服以交諸侯之福賀慶以贊諸侯

喜致禴以補諸侯之裁

此四者王使臣於諸侯之禮也問諸侯謂存自之屬致

凡諸侯之邦交歲相問也殷相聘也

世相朝也

王制諸侯之於天子也比年一小聘三年一大聘五年一朝

此年每歲也小聘使大夫大聘使卿朝則君自行然此大聘與朝晉文伯時所制唐虞之制諸侯歲朝周之制侯甸男采衛要服六

者皆以服數來朝天子五年一巡守歲二月東巡守至于岱宗柴而望

祀山川觀諸侯問百年者就見之命大師陳詩以觀民風命市

納賈以觀民之所好惡志淫好辟也貨則用物貴淫則後物貴

民之志淫邪則所好不正命典禮考時月定日同律禮樂制度衣服正之山

川神祇有不舉者為不敬不敬者君削以地祭也宗廟有不順

者為不孝不孝者君紕以爵逆昭穆若變禮易樂者為不從不

從者君流也革制度衣服者為畔畔者君討有功德於民者

加地進律也五月南巡守至于南嶽如東巡守之禮八月西

巡守至于西嶽如南巡守之禮十有一月北巡守至于北嶽如

神

神

神

神

神

神

西巡守之禮歸假于祖禰用特

孟子天子適諸侯曰巡守諸侯朝於天子曰述職春省耕而補不足秋省斂而助不給入其疆土地辟田野治養老尊賢俊傑在位則有慶慶以地入其疆土地荒蕪遺老失賢培克在位則有讓一不朝則貶其爵再不朝則削其地三不朝則六師移之王制天子無事與諸侯相見曰朝考禮正刑一德以尊天子天子賜諸侯樂則以祝將之賜伯子男樂則以鼗將之將謂執以節樂諸侯賜弓矢然後征賜鈇鉞然後殺賜圭瓚然後為鬯鬯謂酒也賜圭瓚者亦謂上公九命若未賜圭瓚則用璋瓚故周禮小宗伯注云天子圭瓚諸侯璋瓚既不但行也則用璋

右朝聘巡守賞罰之制

三皇以來至殷末周初諸侯之見於經傳者

共工氏 女媧末年共工氏任智刑以強霸而不王與祝融戰

不勝怒觸不周山以死

州 甫 甘 許 戲 靈 齊 紀 怡 向 申 呂 皆

炎帝神農氏姜姓之後並為諸侯或分四嶽當周室甫侯申伯

為王賢相齊許列為諸侯

蚩尤氏 九黎之君始作淫刑不用帝命黃帝與戰于阪泉之

野禽殺之

有苗氏 緡雲氏之後作五虐之刑殺戮無辜堯遏絕其世舜

攝政放之于三危又命禹徂征七旬而格

虞賓 書虞賓在位注丹朱為王者後故稱賓與諸侯助祭

容齋洪氏隨筆曰堯舜之子不肖等耳舜之後雖不有天

下而傳至於陳及田齊幾二千載惟堯之後當舜在位時

即絕故禹之戒舜曰母若丹朱傲用殄厥世又作戒曰惟

彼陶唐有此冀方今失厥道亂其紀綱乃底滅亡源丹朱

之惡固在所絕方舜禹之世顧不能別訪賢曾為之立繼
 乎左傳載子產之辭曰唐人是因以服事夏商其季世曰
 唐叔虞謂唐人之季非周武王封於晉者成王滅唐而封太叔又蔡墨曰
 陶唐氏既衰其後有劉累氏曰御龍范宣子曰句之祖自
 虞以上為陶唐氏在夏為御龍氏然則封國雖絕尚有子
 孫武王滅商封帝堯之後於薊而未嘗一見於簡策史趙
 言楚之滅陳曰盛德必百世祀虞之世數未也滅文仲聞
 蓼與六二國亡曰臯陶庭堅不祀忽諸堯之盛德豈出舜
 臯之下而爵邑不能及其孫何也

有庠

舜封象使吏治其國而納其貢稅有庠在今道州

契

佐禹治水有功舜使為司徒封於商賜姓子氏契子昭明

傳

相土 昌若 曹圍 冥 振 微 報丁 報乙

報丙

壬壬 壬癸 九十四世而生成湯始代夏有天下

稷

教民播種帝堯舉為農師舜時封於郃稷子不密傳

鞠

公劉 慶節 皇僕 差弗 毀隄 公非 高圍

亞圍

公叔祖頹 古公亶父 季歷 西伯昌 凡十六世

世而生武王始代商有天下

英六

禹即天子位舉臯陶薦之且授政焉而臯陶卒乃封臯

陶之後於英六至春秋魯文公之時六人叛楚即東夷楚成大

心帥師滅六子燹滅蓼 安國六縣各陶後堰姓所封國英即

蓼也在光州固始縣

按六蓼雖滅於春秋之時然史記以為禹封臯陶之後

於英六則是禹時所建之國也

防風氏

汪芒氏之君禹會諸侯於塗山防風氏後至禹殺而

戮之其骨專車其後在春秋時為長狄長狄音尾見狄事跡

有扈氏 夏禹崩啓立有扈氏不服啓伐而滅之天下咸朝有

扈國在雍州南鄠縣

后羿 有窮氏之君太康盤游失德羿距之於河遂廢之而立

仲康自鉏遷于窮谷因夏人代夏政信用寒浞為浞所殺

義和 二氏世掌天地之官至仲康時酒淫胤侯征之

胤侯 仲康時掌六師征義和

寒浞 伯明氏之讒子弟羿信之以為已相浞行媚于內而施

賂于外樹之詐慝以取其國家內外咸服乃殺羿而代之夏遺

臣有鬲氏收斟灌斟尋餘燼浞立少康

有仍氏 寒浞子夏殺帝相妃仍氏女曰后緡歸有仍生少康

有葛氏 夏為羿浞所代夏之遺臣靡奔有葛氏自有葛氏率

遺民滅浞立少康有葛今平原葛縣

斟灌斟尋氏 三國夏同姓諸侯仲康之子后相所依羿命其

子澆用師滅之斟灌故城在青州壽光縣東斟尋故城在青城

北海縣

過 戈 寒浞處其子澆于過澶于戈靡既滅浞立少康少康

乃滅澆于過后杼少康滅澶于戈有窮因是遂亡過在東萊掖

縣戈在宋鄭之間

葛 葛伯與湯為鄰不祀湯征之葛梁國寧陵有葛鄉

韋 顧 昆吾 三國名韋豕韋彭姓也顧昆吾皆已姓也三

國黨桀為惡湯先伐韋顧克之昆吾桀則同時誅

三脛 湯伐夏夏師敗績桀走保三脛湯從而伐之俘其寶王

桀乃奔南巢三脛今定陶也

氏 羗 西戎國湯時來享來王

荆楚 殷道衰楚國叛高宗伐采入其阻

鬼方 北夷高宗伐鬼方三年克之

九侯 為紂三公有好女入之紂女不喜淫紂怒殺之而醢九

侯鄴縣有九侯城

鄂侯 為紂三公紂醢九侯鄂侯爭之強辨之疾紂并脯鄂侯

鄂一作邗野王縣有邗城

崇侯虎 紂殺九侯鄂侯西伯昌聞之竊嘆崇侯虎以告紂紂

囚西伯姜里西伯之臣閔天之徒求美女奇物獻紂紂赦西伯

賜弓矢斧鉞使專征伐西伯遂伐崇崇在京兆鄠縣

黎 殷近王畿之諸侯西伯伐而勝之紂之臣祖伊奔告于紂

作西伯戡黎黎在上黨東北

密 密須氏不共距周侵阮及共文王伐之密地在寧州

庸 蜀 羌 髳 微 盧 彭 濮 八國皆蠻夷戎狄屬

文王者武王伐商俱以師至牧野羌在西蜀髳微在巴蜀盧彭

在西北庸濮在江漢之間

巢 殷之臣巢伯南方遠國武王克商乃來朝芮伯作旅巢命

奄 東方淮夷之種武王崩與三監武庚叛周公討之成王

即政又叛成王滅之遷其君於蒲姑奄在兗州曲阜縣蒲姑齊

地

樂記武王克殷及商未及下車而封黃帝之後於蓟封帝堯之

後于祝封帝舜之後于陳下車而封夏后氏之後於杞授殷之

後于宋

左傳昔周公弔二叔之不咸故封建親戚以蕃屏周管蔡邲霍

魯衛毛聃邾雍曹滕畢原鄆郕之昭也

邲在長安 郕在魯陽京縣東北邲晉應韓武之穆也

邲在長安 郕在魯陽京縣東北凡蔣邢茅胙祭周公之胤

也 蔣在弋陽期思縣高平昌邑縣班固諸侯王表序昔周監於二代三聖制法

立爵五 謂文王武王周公也

等封國八百周姓五十有餘

周成王以後春秋以前諸侯之見於經傳者

畢 畢公高文王子成王時為司馬又為太師成王將崩與召太保等同受顧命立康王康王既立率東方諸侯以見王以成周之衆命畢公保釐東郊作畢命畢在長安縣西北其後為畢萬彤 彤伯姒姓成王時為宗伯王將崩與召太保等同受顧命立康王時六卿召太保芮伯彤伯畢公衛侯毛公惟彤伯非同姓

密 密康公姬姓共王游于涇上康公從有三女犇之康公不獻于王一年王滅密

邶 武王克商三分其地自紂而北謂之邶南謂之鄘東謂之衛初以處三監三監既叛討平之乃封康叔於衛而以邶鄘封同姓之國止後衛子孫稍并邶鄘二國故邶鄘之詩皆言衛事邶 說見前

檜 姒姓高辛火正祝融之後武王封之為檜子國在魯南州外方之北滎波之南居溱洧之間夷王厲王之時檜公不務正事而好紮衣服大夫去之於是檜之變風始作幽王時為鄭桓公所滅

榮 厲王時榮夷公為卿士好專利王說之諸侯不享王流于

甫 甫侯亦姜姓與申皆太岳之後穆王時甫侯作呂刑崧高言惟申及甫維周之翰即穆王時甫侯子孫

樊 樊侯仲山甫宣王時為卿士兼師保之官

韓 姬姓左傳邶晉應韓武之穆宣王錫命韓侯後為晉所滅幽王九年史伯對鄭桓公韓地在同州曰武王之于應韓不在

黎 黎姓未詳侯爵國在上黨壺關縣後黎侯為狄人所逐棄其國而寄於衛衛處以中露泥中二邑黎之臣子作式微旄丘

二詩以責衛不能救黎

右以上皆周以來諸侯之國而亡於春秋以前者

東坡蘇氏曰傳稱武王克商光有天下兄弟之國十有五
人姬姓之國四十人爵五品而別三等公侯百里伯七十
里子男五十里不滿者為附庸蓋二千八百國周室既衰
轉相吞滅數百年間列國耗盡春秋之世見於經傳者一
百六十五國蠻夷戎狄亦在其間若夫二百四十年之中
朝聘會盟侵伐圍入孔子筆之於經公穀發明於傳至今
猶想見其處今掇取其尤者附次于後

經傳始見諸國圖

姬姓爵姓具

魯元侯隱 鄭元伯隱 祭元伯隱 衛侯隱 比伯隱
西虢元侯隱 隨侯隱 邾伯隱 晉侯隱 比七伯隱

滕伯隱 郟子伯隱 芮伯隱 荀侯隱 賈伯隱
曹伯隱 單元伯隱 蔡侯隱 息侯隱 滑伯隱
邢侯隱 虞公隱 周九侯隱 畢公隱 原伯隱
鄭侯隱 應侯隱 韓侯隱 共公隱 頓子隱
毛伯隱 巴子隱 唐侯隱 吳成侯隱 召伯隱
尹子成十 北燕三伯昭 胡四子昭 劉子昭十

異姓爵姓具

宋元公隱 邾曹子隱 宿元風子隱 莒巴子隱 紀姜侯隱
齊姜侯隱 陳為侯隱 杞姒伯隱 南燕姒伯隱 薛任侯隱
許姜男隱 州姜公桓 穀元伯隱 鄧曼侯桓 葛嬴伯桓
兕曹子莊五經 荆元子莊十經 梁嬴伯隱
徐嬴子莊二舒偃子傳 鄆子子傳 秦嬴子文
須句風子傳二

須句風子傳二 夔羊子傳二 秦嬴子文 麋嬴子文

封建

大夫通意

古

邨高麗子宣

邨高麗子宣

箕子子成

偃陽子襄

舒鳩偃子襄

邨子子成

邨子子成

偃陽子襄

申姜隱

東虢姬隱

羅熊桓

夷邨莊

霍姬閱

耿姬閱

魏姬閱

黃氣信

温姬信

任風信

顯史風信

魏姬閱

管

雍

邢

昨

茅

蔣

關

揚姬襄

都元文

蓼偃文

六偃文

關

揚姬襄

譚子莊

弦子信

宗子文

萊子襄

杜伯襄

賴子昭

鍾子昭

蘇子宣

蘇子宣

杜伯襄

戴子昭

鄭

貳

軫

絞以上並桓

車桓

遂莊

權莊

陽莊

共閱

異傳

道傳

栢傳

厲傳

項傳

英氏同上

江傳

巢傳

庸傳

崇傳

舒庸成

邨襄

鑄襄

毫昭

房昭

桐定

邨襄

鑄襄

毫昭

房昭

附庸

附庸

附庸

附庸

附庸

極隱

向隱

於餘丘莊

蕭莊

鄣

鄣成

向隱

於餘丘莊

蕭莊

鄣

盧威

夷狄諸種

山戎莊

北戎傳

揚拒

泉臯

驪戎莊

介傳

姜戎傳

長狄文

百濮文

伊維傳

陸渾宣

赤狄宣

白狄宣

根牟宣

潞宣

甲氏

留吁宣

鐸辰宣

根牟宣

潞宣

甲氏

留吁宣

鐸辰宣

茅戎經元

廣咎如經三

無終襄四

濮

奄並昭元傳

淮夷昭四

肅慎昭九

鮮虞昭十

肥昭十

鼓昭十

戎蠻哀四

文獻通考卷之二百六十二

封建考

春秋時十二列國戰國七雄興亡傳授本末

宋鄱陽 馬端臨 貴與 著

明蘄陽 馮天馭 應房 校刊

吳太伯與弟仲雍皆周太王之子王季歷之兄季歷賢而有聖子
 昌太王欲立季歷以及昌太伯仲雍乃奔荆蠻文身斷髮示不可
 用以避季歷季歷立太伯在荆蠻自號句吳荆蠻義之歸者千餘
 家立為吳太伯太伯卒弟仲雍立仲雍子季簡傳叔達 周章
 熊遂 柯相 疆鳩夷 餘槁疑吾 柯盧 周繇 屈羽
 夷吾 禽處 轉 頗高 句卑 去齊 壽夢 諸樊
 餘祭 餘昧 僚 闔廬 夫差凡二十五傳而吳為越所滅
 齊 太公呂尚姜姓蓋四岳苗裔以漁釣于西伯西伯立為師武
 王立師尚父佐武王伐商有天下乃封之於齊營丘子丁公伋傳

乙公	癸公	哀公	胡公	獻公	武公	厲公	文公
成公	莊公	釐公	襄公	桓公	孝公	昭公	懿公
惠公	頃公	靈公	莊公	景公	悼公	簡公	平公
宣公	康公	凡二十八傳而齊為田和所併					
魯	周公武王弟	佐武王伐紂有天下	相成王	封魯曲阜	子魯		
公伯禽	傳考公	煬公	幽公	魏公	厲公	獻公	真公
武公	懿公	伯御	孝公	惠公	隱公	桓公	莊公
閔公	僖公	文公	宣公	成公	襄公	昭公	定公
哀公	悼公	元公	穆公	共公	康公	景公	平公
文公	頃公	凡三十五傳而魯為楚所滅					
燕	召公奭	與周同姓	姬氏	文王武王之時	自陝以西	召公主	
之	既克商	乃封召公於北燕	自召公以下九世	至惠侯	傳釐侯		
頃侯	哀侯	鄭侯	繆侯	宣侯	桓侯	莊公	襄公

桓公	宣公	昭公	武公	文公	懿公	惠公	悼公
共公	平公	簡公	獻公	孝公	成公	湣公	釐公
桓公	文公	易王	王噲	昭王	惠王	武成王	
孝王	王喜	凡四十三傳而燕為秦所滅					

穎濱蘇氏曰燕國於蠻貊之間禮樂微矣春秋之際未嘗
 出與諸侯會盟至於戰國亦以耕戰自守安樂無事未嘗
 被兵文公二十八年蘇秦入燕始以縱橫之事說之自是
 兵交中國無復寧歲六世而亡吳自太伯至壽夢十七世
 不通諸侯自巫臣入吳教之乘車戰射與晉楚力爭七世
 而亡燕吳雖南北絕遠興亡之迹大畧相似彼說客策士
 借人之國以自快於一時可矣而為國者因而循之猖狂
 恣行以速滅亡何哉夫起於僻陋之中奮於諸侯之上如
 商周先王以德服人則可不然皆禍也丹欲以一七首斃

秦王使能害秦王亦何救於秦之滅燕而况不能哉此又蘇秦所不取也

容齋洪氏隨筆曰北燕在春秋時最爲僻小能自見於中國者不過三四大率制命於齊七雄之際爲齊所取後賴五國之力樂毅爲將然後勝齊然卒於得七十城不能守也故蘇秦說趙王曰趙北有燕燕固弱國不足畏也燕王曰寡人國小西迫強秦南近齊趙齊趙疆國也又曰天下之戰國七而燕處弱焉獨戰則不能有所附則無不重昭王謂郭隗曰孤極知燕弱小不足以報齊蘇代曰一齊之疆燕猶不能支奉陽君曰燕國弱也東不如齊西不如趙趙長平之敗壯者皆死燕以二千乘攻之爲趙所敗太子丹謂荆軻曰燕小弱數困於兵何足以當秦楚漢之初趙王武臣爲燕軍所得趙所養卒謂其將曰一趙尚易燕况

以兩賢王滅燕易矣出寵以漁陽叛即時夷滅十六國之起戎狄亂華稱燕稱趙者多矣未嘗有只據燕薊之地者也獨安祿山以三十年節制之威又兼領河東乘天寶政亂出不意而舉兵史思明繼之雖爲天下之禍旋亦殄滅至於藩鎮擅地所謂范陽盧龍固常受制於天雄成德也劉仁恭守光父子僭竊一方唐莊宗遣周德威攻之克取巡屬十餘州如拾地芥石晉割賂契丹仍其舊國恃以爲強然晉開運陽城之戰德光幾不免周世宗小振之立下三關但太平興國失於輕舉又不治敗將喪師之罪致令披猖以迄于今若以謂幽燕爲用武之地則不然也

蔡 武王伐商立武庚以管叔蔡叔監殷管蔡以殷叛周公討之殺管叔放蔡叔其子蔡胡率德改行周公以爲卿士叔卒乃封胡爲蔡蔡仲子蔡伯傳宮侯 厲侯 武侯 信侯 釐侯

共侯 戴侯 宣侯 桓侯 哀侯 繆侯 莊侯 文侯
景侯 靈侯 平侯 悼侯 昭侯 成侯 聲侯 元侯
齊侯 凡二十四傳而蔡為楚所滅

曹 曹叔振鐸武王弟武王克殷封振鐸於曹振鐸子太伯傳
於仲君平 宮伯 孝伯 夷伯 幽伯 戴伯 惠伯

石甫 繆公 桓公 莊公 釐公 昭公 共公 文公
宣公 武公 平公 悼公 聲公 隱公 靖公 伯陽

凡二十五傳而曹為宋所滅

陳 舜傳禹天下而舜子商均為封國夏后之時或失或續至
周武王克殷紂乃復求舜後得媯滿封之於陳以奉舜祀是為

胡公子申公傳 相公 孝公 慎公 幽公 釐公 武公
夷公 厲公 利公 莊公 宣公 穆公 共公 靈公

惠公 懷公 濬公 凡十九傳而陳為楚所滅

杞 夏后禹之後殷時或封或絕周武王克殷求禹之後得東
樓公封之於杞以奉夏后氏祀東樓公子西樓公傳 題公

謀娶公 武公 靖公 共公 德公 桓公 孝公
文公 平公 悼公 隱公 釐公 濬公 哀公 幽公

簡公 凡十九傳而杞為楚所滅

衛 康叔周武王母弟武王克殷立武庚令管蔡霍叔監之武
王崩三監挾武庚叛周公討平之乃封康叔于殷故墟康叔子

康伯傳 考伯 嗣伯 庚伯 靖伯 貞伯 頃侯
釐侯 武公 莊公 桓公 宣公 惠公 懿公 戴公

文公 成公 穆公 定公 獻公 殤公 靈公 幽公
莊公 悼公 敬公 昭公 懷公 慎公 聲公 成侯

平侯 嗣君 懷君 元君 角君 凡三十七傳而衛為
秦所滅

宋 微子殷帝乙元子紂庶兄武王崩武庚叛周公討誅之乃封微子于宋奉殷祀微子卒弟微仲立傳宋公 丁公 湣公

煬公 厲公 釐公 惠公 哀公 戴公 武公 宣公

穆公 殤公 莊公 湣公 桓公 襄公 成公 昭公

文公 共公 平公 元公 景公 昭公 悼公 休公

辟公 剔成 偃 凡三十二傳而宋為齊所滅

晉 唐叔虞周武王子成王弟成王封叔虞于唐叔虞子燮傳

武侯 成侯 厲侯 靖侯 釐侯 獻侯 穆侯 殤叔

文侯 昭侯 孝侯 鄂侯 哀侯 小子侯 湣侯

武公 獻公 惠公 懷公 文公 襄公 靈公 成公

景公 厲公 悼公 平公 昭公 頃公 定公 出公

哀公 幽公 烈公 孝公 靜公 凡三十八傳而晉為

韓趙魏所併

楚 其先出自帝顓頊高陽其後為重黎至周成王時舉文武

勤勞之後而封熊繹於楚繹封以子男之田姓芊氏居丹陽熊

繹生熊艾 熊點 熊勝 熊揚 熊渠 熊摯 熊延

能勇 能嚴 熊霜 熊洵 熊罾 若敖 霄敖 蚡冒

武王 文王 杜敖 成王 穆王 莊王 共王 康王

郊敖 靈王 平王 昭王 惠王 簡王 聲王 悼王

肅王 宣王 威王 懷王 頃襄王 考烈王 幽王

哀王 王負芻 自熊繹至負芻四十一傳而楚為秦所滅

越 其先禹之苗裔少康之庶子封于會稽以奉禹祀文身斷

髮披草萊而邑後二十餘世至于允常允常子句踐傳鼫與

不壽 翁 駮 之侯 無彊 自允常以後凡八傳而越

為楚所滅

鄭 桓公友周厲王少子宣王庶弟宣王封友於鄭桓公子武

王木

公傳 莊公 厲公 昭公 子亶 子儀 文公 穆公

靈公 襄公 悼公 成公 釐公 簡公 定公 獻公

聲公 哀公 共公 幽公 緡公 君乙 凡二十三傳

而鄭為韓所滅

趙 其先與秦共祖至周幽王時叔帶去周如晉事晉文侯五

世而後生趙夙晉獻公賜趙夙耿夙生趙衰 盾宣子 朔

武文 成景叔 鞅簡子 母邱襄子 完獻子 烈侯籍始命為諸侯

武公 敬侯 成侯 肅侯 武靈王 惠文王 孝成王

悼襄王 幽繆王遷 自烈侯籍至幽繆王遷十傳而趙為

秦所滅

魏 其先公高之後與周同姓其後絕封為庶人或在中國或在夷狄其苗裔曰畢萬事晉獻公獻公賜畢萬魏萬生驪武子

悼子 絳昭子 嬴荼獻子 侈桓子 文侯斯始命為諸侯 武侯

惠王 襄王 哀王 昭王 安釐王 景湣王 王假

自文斯侯至王假凡九傳而魏為秦所滅

韓 其先與周同姓其後苗裔事晉得封於韓原曰韓武子言或

邢晉應韓皆武王之之子韓侯在宣王時其後國成而後裔武子

事晉復封於韓或言韓萬是曲沃桓叔之子萬即武子也

後三世有韓厥獻子 起宣子 頃預子 不信簡子 莊子 虎康子

啓章武子 景侯虔始為諸侯 列侯 文侯 哀侯 懿侯

昭侯 宣惠王 襄王 釐王 桓惠王 王安 自景侯

虔至王安十一傳而韓為秦所滅

齊 陳完陳厲公佗之子厲公為蔡人所殺完不得立奔齊為

工正完卒謚敬仲敬仲生穉 湣 湣無子 無寧子 開武子

乞備子 常成子 盤襄子 白班子 太公和始為諸侯 桓王 惠王

宣公 湣王 襄王 王建 自太公和至王建七傳而齊

為秦所滅

秦 其先帝顓頊之苗裔孫曰女脩生子大業大業生大費即
益 其後至周孝王時有非子為王王于汧渭之間孝王分土為
附庸邑之秦使續嬴氏祀號曰秦嬴秦嬴生秦侯 公伯秦
莊公 襄公 文公 寧公 武公 德公 宣公 成公
繆公 康公 共公 桓公 景公 哀公 惠公 悼公
厲共公 躁公 懷公 靈公 簡公 惠公 獻公
孝公 惠文君 武王 昭襄王 孝文王 莊襄王
始皇帝 二世皇帝 自秦仲三十四傳至始皇而并天下
二世而亡

右春秋十二列國戰國七雄太史公作史記有各國世
家叙述已為詳備茲不復具錄姑畧叙各國得封之由
與傳授之世系而已至於邾莒許滕薛鄆以下諸國其
事實之見於春秋左氏內外傳及傳記諸書者頗詳史

記以其國小不復作世家後來無述焉故據各國事實
之可攷者仿世家之例備述于后至其世系之傳授得
封分地受姓受爵之源委苟有可考者則書之難書者
闕之所叙述一依史傳元文而不敢有所去取刪潤辟
不敏也

邾

邾曹姓子爵出自陸渚第五子晏安之後武王克商封其苗裔
曹挾于邾為附庸國在魯國鄒縣今濟州城南有邾婁城國在某縣
本杜預注左傳今為其小處本 魯隱公元年公即位而欲求好
于邾故與邾子克盟于篋 十月鄭人以王師號師伐衛南鄙
請師于邾邾子使私於魯大夫公子豫豫請往魯公不許遂行
及邾人鄭人盟于翼 五年宋人取邾田邾告于鄭曰請君釋
憾于宋敞邑為道鄭人以王師會之伐宋入其郛 七年魯伐

邾為宋討也 桓公八年魯伐邾 十五年邾人朝于魯 十

七年魯及邾子克盟于雒尋箴之盟 莊公十六年邾子克卒

僖公元年魯敗邾師于偃虛丘之戍將歸者也 虛丘邾地邾人既送哀姜還齊

人殺之因成虛丘欲以侵魯公以義求齊齊送姜氏之喪而邾人懼乃歸故公要而敗之 二十一年邾滅

須句魯伐邾取須句及其君焉 八月邾人以須句故伐魯僖

公卑邾不設備戰于升陘魯師敗績 三十三年魯伐邾取訾

婁以報升陘之役邾人不設備秋襄仲復伐邾 文公七年魯

伐邾取須句寘文公子焉 僖公取須句及其君後復為邾所取今魯再取之邾文公子叛在魯故魯使之為須 十三年邾文公卜遷于繹 繹邾邑魯國鄆縣北有繹山 史曰利

於民不利於君邾子曰苟利於民孤之利也天生民而樹之君

以利之也民既利矣孤必與之左右曰命可長也君何弗為邾

子曰命在養民死之短長時也民苟利矣遷也吉莫如之遂遷

于繹五月邾文公卒君子曰知命 十四年邾文公之卒也公

使弔焉不敬邾人來討伐魯南鄙故惠伯伐邾 文公元年齊

姜生定公二妃晉姬生捷菑文公卒邾人立定公捷菑奔晉晉

趙盾以諸侯之師八百乘納捷菑于邾邾人辭曰齊出獲且長

宣子曰辭順而弗從不祥乃還 宣公十年魯伐邾取繹 成

公十三年會晉諸侯之師伐秦 十八年邾宣公即位朝于魯

襄公元年邾子朝于魯會晉諸侯之師圍宋彭城代鄭 四年

邾莒伐鄆魯臧紇救鄆侵邾魯師敗於狐駘 六年魯穆叔如

邾聘且修平 平四年狐駘戰 十一年會晉及諸侯伐鄭會于蕭魚 十

四年會晉及諸侯于向遂從晉侯及諸侯之師伐秦 十五年

邾伐魯南鄙魯告于晉晉將為會以討邾莒晉侯有疾乃止

十六年會晉及諸侯于溴梁晉以魯故執邾宣公 十七年邾

伐魯南鄙為齊故也 齊志於魯故邾助之 十九年晉及諸侯盟于督揚

執邾悼公以其伐魯故遂次于泗上疆魯田 正邾魯之界 取邾田自

鄆水歸之于魯鄆田在鄆水北今更以鄆為界故曰取鄆田二十年會晉及諸侯

盟于澶淵邾人驟伐魯魯以諸侯之事弗能報秋孟莊子伐邾

以報之二十一年邾大夫庶其以漆間丘奔魯季武子以公

姑姊妻之皆有賜於其從者二十二年會晉及諸侯于沙隨

二十二年邾界我奔魯界我庶其之黨二十五年會晉及諸侯于夷

儀二十七年晉楚及諸侯盟于宋齊人請邾不與盟二十

八年邾悼公朝于魯昭公十一年魯孟僖子會邾莊公盟于

侵祥十三年晉會諸侯于平丘邾嘗怨于晉曰魯朝夕伐我

幾亡矣我之不共魯故之以晉公不見魯公執季孫意如十

八年邾襲鄆入之盡俘以歸既而反鄆夫人舍其女十九年

宋為鄆故伐邾圍蟲三月取之乃盡歸鄆俘邾人邾人徐人會

宋公同盟于蟲二十三年邾人城翼邾邑還將自離姑亦邾邑從離姑

則道經魯武城公孫鉏曰魯將御我欲自武城還循山而南徐鉏立

弱茅地三子邾大夫曰道下遇雨將不出是不歸也謂此山遂自離

姑武城人塞其前以兵塞前道斷其後之木而弗殊邾師過之乃推

而廢之遂取邾師獲鉏弱地邾人怨于晉晉執魯行人叔孫婁

使與邾大夫坐坐詎曲直叔孫曰列國之卿當小國之君固周制也

邾又夷也寡君之命介于服回在請使當之乃不果坐韓宣子

使邾人聚其衆將以叔孫與之士彌牟曰子弗良圖而以叔孫

與其讎叔孫必死之魯亡叔孫必亡邾邾君亡國將焉歸所謂

盟主討違命也若皆相執焉用盟主乃弗與使各居一館士伯

聽其辭而愬諸宣子乃皆執之士伯御叔孫從者四人過邾館

以如吏欲使邾人見叔孫之屈辱先歸邾子次年乃歸叔孫二十五年會

晉及諸侯于黃父三十一年邾黑肱以濫奔魯黑肱邾大夫濫東海昌慮

定公二年邾莊公與夷射姑飲酒私出闈乞肉焉奪之杖

以敲之其明年邾子在門臺臨廷闈以餅水沃廷邾子望見之

怒闞曰夷射姑旋焉命執之弗得滋怒自投于床廢于鑪炭爛

遂卒莊公下急而好潔故及於是 冬魯仲孫何忌及邾子盟

于邾 十四年魯大蒐于北蒲邾子來會 十五年邾隱公朝

魯執玉高其容仰定公受玉卑其容俯子貢觀之曰二君者皆

將死亡 哀公二年魯伐邾將代絞絞邾邑邾人愛其土故賂以

漸沂之田乃盟于句繹 七年魯伐邾及范門邾郭猶聞鍾聲

邾不大夫諫不聽茅成子請告於吳成子郭不許曰魯擊析聞

於邾吳二千里不三月而至何及於我且國內豈不足言足以

成子以茅叛魯師入邾處其公宮師晝掠邾眾保于繹師宵掠

以邾子益歸獻于亳社囚諸負瑕負瑕故有繹負瑕魯邑魯得

負瑕故使邾茅夷鴻以東帛乘韋自請救於吳曰魯弱晉而遠

吳馮恃其眾而背君之盟辟君之執事以陵我小國邾非敢自

也懼君威之不立君威之不立小國之憂也若夏盟于鄆衍

秋而背之成求而不違四方諸侯其何以事君且魯賦八百乘

君之貳也貳敵也魯以八百乘邾賦六百乘君之私也為私以

私奉貳唯君圖之吳子從之 八年吳為邾故伐魯克武城次

于泗上取盟而還齊侯如吳請師將以伐魯乃歸邾子邾子又

無道吳子使太宰子餘討之囚諸樓臺禘之以棘使諸侯奉太

子革以為政 十年邾隱公奔魯齊甥也故遂奔齊公會吳子

邾子邾子伐齊南鄙 二十一年魯哀公及齊侯邾子盟于顧

二十二年邾隱公自齊奔越曰吳為無道執父立子越人歸之

太子革奔越 二十四年邾子又無道越人執之以歸而立公

子何何亦無道 二十七年越子使后庸來聘且言邾田封於

駘上欲使魯還邾田盟于平陽 邾後改曰鄒鄒與魯關關關

鄒穆公問於孟子曰吾有司死者三十三人而民莫之死也誅

之則不可勝誅不誅則疾視其長上之死而不救如之何則可

也孟子對曰凶年饑歲君之民老弱轉乎溝壑壯者散而之四方者幾千人矣而君之倉廩實府庫充有司莫以告是上慢而殘下也曾子曰戒之戒之出乎爾者及乎爾者也夫民今而後得反之也君無尤焉君行仁政斯民親其上死其長矣 邾後為魯所滅

邾世次 邾儀父克 邾子瑣 文公遽除 定公獲且

宣公掣 卓公華 莊公穿 隱公益姑 桓公革

公子何 四年獲麟 穆公

莒

莒嬴姓子爵國在城陽莒縣今密州出自少昊之後武王封與期於莒莒夷君無謚而有號自茲與期十一世至茲本始見於春秋 魯隱公二年莒子娶于向向姜不安莒而歸莒人入向以姜氏還 冬紀子帛莒子盟于密 四年莒伐杞取牟婁

八年魯公及莒人盟于浮來成紀好也 閔公二年魯共仲弑

閔公奔莒僖公立以賂求共仲于莒而殺之 僖公二年莒人

來求賂于魯 以還慶父故 魯公子友敗諸鄆獲莒子之弟挈 二十

五年衛人平莒于魯乃盟于洮修衛好及莒平也 二十六年

魯公會莒茲丕公甯莊子盟于向尋洮之盟 文公十八年莒

紀公生太子僕又生季陀愛季陀而出僕且多行無禮於國僕

因國人以弑紀公以其寶玉奔魯宣公命與之邑季文子使司

寇出諸竟 宣公四年魯公及齊侯平莒及邾 二國宿莒人不

肯魯伐莒取向 十三年齊師伐莒莒恃晉而不事齊故也

成公七年晉侯及諸侯同盟于馬陵莒服故也 莒本屬齊齊服

八年晉使申公巫臣如吳假道于莒與渠丘公立於池上曰城

巴惡莒子曰辟陋在夷其孰以我為虞對曰夫狡焉思啓封疆

以利社稷者何國蔑有唯然故多大國矣唯或思或縱也 世有

先

其封疆者有欲其暴掠者

九年楚子重自陳伐莒圍渠丘渠丘城惡衆潰奔莒楚入渠丘莒人囚楚公子平楚人曰勿殺吾歸而俘莒人殺之楚師圍莒莒亦惡庚申莒潰楚遂入鄆

莒無備故也 襄公四年邾莒伐鄆魯救鄆侵邾敗于狐駘六年莒滅鄆 八年莒伐魯東鄆以疆鄆田莒既滅鄆魯侵其西界故莒伐魯東

鄆正 九年會晉及諸侯之師伐鄭同盟于戲 十年會晉及諸侯于柤伐鄭莒人聞諸侯之有事也故伐魯東鄆諸侯有討鄭之師

十一年會晉及諸侯于蕭魚 十二年莒伐魯東鄆圍台魯季武子救台入鄆取其鍾以為公鑿 十四年會諸侯及吳于向

晉執莒公子務婁以其通楚使也 會諸侯之師伐秦 十六年晉會諸侯于溴梁命歸侵田以魯故執邾宣公莒黎比公前年邾莒

盟于向督揚之盟故也莒數伐魯前年諸侯盟于向督揚以和之 二十三年齊

侯還自伐晉遂襲莒門于且于傷服而退明日將復戰期于壽舒莒地杞殖華還齊大夫載甲夜入且于之隧宿于莒郊明日先遇

莒子于蒲侯氏近莒邑莒子重賂之使無死曰請有盟以盟要二子今無死

華周對曰貪貨棄命君所惡也昏而受命日未中而棄之何以事君莒子親鼓之從而伐之獲杞梁莒人行成勝大國懼故速成

二十九年會晉及諸侯城杞 三十年會晉及諸侯于澶淵宋

災故 三十一年莒黎比公生去疾及展輿既立展輿又廢之黎比公虛國人患之十一月展輿因國人以攻莒子弑之乃立

去疾奔齊齊出也展輿吳出也 昭公元年魯季武子伐莒取鄆諸侯會于號莒人告于會楚告于晉曰尋盟未退而魯伐莒

潰齊盟請戮其使乃執叔孫豹趙武子為之請於楚曰魯雖有罪而執事不辟難畏威而敬命矣子若免之以勸左右可也莒

魯爭鄆為日久矣苟無大害於其社稷可無克也楚人許之乃

免叔孫 莒展與立而奪群公子秩公子召去疾于齊齊公子

鉏納去疾展與奔吳魯叔弓帥師疆郟田因莒亂也於是莒務

婁督胡及公子滅明以大虎與常儀奔齊三子展與堂大虎

四年魯取鄆莒亂著丘公立而不撫鄆鄆叛而歸魯 五年莒

牟夷以牟婁及防茲奔魯牟夷大夫牟婁防茲二邑莒人愬于晉魯昭公朝

于晉晉侯將止之范獻子曰不可乃歸公公至自晉莒人來討

不設備叔弓敗諸紛泉莒未陳也 十年魯季平子伐莒取鄭

十二年魯昭公如晉至河乃復取鄭之役莒人愬于晉晉有平

公之喪未治之也故辭公 十三年為取鄭故晉將以諸侯討

魯邾人莒人復愬于晉曰魯朝夕伐我幾亡矣我之不共魯故

之以晉侯不見公執季孫意如 十四年莒著丘公卒郊公不

感邾公著丘公國人弗順欲立著丘公之弟庚與庚與莒共公蒲餘侯蒲餘侯大

惡公子意恢而善於庚與郊子惡公子鐸而善於意恢公子

鐸因蒲餘侯而與之謀曰爾殺意恢 不出君而納庚與許之十

二月蒲餘侯茲夫殺意恢郊公奔公公子鐸逆庚與於齊齊隰

黨公子鉏送之有賂田 十九年齊高發帥師伐莒莒子伐紀

障莒邑使孫書伐之孫書陳無字之子于古也初莒有婦人莒子殺其夫已為

嫠婦及老託於紀障紡焉以度而去之因紡績連所紡以度城而藏之以待外攻者欲

者六十人繼絕師鼓噪城上之人亦噪莒共公思啓西門而出

齊乃入紀 二十二年齊北郭啓入師伐莒莒子將戰苑羊牧

之諫莒大夫曰齊帥賤其求不多如下之大國不可怒也弗聽

敗齊師于壽餘齊侯伐莒莒子行成司馬竈齊大夫如莒蒞盟莒

子如齊蒞盟盟于稷門之外莒於是乎大惡其君 二十三年

莒子庚與虛而好劔苟鑄劔必試諸人國人患之又將叛齊烏

存莒大夫帥國人以逐之庚與將出聞烏存執爰立於道左懼將

存莒大夫帥國人以逐之庚與將出聞烏存執爰立於道左懼將

存莒大夫帥國人以逐之庚與將出聞烏存執爰立於道左懼將

存莒大夫帥國人以逐之庚與將出聞烏存執爰立於道左懼將

存莒大夫帥國人以逐之庚與將出聞烏存執爰立於道左懼將

存莒大夫帥國人以逐之庚與將出聞烏存執爰立於道左懼將

存莒大夫帥國人以逐之庚與將出聞烏存執爰立於道左懼將

止死苑羊牧之曰君過之烏存以力聞可矣何必弑君成名遂
奔魯齊人納郊公 庚輿而下微不復見後四世而楚滅之
秦昭襄王五十二年楚人遷魯于莒而取其地

莒世次 茲丕公 紀公庶其 厲公季陀 渠丘公宋

黎比公密州 展輿 著丘公去疾 庚輿 郊公

莒子任 共公是年齊即獲麟

許

許姜姓男爵出自堯四岳伯夷之後周武王封其苗裔文叔於
許以續太岳之嗣地在潁川許昌縣今許州是也 魯隱公十
一年公會鄭伯于邾謀伐許也 秋七月公會齊侯鄭伯伐許
庚辰傳于許壬午入許許莊公奔鄭齊侯以許讓公公曰君謂
許不共不共職貢故從君討之許既伏其罪矣雖君有命寡人弗敢
有聞乃與鄭人鄭伯使許大夫百里奉許叔以居許東偏許叔

之曰天禍許國鬼神實不逞於許君而假手于我寡人寡人唯
是一二父兄不能共億其敢以許自為功乎寡人有弟不能和
協而使糊其口於四方其況能久有許乎吾子其奉許叔以撫
柔此民也吾將使獲也佐吾子獲鄭大夫公孫獲 若寡人得没于地天
其以禮悔禍于許無寧茲許公復奉其社稷唯我鄭國之有請
謁也如舊昏媾其能降以相從也無滋他族實逼處此以與我
鄭國爭此土也吾子孫其覆亡之不暇而况能禮祀許乎寡人
之使吾子處此不為許國之為亦聊以固吾國也乃使公孫獲
處許西偏曰凡而器用財賄無實于許我死乃亟去之吾先君
新邑於此王室而既卑矣周之子孫日失其序夫許太岳之胤
也神農之後也 天而既厭周德矣吾其能與許爭乎 莊公二十
九年鄭人侵許 僖公四年會齊侯及諸侯之師侵蔡伐楚次
于陘許穆公卒于師葬之以侯禮 六年齊侯及諸侯之師伐

鄭以其逃首止之盟秋楚子圍許以救鄭諸侯許乃還冬蔡穆

侯將許僖公以見楚子于武城楚子退舍武城猶有忿志故許

男面縛街壁大夫衰經士輿櫬縛手於後惟見其面以壁為費

觀楚子問諸逢伯對曰昔武王伐殷微子啓如是武王親釋其

縛受其璧而被之被除凶之禮焚其櫬禮而命之使復其所楚子從

之三十三年晉陳鄭伐許討其貳於楚也文公五年許僖

公卒成公二年晉伐齊楚令尹子重為陽橋之役以救齊王

卒蓋行彭名御戎蔡景公為左許靈公為右二君弱皆疆冠之

楚遂及諸侯盟于蜀蔡侯許男不書乘楚車也三年許恃楚

而不事鄭鄭子良伐許四年鄭公孫申帥師疆許曰前年鄭

許人敗諸展陂鄭伯伐許取鉏任冷敦之田展陂許地晉欒書帥

師救許伐鄭取汜祭楚子友救鄭鄭伯與許男訟焉其地攝鄭

伯之辭子友不能決也五年許靈公愬鄭伯于楚六月鄭

悼公如楚訟不勝楚人執皇成及子國故鄭伯求成于晉八

年晉欒書侵蔡遂侵楚侵沈鄭伯將會晉師門于許東門大獲

焉過許見其無備因攻之九年鄭伯如晉晉人討其貳於楚執諸銅鞮

冬鄭人圍許示晉不急君也是則公孫申謀之曰我出師以圍

許示不為將改立君者而紓晉使勿亟遣晉必歸君十四年

八月鄭子罕伐許敗焉戊戌鄭伯復伐許入其邦許人平以叔

申之封四年鄭公孫申疆許田許人敗之不得十五年許靈

公畏偃于鄭請遷于楚辛丑楚公子申遷許于葉葉今南陽葉

襄公三年許靈公事楚不會于鷄澤晉知武子帥師伐許

十六年許男請遷于晉許欲晉以諸侯會溲梁遂遷許許大夫

不可晉人歸諸侯唯以知許許鄭子螭聞將伐許遂相鄭伯以

從諸侯之師鄭與許有宿怨師次于楫林伐許次于函氏皆許

晉荀偃帥師伐楚敗楚師遂侵方城之外復伐許而還二十

九年

楚

許

鄭

晉

六年許靈公如楚請伐鄭十六年晉伐許它國皆大夫曰師不

與孤不歸矣八月卒于楚楚子曰不伐鄭何以求諸侯十月楚

子伐鄭入南里墮其城涉于汜而歸然後壅許靈公 昭公四

年許男如楚楚子止之遂止鄭伯復田江南許男與焉使椒舉

如晉求諸侯二君待之楚以諸侯滅賴遷賴於鄢楚子欲遷許

于賴使鬬韋龜與公子棄疾城之而還為許城也 九年楚公子棄

疾遷許于夷實城父此時改城父為夷城父縣屬譙郡 取州來淮北之田以益

之益許田 伍舉授許男田然丹遷城父人於陳以夷濮西田益

以夷田在濮水西者與城父人 遷方城外於許成十五年許遷於葉因謂之

靈王使民不安 十八年楚左尹王子勝言於楚子曰許於鄭

仇敵也而居楚地以不禮於鄭十五年平王復遷邑許自鄭

方睦鄭若伐許而晉助之楚喪地矣君盍遷許許不專於楚

也許先鄭曰余俘邑也

存之故曰我俘邑也葉在楚方城外之蔽也為方城外土不可易

易輕國不可小鄭許不可俘雖不可啓君其圖之楚子說使王

子勝遷許于葉實白羽於傳時白羽改為新 十九年許悼公瘞飲太子

止之藥卒太子奔晉 定公四年許遷于容城 六年鄭游速

帥師滅許以許男斯歸因楚敗也

許世次 穆公新臣 僖公業 昭公錫我 靈公甯

悼公買 許男斯 元公成

滕

滕姬姓侯爵文王子叔繡之後也地在兗州龔丘今徐州有故

滕城 魯隱公七年滕侯卒未同盟故 十一年滕侯薛侯來

朝爭長薛侯曰我先封薛祖奚仲夏所 滕侯曰我周之卜正也

薛庶姓也我不可以後之公使羽父請於薛侯曰君與滕君辱

在寡人周之宗盟異姓為後寡人若朝于薛不敢與諸任齒君

若辱貶寡人則願以滕君為請薛侯許之乃長滕侯 桓公二

年滕子來朝滕本侯今稱子 僖公十九年宋襄公以會召諸

侯執滕宣公嬰齊 文公十二年滕昭公朝魯始朝于公也

宣公九年滕昭公卒宋人圍滕因其喪也 十年滕人恃晉而

不事宋故宋師伐滕 成公十三年會晉侯及諸侯之師伐秦

敗秦師于麻隧 襄公元年會晉及諸侯之師圍宋彭城 二

年會晉及諸侯之師于戚遂城虎牢 六年滕成公朝魯始朝

公也 九年會晉及諸侯伐鄭同盟于戲 十年會晉及諸侯

于祖遂滅偃陽 十一年會晉及諸侯伐鄭會于蕭魚 十四

年會晉及諸侯吳師于向伐秦 二十年會晉及諸侯于澶淵

二十五年會晉及諸侯于夷儀 二十七年晉楚諸侯會于宋

宋人請滕不與盟 三十年會宋及諸侯于澶淵宋災故 三

十一年魯襄公卒滕成公來會葬情而多涕子服惠伯曰滕君

將死矣怠於其位而哀已甚兆於死所矣能無從乎 昭公三

年滕子厚卒魯仲弓如滕葬滕成公 四年會楚子及諸侯于

申 十三年會劉子晉侯及諸侯盟于平丘 二十五年會晉

及諸侯于黃父 定公元年晉魏舒合諸侯之大夫于狄泉將

以城成周宋仲幾不受功曰滕薛郟吾役也欲使三國代 滕

文公為世子將之楚過宋而見孟子孟子道性善言必稱堯舜

世子自楚反復見孟子孟子曰世子疑吾言乎夫道一而已矣

成鬪謂齊景公曰彼丈夫也我丈夫也吾何畏彼哉顏淵曰舜

何人也予何人也有為者亦若是公明儀曰文王我師也周公

豈欺我哉今滕絕長補短將五十里也猶可以為善國書曰若

藥不瞑眩厥疾不瘳滕定公薨世子使然友問於孟子然後行

事然友及命定為三年之喪問為國孟子曰民事不可緩也民

之為道也有恒產者有恒心無恒產者無恒心苟無恒心放僻

文

邪侈無不為矣及陷於罪然後從而刑之是罔民也焉有仁人在位罔民而可為也是故賢君必恭儉禮下取於民有制夏后氏五十而貢殷人七十而助周人百畝而徹其實皆什一也徹者徹也助者藉也夫世祿滕固行之矣詩云雨我公田遂及我私由此觀之雖周亦助也設為庠序學校以教之庠者養也序者射也夏曰校殷曰序周曰庠學則三代共之皆所以明人倫也人倫明於上小民親於下有王者起必來取法是為王者師也使畢戰問井地孟子曰夫仁政必自經界始經界不正井地不鈞穀祿不平是故暴君汙吏必慢其經界經界正分田制祿可坐而定也夫滕壤地褊小將為君子焉將為野人焉無君子莫治野人無野人莫養君子請野九一而助國中什一使自賦鄉以下必有圭田圭田五十畝餘夫二十五畝死徙無出鄉鄉田同井出入相友守望相助疾病相扶持則百姓親睦方里而井

井九百畝其中為公田公事畢然後敢治私事所以別野人也此其大略也若夫潤澤之則在君與子矣 文公問孟子曰滕小國也間於齊楚事齊乎事楚乎對曰是謀非吾所能及也無已則有一焉鑿斯池也築斯城也與民守之效死而民弗去則是可為也又問曰齊人將築薛築薛以逼滕吾甚恐如之何則可孟子對曰昔者太王居邠狄人侵之去之岐山之下居焉非擇而取之不得已也苟為善後世子孫必有王者矣君子創業垂統為可繼也若夫成功則天也君如彼何哉強為善而已矣 周赧王二十九年宋滅滕上距孟子時四十餘年

滕世家 滕侯穀 宣侯嬰齊 孝侯轍 昭公元 文侯壽
成公原 悼侯寧 頃公結 隱公虞母四年獲麟

薛

薛任姓侯爵黃帝之後奚仲封于薛地在薛縣今徐州薛城至

獻侯始朝魯與諸侯盟會 隱公十一年滕侯薛侯來朝爭長
公使羽父請於薛侯乃長滕侯 襄公二年會晉及諸侯于戚
遂城虎牢 九年會晉及諸侯伐鄭 十年會晉及諸侯于粗
伐鄭 十一年會晉及諸侯之師伐鄭盟于蕭魚 十四年會
晉及諸侯于向伐秦 十六年會晉及諸侯于溴梁 二十年
會晉及諸侯于澶淵 二十五年會晉及諸侯于夷儀 三十
年會晉及諸侯于澶淵宋災故 昭公十三年會晉及諸侯盟
于平丘 二十五年會晉及諸侯盟于黃父 定公元年晉魏
舒合諸侯之大夫于狄泉將以城成周宋仲幾不受功曰滕薛
邠吾役也薛宰曰宋為無道絕我小國于周以我適楚故我常
從宋晉文公為踐土之盟曰凡我同盟各復舊職若從踐土若
從宋亦唯命仲幾曰踐土固然言踐土盟薛亦宋役薛宰曰薛之皇祖奚
仲居薛以為夏居正奚仲為夏禹奚仲遷于邳仲虺居薛以為

湯左相仲虺奚仲之後若復舊職將承王官何故以役諸侯仲幾曰三代
代各異物薛焉得有舊為宋役亦其職也士彌言曰晉之從政
者新子姑受功歸吾視諸故府仲幾曰縱子忘之山川鬼神其
忘諸乎士伯怒謂韓簡子曰薛徵於人宋徵於鬼宋罪大矣乃
執仲幾以歸 定公十三年薛弑其君比

薛世次 薛侯 獻侯穀 襄公定 薛公比 惠公夷五年獲麟

容齋洪氏隨筆曰左傳載魯哀公大夫云禹合諸侯于塗
山執玉帛者萬國今其存者無數十焉漢公孫卿語武帝
云黃帝萬諸侯而神靈之封君七千案王制所紀九州凡
千七百七十有三國多寡殊不侔以理推之一君會朝所
將吏卒姑以百人計之則萬國之衆當為百萬塗山之下
將安所歸宿乎其為僨言無可疑者所謂存者數十考諸
經傳可見者唯薛耳薛之祖奚仲為夏禹掌車服大夫自

此受封歷商及周未始為宋偃王所滅其享國千九百餘年傳六十四代三代諸侯莫之與比薛壤地褊小以詩則不列於國風以世家則不列於史記而春秋二百四十二年之間視同儕邾杞滕鄆獨未嘗受大國侵伐則其為邦亦自有持守之道矣

小邾

小邾曹姓子爵出自邾挾之後夷父顏有功於周周封其子友於邾為附庸地在東海昌慮縣東北邾城今沂州齊桓公霸邾君附從進爵為子始列諸侯謂之小邾子 莊公五年邾黎來來朝名未王命也未受爵命為諸侯 十五年諸侯為宋伐邾邾附庸而始得王命 桓公七年小邾子來朝而來朝也 襄公二年會晉及諸侯城虎牢 七年小邾穆公朝魯亦始朝公也 九年會晉及諸侯之師伐鄭 十年會晉及諸侯于相

十一年會晉及諸侯伐鄭盟于蕭魚 十四年會晉及諸侯之師于向伐秦 二十年會晉及諸侯澶淵 二十二年會晉及諸侯于沙隨 三十年會晉及諸侯盟澶淵宋災故 昭公三年小邾穆公來朝季武子欲卑之不敬以諸侯禮待之 穆叔曰不可曹滕二邾實不忘我好敬以逆之猶懼其貳又卑以睦焉一睦謂逆羣好也其如舊而加敬焉志曰能敬無災又曰敬逆來者天所福也 季孫從之 四年會楚及諸侯于申 十三年會晉及諸侯盟于平丘 十七年小邾穆公來朝公與之宴季平子賦采菽穆公賦菁菁者莪昭子曰不有以國其能久乎嘉其能答賦言其賢故能國有 十九年邾人邾人徐人會宋公同盟于蟲先時宋為邾國故討邾取蟲 二十五年會晉及諸侯于黃父 定公元年晉合諸侯之大夫城成周宋仲幾不受功曰滕薛邾吾役也欲使三國代宋受功役 哀公四年宋人執小邾子小邾子無道於民故稱人以執 十四年小邾繹以句繹

來奔射小邾大夫曰使季路要我吾無盟矣使子路子路辭季
康子使冉有謂之曰千乘之國不信其盟而信子之言子何辱
焉對曰魯有事於小邾不敢問故死其城下可也彼不臣而濟
其言是義之也由弗能

文獻通考卷之二百六十二

文獻通考卷之二百六十三

宋鄱陽 馬 端臨 貴與 著
明蘄陽 馮 天馭 應彥 校刊

封建考

春秋列國傳授本末事跡 隨

隨姬姓侯爵地在義陽隨縣今隨州 桓公六年楚武王侵隨
使蓬章求成焉蓬章楚大夫軍於瑕以待之隨人使少師董成隨大夫
也鬬伯比言於楚子曰吾不得志於漢東也我則使然我張吾
三軍而被吾甲兵以武臨之彼則懼而協以謀我故難聞也漢
東之國隨為大隨張必棄小國小國離楚之利也少師侈謂羸
師以張之熊率且比曰季梁在何益鬬伯比曰以為後圖少師
得其君王毀君而納少師少師歸請追楚師隨侯將許之季梁
止之曰天方授楚楚之羸其誘我也君何急焉臣聞小之能敵

大也小道大淫所謂道忠於民而信於神也上思利民惠也祝
史正辭信也今民餒而若逞欲祝史矯舉以祭詳稱功德公曰
吾牲牲肥腍乘盛豐備何則不信對曰夫民神之主也是以聖
王先成民而後致力鬼神故奉牲以告曰博碩肥腍謂民力之
普存也謂其畜之碩大蕃滋也謂其不疾疫蠶也謂其備腍咸
有也謂民力適完則六畜既大而滋奉盛以告曰絜粢豐盛謂
其三時不害而民和年豐也奉酒醴以告曰嘉粟旨酒謂其上
下皆有嘉德而無違心也所謂馨香無譏慝也故務其三時修
其五教親其九族以致其禋祀於是乎民和而神降之福故動
則有成今民各有心而鬼神之主君雖獨豐其何福之有君姑
修政而親兄弟之國庶免於難隨侯懼而修政楚不敢伐八
月隨少師有寵楚鬬伯比曰可矣讎有釁不可失也夏楚子合
諸侯于沈鹿黃隨不會使遠章讓黃楚子伐隨軍於漢淮之間

季梁請下之弗許而後戰所以怒我而怠寇也少師謂隨侯曰

必速戰不然將失楚師隨侯禦之望楚師季梁曰楚人尚左君

必左君楚無與王遇且攻其右右無良焉必敗偏敗眾乃携矣

少師曰不當王非敵也弗從不從季戰于速杞隨侯敗績隨侯

逸鬬丹獲其戎車與其戎右少師秋隨及楚平楚子將不許鬬

伯比曰天去其疾矣謂少師見隨未可克也乃盟而還莊公

四年楚武王荆尸伐隨尸陳也荆亦楚也更為楚兵陣之法將

齊謂授兵入告夫人鄧曼曰余心蕩鄧曼歎曰王祿盡矣盈而

蕩天之道也先君其知之矣故臨武事將發大命而蕩王心焉

若師徒無虧王薨于行國之福也王遂行卒于楛木之下令尹

闞祁莫敖屈重除道梁槎營軍臨隨隨人懼行成時秘王喪故

直道差水在義陽厥縣西東南入鄧水莫敖以王命入盟隨侯

梁槎也隨人不意其至故懼而行成

且請為會而漢汭而還濟漢而後發喪楚武王即位之三十

楚武王即位之三十

五年伐隨隨曰我無罪楚曰我蠻夷也今諸侯皆為叛相侵或相殺我有敝甲欲以觀中國之政請王室尊吾號隨人為之周請尊楚王室不聽還報二十七年楚熊通怒曰吾先鬻熊文王之師也早終成王舉我先公乃以子男田令居楚蠻服皆率服而王不加位我自尊耳乃自立為武王與隨人盟而去於是始開濮地而有之五十一年周召隨侯數以立楚為王楚怒以隨背已伐隨武王卒師中而兵罷按此史記楚世所紀言伐隨四年事也左傳不言楚魯隨請於周而自尊之說今錄之以廣異聞僖公二十年隨以漢東諸侯叛楚冬楚鬬穀於菟帥師伐隨取成而還定公五年吳破楚入郢閻辛與其弟巢以楚王奔隨吳人從之謂徐人曰周之子孫在漢川者楚實盡之天誘其衷致罰於楚而君又竄之周室何罪君若惠顧周室施及寡人以獎天衷君之惠也漢陽之田君實有之楚子在公宮之北吳人在其南子期似王昭王兄公子結

也逃王而已為王曰以我與之王必免隨人卜與之不吉乃辭吳曰以隨之辟小而密邇於楚楚實存之世有盟誓至于今未改若難而棄之何以事君執事之患不唯一人楚一人若鳩楚竟敢不聽命鳩集也吳人乃退鑪金初宦於子期氏實與隨人要言要言母以王與吳并脫子期王使見之王喜欲引見辭曰不敢以約為利約為要言也王割子期之心以與隨人盟

郟

郟嬴姓子爵地在今淮陽軍有古郟城宣公四年魯公及齊侯平莒及郟莒郟二國有宿怨故魯齊共平之莒人不肯魯伐莒取向成公七年吳伐郟郟成季文子曰中國不振旅蠻夷八伐而莫之恤振整也無弔者也夫相懲恒詩曰不弔昊天亂靡有定其此之謂乎有上不弔其誰不受亂上謂吾亡無日矣君子曰知懼如是斯不亡矣九年晉士燮聘于魯言伐郟也以其事吳故魯

賂之使緩師范文子不可曰君命無貳失信不立禮無加貨事
無二成 兩成 公私不 君後諸侯是寡君不得事君者變將復之季孫
 懼使宣伯帥師會晉人齊人邾人伐邾 襄公七年邾子來朝
 始朝公也 昭公十七年邾子來朝魯公與之宴昭子問焉曰
 少皞氏鳥名官何也邾子曰吾祖也我知之昔者黃帝氏以雲
 紀故為雲師而雲名炎帝氏以火紀故為火師而火名共工氏
 以水紀故為水師而水名太皞氏以龍紀故為龍師而龍名我
 高祖少皞摯之立也鳳鳥適至故紀於鳥為鳥師而鳥名鳳鳥
 氏司歷也玄鳥氏司分者也伯趙氏司至者也青鳥氏司啓者
 也丹鳥氏司閉者也祝鳩氏司徒也鳴鳩氏司馬也鳴鳩氏司
 空也爽鳩氏司寇也鵲鳩氏司事也五鳩鳩民者也五雉為五
 工正利器用正度量夷民者也九扈為九農正扈氏無淫者也
 自顓頊以來不能紀遠乃紀於近為民師而命以民事則不能

故也 言黃帝以來受命皆有雲火水龍鳳之瑞故就仲尼聞之
以名官納顓頊氏德不能致遠瑞故以民事命官 見於郊子而學之既而告人曰吾聞之天子失官學在四夷猶
 信

虞

虞姬姓公爵出自太王子仲雍生季簡季簡生叔達叔達生周
 虞仲章及武王克商求太伯仲雍之後得周章已為吳君別封
 其弟虞仲於周之北地在故夏墟河東太陽縣今陝州平陸縣
 有虞城 桓公十年初虞叔有玉 虞公弟 虞公求旃弗獻既而悔
 之曰周諺有之匹夫無罪懷璧其罪吾焉用此其以賈害也乃
 獻又末其寶劍叔曰是無厭也無厭將及我遂伐虞公故虞公
 出奔共池 僖公二年晉荀息請以屈產之乘與垂棘之璧假
 道於虞以伐虢公曰是吾寶也對曰若得道於虞猶外府也公
 曰宮之奇存焉 宮之奇 對曰宮之奇之為人也懦而不能強諫

四

且少長於君君暱之雖諫將不聽乃使荀息假道於虞曰冀為不道入自顛軫伐鄭三門前是冀伐虞至鄭鄭虞邑河冀之既

病則亦唯君故言虞報伐冀使病將假道故稱虞強以悅其心今號為不道保於逆旅

以侵敝邑之南鄙敢請假道以請罪於號虞公許之且請先伐號言於厚略而欲求媚宮之奇諫不聽遂起師夏晉里克荀息帥師會虞師伐號滅下陽先書虞賄故也

五年晉侯復假道於虞以伐號宮之奇諫曰號虞之表也號亡虞必從之晉不可啓寇不可翫一之謂甚其可再乎諺所謂輔車相依唇亡齒寒者其虞號之謂也公曰晉吾宗也豈害我哉對曰秦伯虞仲太王之昭也

太伯不從是以不嗣號仲號叔王季之穆也號仲號叔王季為子文王母弟文王卿士勲在王室藏於盟府將號是滅何愛於虞且虞能親

於桓莊乎其愛之也桓莊之族何罪而以爲戮不唯偏乎親以寵偏猶尚害之况以國乎公曰吾享祀豐潔神必據我對曰臣

聞之鬼神非人實親惟德是依周書曰皇天無親惟德是輔又曰黍稷非馨明德惟馨又曰民不易物惟德繫物如是則非德

民不和神不享矣神所馮依將在德矣若晉取虞而明德以薦馨香神其吐之乎弗聽許晉使宮之奇以其族行曰虞不臘矣

在此行也晉不更舉矣八月晉侯圍上陽十二月晉滅號師還館于虞遂襲虞滅之執虞公及其大夫井伯以勝秦穆姬而簡

虞祀且歸其職貢于王虞所命祀自太伯作吳五世而武王克殷封

其後爲二其一虞在中國其一吳在夷蠻十二世而晉滅中國

之虞中國之虞滅二世而夷蠻之吳興

號

號姬姓公爵出自王季子號仲文王弟也仲與號叔爲王卿士上勲在王室藏於盟府而文王友愛二弟謂之二號武王克商封

仲於弘農陝縣東南之號城今鳳翔府周室東遷號公忌父林

父俱為天子之相

隱公三年鄭武公莊公為王卿士王貳于

號王欲分政於號鄭伯怨王王曰無之故周鄭交質王崩周人

將昇號公政鄭祭足帥師取溫之麥又取成周之禾周鄭交惡

八年號公忌父始作卿士于周 莊公十八年號公晉侯朝王

王饗醴命之宥王之觀羣后始則行饗禮先置醴酒示不忘故

設皆賜玉五穀馬三匹非禮也為雙玉王命諸侯名位不同禮亦

異數不以禮假人言侯不當號公晉侯鄭伯使原莊公逆王后

于陳陳媯歸于京師實惠后 十九年王子頹作亂衛師燕師

伐周立子頹 二十年鄭伯和王室不克遂以王歸冬王子頹

享五大夫樂及徧舞鄭伯聞之見號叔曰寡人聞之哀樂失時

殃咎必至今王子頹歌舞不倦樂禍也夫司寇行戮君為之不

舉而况敢樂禍乎奸王之位禍孰大焉臨禍忘憂憂必及之盡

納王乎號公曰寡人之願也 二十一年晉命于齊同伐王城

鄭伯將王自圍門入號叔自北門入 殺王子頹及五大夫鄭伯

享于于闕西辟王巡號守號公為王 宮于瑋號地王與之酒泉鄭

伯之享王也王以后之鑿鑑予之鑿帶而以鑑為飾也號公請

器王予之爵鄭伯由是始惡於王 二十六年秋號人侵晉冬

號人又侵晉 三十年樊皮叛王周大王命號公討樊皮號公

入樊執樊仲皮歸于京師 三十二年有神降于莘有神聲以

地惠王問之內史過曰君之何對曰以其物享焉其至之日亦

其物也享祭也若以甲乙日至祭先王從之內史過往聞號

請命號請于神求反曰號必亡矣虐而聽於神神居莘六月號

公使祝應宗區史囂享焉神賜之土田史囂曰號其亡乎吾聞

之國將興聽於民將亡聽於神神聰明正直而壹者也依人而

行唯德號多涼德其何土之能得號公夢在廟有神人面白

毛虎爪執鉞立於西阿西榮公懼而走神曰無走帝命曰使晉

...

襲于爾門公拜稽首覺召史墨占之對曰如君之言則葦收也
天之刑神也天事官成官成禍福名以官象成也公使囚之且使國人賀夢
舟之僑告其族曰衆謂號不父吾乃今知之君不度而賀大國
之襲於已也何瓊吾聞之也大國道小國襲焉曰服小國傲大
國襲焉曰誅民疾君之侈也是以遂於逆命今嘉其夢侈必展
是天奪其鑿而益其疾也民疾其能天又誑之大國來誅出今
而逆宗國既畢諸侯遠已內外無親其誰云救之吾不忍俟也
將行以其族適晉 閔公二年號公敗犬戎于渭汭舟之僑曰
無德而祿殃也殃將至矣 僖公二年晉假道于虞以伐虢虞
公許之晉里克荀息帥師會虞師伐虢滅下陽下陽號邑號公敗
戎于桑田晉卜偃曰號必亡矣亡下陽而不懼而又有功是天
奪之鑿而益其疾也必易晉而不撫其民矣不可以五稔 五
年晉復假道於虞以伐虢八月晉侯圍上陽問於卜偃曰吾其

濟乎對曰克之公曰何時對曰童謠云丙之晨龍尾伏辰龍尾辰也日月之會口辰口在尾故尾星伏不見均服振振取號之旂戎事上下同服振振盛貌也鶉之
奔奔天策焯焯火中成軍號公其奔鶉也天策傳說星時近日星微焯焯無光耀也言兩子平日鶉火中軍事有成功也巳上皆童謠言童觀未有念慮之感而會成嬉戲之言似若有鄉者或中其九月十月之交平謂夏之九月十月也丙子旦日在尾月在策是或否其九月十月之交平疾故至旦而過於策鶉火中必是時也冬十一月晉滅虢號公
醜奔京師

紀

紀姜姓侯爵地在東莞劇縣今臨朐縣東壽光縣西周夷王時
紀侯譖齊哀公于周周烹哀公 隱公元年紀人伐夷夷國在城陽在
武 二年紀裂繻逆女于魯紀大冬魯伯姬歸于紀 紀子帛
莒子盟于密 桓公五年齊侯鄭伯朝于紀欲以襲之紀人知
之 六年魯會紀侯于成紀來諮謀齊難也 冬紀侯來朝魯

請王命以求成于齊公告不能紀微弱不能自通於天子欲因公以請王命公無寵於王故告

不莊莊公元年齊師遷紀邢鄆鄆齊欲滅紀故徙其邑之民而取其地三年

紀季以鄆入于齊紀於是乎始判季紀侯弟鄆紀邑判分也分為附庸始此魯公

次于滑將會鄭伯謀紀故也鄭伯辭以難 四年紀侯不能下

齊以與紀季盡以國與季夏紀侯大去其國違齊難也公羊傳大去

者何滅之孰滅之齊滅之曷為不言齊滅之為襄公諱故也春

秋為賢者諱何賢乎襄公復讎也何讎爾遠祖也哀公享乎周

紀侯諱之以襄公之為於此焉者事祖禰之心盡矣遠祖者幾

世乎九世矣九世猶可以復讎乎雖百世可也

邢

邢姬姓侯爵地在廣平襄國縣隋改曰龍岡今邢州 隱公五

年曲沃莊伯以鄭人邢人伐翼 閔公元年狄人伐邢管敬仲

言於齊侯曰戎狄豺狼不可厭也諸夏親暱不可棄也宴安酖

毒不可懷也詩云豈不懷歸畏此簡書簡書同惡相恤之謂也

請救邢以從簡書齊人救邢 僖公元年齊師及諸侯救邢邢

人潰出奔師師遂逐狄人具邢器用而遷之師無私焉夏邢遷

于夷儀諸侯城之 十八年邢人狄人伐衛圍范圍衛侯以國

讓父兄子弟及朝衆曰苟能治之燬請從焉衆不可而後師于

管婁狄師還狄還邢獨留拒衛 十九年衛人伐邢以報范圍之役於

是衛大旱上有事於山川不吉甯莊子曰昔周饑克殷而年豐

今邢方無道諸侯無伯失其或者欲使衛討邢乎從之師興而

雨 二十年齊狄盟邢助齊邢謀衛難也於是衛方病邢 二

十四年衛人將伐邢禮至自齊禮至衛大不得其守國不可得也

正卿我請昆弟仕焉乃往得杜 二十五年春衛人伐邢二禮

從國子巡城掖以赴外殺之正月丙午滅邢禮至為銘曰余掖

殺國子莫余敢止惡其不知耻許以滅河而反銘功

芮

芮姬姓伯爵國在馮翊臨晉縣內鄉今陝州芮城縣 武王時
 巢伯來朝芮伯作旅巢命 成王時芮伯為司徒與太保彤伯
 畢公衛侯毛公同受顧命立康王 厲王說榮夷公芮良夫曰
良夫即芮伯 王室其將卑乎夫榮夷公好專利而不知大難夫利百
 物之所生也天地之所載也而或專之其害多矣天地百物皆
 將取焉胡可專也所怒甚多而不備大難以是教王王能又乎
 又作桑采之詩以刺王 桓公三年芮伯萬之母惡芮伯之多
 寵人也故逐之出居于魏 四年秋秦師侵芮敗焉小之也冬
 王師秦師圍魏執芮伯以歸未為芮所敗故伐魏執芮伯皆納之 九年秋虢仲
 芮伯梁伯荀侯賈伯伐曲沃 十年秋秦人納芮伯萬于芮
 申
 申姜姓侯爵其先神農之後為唐虞四岳受封于申國在南陽

宛縣今信陽軍 宣公時入為王卿士出為南方侯伯尹吉甫
 作崧高之詩以美其事 幽王娶申女為后生太子宜臼後寵
 褒姒廢申后及太子申侯怒與繒繒姬姓 西夷犬戎攻殺幽王
 驪山下虜褒姒盡取周賂以去諸侯乃即申侯共立故幽王太
 子宜臼為平王東遷洛邑平王遣兵戍申周人怨思作揚之水
 之詩以刺之 魯莊公六年楚武王伐申過鄧 十八年楚文
 王與巴人伐申而驚其師 申後為楚所滅楚滅申春秋無明
 文然僖公二十五年
年楚以申息之師成商密其時息已亡則所謂申息皆楚邑也
 申滅於楚可知二十八年楚師敗于城父楚子使箝子王曰大
 夫若入其若申息
 之老何亦一證

按申伯為蕃翰於宣王之時及幽王廢申后而申侯召
 犬戎伐周弒王然則以世考之召戎弒君之申侯即為
 蕃翰者之子也平王東遷王室微弱而方且遣兵戍申
 以召譏刺蓋申侯忘父之忠而召犬戎以禍王室平王

同建

文獻通考卷三百六十三

九

文

復忘父之讎而勒兵師以戍母家皆非善繼志之孝子

也

鄆

鄆妣姓子爵夏后氏之後地在琅琊鄆縣今襄邑縣東南幽王

末申侯與鄆人召西夷犬戎攻王殺王驪山下 僖公十四年

鄆季姬來寧于魯季姬魯女公怒止之以鄆子之不朝也夏遇

於防而使來朝 十六年齊會諸侯于淮謀鄆且東略也鄆為

所病 城鄆役人病有夜登丘而呼曰齊有亂不果城而還 十

九年宋襄公使邾文公用鄆子于次睢之社欲以屬東夷睢水

東鄆陳留梁誰沛彭成縣入泗此水 宣公十八年邾人伐鄆

子于鄆自虐其君曰襄公四年公如晉聽政晉侯享公公請

屬鄆鄆小國欲得使屬會如前句晉侯不許孟獻子曰以寡君

之密邇於仇讎而願固事君無失官命晉官微發鄆無賦於司

馬晉司馬掌為執事朝夕之命敝邑敝邑福而小闕而為罪寡君

是以願借助焉晉侯許之 冬十月邾人苦呂人伐鄆魯臧紇救

鄆侵邾敗于狐駘 五年魯穆叔覲太子于晉以成屬鄆書曰

叔孫豹鄆太子巫如晉言比諸魯大夫也九月穆叔以屬鄆為

不利使鄆大夫聽命于會鄆近魯境故欲以為魯國既而與魯

之 六年莒人滅鄆鄆恃賂也晉人以鄆故討魯曰何故亡鄆

季武子如晉見且聽命 八年莒人伐魯東鄙以彊鄆田莒既

魯侵其西界故伐魯 昭公四年九月取鄆言易也莒亂著丘

公立而不撫鄆鄆叛而來故曰取丘克邑不用師徒曰取

右以上言鄆亡事本左氏傳如公羊穀梁二家於襄公

四年所書莒人滅鄆則以為莒女為鄆夫人而無子有

女還嫁之於莒有外孫遂取以為鄆太子而立之蓋莒

未嘗取鄆之地鄆未嘗滅特以外姓主國祀故以滅書

而鄆之亡在昭公四年蓋魯滅之非莒也上距春秋所書莒人滅鄆凡二十九年

邾

邾姬姓伯爵地在東平剛父縣西南有邾鄉 隱公五年衛之亂也邾人侵衛故衛師入邾 十年齊人鄭人入衛討違王命也 莊公八年魯師齊師圍邾邾降于齊師仲慶父請伐齊師公曰不可我實不德齊師何罪罪我之由夏書曰臯陶邁種德德乃降姑務修德以待時乎秋師還 文公十二年邾太子宋儒自安於夫鍾邾邑國人弗徇弗順也 十二年邾伯卒邾人立君太子以夫鍾與邾邾邾來奔公以諸侯逆之非禮也故書曰邾伯來奔

巴

巴姬姓子爵地在巴郡江州縣今渝州江津 桓公九年巴子

使韓服告于楚請與鄧為好楚子使道朔楚大夫將巴客以聘于鄧鄧南鄙鄧人攻而奪之幣殺道朔及巴行人楚子使遠章讓於鄧鄧人弗受言非鄧人所攻 夏楚使鬬廉及巴師圍鄧鄧養甥帥師救鄧三逐巴師不克鬬廉衡陳其師於巴師之中以戰而北偽北也 鄧人逐之背巴師而夾攻之鄧師大敗鄧人宵潰 十八年楚文王即位與巴人伐申而驚其師巴人畔楚而伐那處取之遂門于楚闔楚大游涌而逸楚子殺之其族為亂巴人因之以伐楚楚子禦之大敗于津 文公十六年楚大饑戎伐之庸人帥羣蠻叛楚楚子伐庸秦人巴人從楚師遂滅庸 哀公十八年巴人伐楚圍鄆楚邑初右司馬子國之卜也觀瞻曰如志子國未為令尹時卜為右司馬得吉兆 故命之命以為及巴師至將卜師王曰寧如志何卜焉寧子國也使帥師而行請承承王曰寢尹工尹勤先君者也伯舉之役寢尹吳由于以背受戈工尹固執燧象奔吳師 三月楚

楚 哀公 三月 楚 寢尹 工尹 勤先 君者也 受戈 工尹 固執 燧象 奔吳 師 三月 楚

公孫寧吳由于遠固敗巴師于鄆故封子國於析君子曰惠王知志

江

江姓爵未詳國在汝南安陽縣今信陽縣之東南新息縣之西
僖公二年齊侯宋公江人黃人盟于貫服江黃也江黃楚與國始來服齊不
召而三年及齊宋會于陽穀 四年及齊侯及諸侯之師侵
蔡蔡潰遂伐楚盟于昭陵 文公四年楚師圍江晉先僕伐楚
以救江 冬晉以江故告于周微假天子之威以代楚王叔桓公晉陽處
父以救江門于方城遇息公子朱而還朱楚大夫伐江之帥也聞晉師起而江兵解
亦還 四年楚人滅江秦伯為之降服出次不舉過數降服素
次辟正寢不舉去盛饌大夫諫公曰同盟滅雖不能救敢不
國之禮有數今秦伯過之秦江同盟一不見於春秋不生其故不書
矜乎吾自懼也

黃

黃嬴姓爵未詳國在光州定城有黃故城又云登州黃縣 桓
公八年楚子合諸侯于沈鹿楚地黃隨不會使遠章讓黃 莊公
十九年楚子禦巴師大敗于津還鬻拳弗納遂伐黃敗黃師于
蹠陵黃地 僖公二年齊宋江黃盟于貫始服齊也 三年及齊
宋會于陽穀 四年齊會諸侯及江黃伐陳 十一年黃人不
歸楚貢楚人伐黃黃特齊故 十二年黃人恃諸侯之睦于齊也不
共楚職曰自郢及我九百里焉能害我 夏楚滅黃

息

息姬姓侯爵國在汝南今蔡州新息縣 隱公十一年鄭息有
違言以言語相違恨息侯伐鄭鄭伯與戰于竟息師大敗而還君子是
以知息之將亡也不度德不量力不親親不徵辟不察有罪言
相恨當明徵其辭以審曲直不宜轉鬪 犯五不韙而以伐火其喪師也不亦宜乎
十年蔡哀侯娶于陳息侯亦娶焉息媯將歸過蔡蔡侯曰吾媯

坤

文南通考卷三百六十三

十一

也止而見之弗賓不禮也息侯聞之怒使謂楚文王曰伐我吾求
救於蔡而伐之楚子從之九月楚敗蔡師于莘以蔡侯獻舞歸
十四年蔡哀侯為莘故繩息媯以語楚子繩魯也楚子如息以食
入享遂滅息以息媯歸

鄧

鄧曼姓侯爵國在河南新野今潁川陵縣 桓公七年鄧侯吾
離朝于魯 九年巴子使韓服告于楚請與鄧為好楚子使道
朔將巴客聘于鄧鄧南鄙鄆人攻而奪之潞殺道朔及巴行人
楚子使遠章讓鄧鄆人弗受夏楚及巴師圍鄆鄆師大敗 莊
公六年楚文王伐申過鄧鄆祁侯曰吾甥也止而享之騶甥聃
甥養甥皆鄧甥也請殺楚子鄧侯弗許三甥曰亡鄧國者必此
人也若不早圖後君噬臍其及圖之乎圖之此為時矣鄧侯曰
人將不食吾餘對曰若不從三臣之言抑社稷實不血食而君

焉取餘弗從還明年楚子伐鄧 十六年楚復伐鄧滅之

梁

梁嬴姓伯爵國在馮翊夏陽縣今同州 桓公九年虢仲芮伯
梁伯荀侯賈伯伐曲沃 僖公六年晉侯使賈華伐屈夷吾不
能守盟而行將奔狄卻芮曰後出同走罪也不如之梁梁近秦
而幸焉乃之梁以梁為秦所親幸秦既大國 十八年梁伯益
其國而不能實也且穆姬在焉欲因以求入 命曰新里秦取之 十九年遂
城而居之 冬梁亡不書其主自取之也初梁伯好土功亟城
而不處民罷而弗堪則曰某寇將至乃溝公宮曰秦將襲我民
懼而潰秦遂取梁

滑

滑姬姓伯爵國在河南緱氏縣 僖公二十年滑人叛鄭而服
於衛鄭公子士洩堵寇帥師入滑 二十四年鄭人入滑也滑

人聽命師還又即衛鄭公子士洩堵俞彌帥師伐滑王使伯服游孫伯如鄭請滑鄭伯怨王之與衛滑乃不聽王命而執二子二十二年秦師襲鄭及滑鄭商人弦高以乘韋先牛十二犒師孟明日鄭有備矣不可冀也攻之不克圍之不繼吾其還也城滑而還

都

郡元姓爵未詳國本在商密秦楚界上小國其後遷於南郡都縣 僖公二十五年秦晉伐都楚闞克屈禦寇以申息之師伐商密即都秦人過析隈入而繫輿人以圍商密一昏而傳焉析楚隱蔽之處繫縛輿人許為克析得共囚係宵坎血加書偽與子輿子邊盟者商密人懼曰秦取析矣戍人反矣乃降秦師秦師囚申公子儀息公子邊以歸即闞克文公五年初都叛楚即秦又貳於楚夏秦人入都

頓

頓姬姓子爵國在汝陰縣今陳州南頓縣 僖公二十五年秦晉伐都楚令尹子玉追秦師弗及遂圍陳納頓子于頓頓迫於陳而奔楚故楚圍陳 襄公四年楚人使頓間陳而侵伐之故陳人圍頓定公十四年頓子牂欲事晉背楚而絕陳好楚公子結陳公孫佗帥師滅頓

胡 沈

胡姬姓子爵國在汝陰縣西北胡城今潁川西沈妣姓子爵國在汝南平輿縣今蔡州汝陽縣東 文公三年晉率諸侯之師伐沈以其服於楚也沈潰 成公八年晉欒書侵蔡遂侵楚楚師之還也謂六年與晉晉侵沈獲沈子嘉 襄公二十八年胡子沈子朝于晉宋之盟故也胡沈楚屬宋之盟曰晉楚之從交相見故朝晉昭公三十三年吳伐州來楚以諸侯之師救州來吳公子光曰諸侯之

文四

從於楚者衆而皆小國胡沈之君幼而狂陳大夫鬻壯而頑頓與許蔡疾楚政七國同役而不同心乃分師以先犯胡沈及陳三國敗獲胡子鬚沈子逞及陳身齧舍胡沈之囚使奔許與蔡頓曰吾君死矣師譟而從之三國奔楚師大奔定公四年晉會諸侯于召陵沈人不會晉人使蔡伐之蔡公孫姓帥師滅沈以沈子嘉歸殺之

麋

麋姓嬴子爵國近楚在今均州鄖鄉文公十年楚子陳侯鄭伯蔡侯次于厥貉將伐宋麋子逃歸十一年楚子伐麋成大心敗麋師于防渚潘崇復伐麋至于錫穴皆麋地十六年楚大饑麋人率百濮於選將伐楚楚地百濮謂我饑不能師故伐我也若我出師必懼而歸百濮離居將各走其邑誰暇謀人乃出師旬有五口百濮乃罷濮夷無屯聚見難則散歸

萊

萊姓未詳子爵國在東萊黃縣宣公七年魯公會齊侯伐萊九年齊侯伐萊襄公二年齊侯伐萊萊人使正與子賂風沙衛以索馬牛皆百匹風沙衛魯寺人索速好者齊師乃還齊侯使諸姜宗婦來魯送齊姜葬召萊子萊子不會故晏弱城東陽以偪之齊竟上六年齊侯滅萊萊恃謀也恃略風沙衛

唐

唐姬姓侯爵屬楚之小國地在義陽安昌縣東南今隨州唐城縣宣公十二年楚子圍鄭晉師救鄭楚子使唐狡與蔡鳩居告唐惠侯曰不穀不德而貪以遇大敵不穀之罪也然楚不克君之羞也敢藉君靈以齊楚師使潘黨率游闕四十乘從唐侯以為左拒以從上軍兩乃敗晉師于郟定公三年唐成公如楚有肅爽馬楚令尹子常欲之弗與亦三年止之肅爽駮唐人馬名

或相與謀請代先從者許之飲先從者酒醉之竊馬而獻之子
常子常歸唐侯自拘於司敗竊馬者曰君以弄馬之故隱君身
隱憂也棄國家羣臣請相夫人以償馬必如之相助也夫人唐侯
曰寡人之過也二三子母辱皆賞之 四年冬蔡侯吳子唐侯
伐楚五戰入郢楚子奔隨申包胥如秦乞師 五年秦子蒲子
虎帥師救楚大敗吳師遂滅唐

舒群舒 巢

舒偃姓子爵國在廬江舒縣 舒鳩偃姓子爵舒之別封廬江
南有舒城東夷也 舒庸姓爵俱失其國亦在廬江 巢姓爵
俱失國在廬江六縣東 舒巢皆楚屬國 文公十二年楚成
嘉爲令尹群舒叛楚夏子孔執舒子平及宗子遂圍巢子孔即成嘉平
舒君名宗巢二十四年楚莊王立子孔潘崇將襲群舒使公
子燮與子儀守而伐舒蓼舒即群二子作亂城郢而後殺子孔

不克而還八月二子以楚子出將如商密廬戰黎及叔麋誘之
遂殺闞克及公子燮廬楚地戰黎廬大宣公八年楚爲衆舒
叛故伐舒蓼滅之二國名楚子疆之正其界也及滑芮盟吳越而還
成公七年楚申公巫臣奔晉使以吳教之叛楚侯始伐楚伐巢
伐徐 成公十八年舒庸人以楚師之敗也戰于道吳人圍巢
伐駕圍釐虺巢駕釐虺楚四邑遂恃吳而不設備楚公子橐師襲舒庸
滅之 襄公二十四年吳人爲楚舟師之役故此年夏楚爲召舟師以伐吳
舒鳩人舒鳩人叛楚楚子師于荒浦舒鳩地使沈尹壽與祁犁讓
之二人楚大夫舒鳩人敬逆二子而告無之且請受盟二子復命王
欲伐之遂子曰不可彼告不叛且請受盟而又伐之伐無罪也
姑歸息民以待其卒卒而不貳吾又何求若猶叛我無辭有庸
乃還 二十五年舒鳩人卒叛楚令尹子木伐之及離城舒鳩城
吳人救之子木遽以右師先先至舒鳩子強息桓子捷子駢子孟帥

舒鳩 文四

左師以退五人不及于木吳人居其間七日子強曰久將墊隘慮水隘乃禽也不如速戰請以私卒誘之簡師陳以待我簡閱為陳我克則進奔則亦視之視其形勢而救助之乃可以免不然必禽從之大敗吳師遂圍舒鳩舒鳩潰八月楚滅舒鳩

戴

戴姓爵俱未詳國在陳留外黃縣今開封封丘縣 隱公十年宋人衛人入鄭蔡人從之伐戴八月鄭伯圍戴克之取三師焉三國之軍在戴故鄭合圍之宋衛既入鄭而以伐戴召蔡人蔡人怒故不和而敗

南燕

南燕姑姓伯爵國在東郡燕縣今滑州胙城 隱公五年鄭人侵衛牧牧衛地以報東門之役衛人以燕師伐鄭鄭祭足原繁洩駕以三軍軍其前使曼伯與子元潛軍軍其後燕人畏鄭三軍

而不虞制人北制鄭邑六月鄭二公子以制人敗燕師于北制 莊公二十年衛師燕師伐周納王子頹

宿

宿風姓男爵國在東平無鹽縣今鄆州須城東 隱公八年宿男卒 莊公七年宋人遷宿宋強遷之而取其地文異於邢遷

州

州姜姓公爵國在濟陰定陶縣今京南府 桓公五年州公如曹度其國危遂不復 六年自曹來朝書曰寔來不復其國也

穀

穀嬴姓伯爵國在南陽筑鄉縣今襄陽穀城 桓公八年穀伯綏來朝于魯

荀 賈

荀姬姓侯爵國在絳州荀城又云漢梅邑 賈姬姓伯爵國在

文獻通考卷三百六十三 十七

同州蒲城縣 桓公九年虢仲芮伯梁伯荀侯賈伯伐曲沃

遂

遂姓爵俱未詳國在濟北蛇丘縣今濟州鉅野 莊公十三年齊侯會諸侯于北杏以平宋亂宋萬弒遂人不至夏齊侯滅遂而戍之 十七年遂因氏領氏工婁氏湏遂氏四族遂之饗齊戍醉而殺之齊人殲焉

貳 軫 鄆 絞 州 蓼

貳軫鄆絞州爵姓俱未詳蓼偃姓皐陶之後爵未詳貳軫絞地缺鄆國在江夏鄆杜縣東南今秦州州在南郡華容縣東南蓼在義陽棘縣東南湖陽城今壽州霍丘縣 桓公十一年楚屈瑕將盟貳軫鄆人軍於蒲騷鄆將與隨絞州蓼伐楚師莫敖患之闔廉曰鄆人軍其郊必不誠且日虞四邑之至也四邑隨次於郊郢以禦四邑楚地我以銳師宵加於鄆鄆有虞心而恃

其城莫有闔心若敗鄆師四邑必離從之遂敗鄆師於蒲騷卒盟而還 十二年楚伐絞軍其南門莫敖屈瑕曰絞小而輕輕則寡謀請無扞采樵者以誘之也扞衛從之絞人獲三十人明日絞人爭出驅楚役徒于山中楚人坐其北門而覆諸山下大敗之為城下之盟而還

羅

羅熊姓爵未詳國在南郡枝江縣今襄陽宜城 桓公十二年楚伐絞師分涉於彭彭水在新羅人欲伐之使伯嘉謀之三巡伯嘉羅大夫謀數之伺也巡徧也十三年楚屈瑕伐羅闔伯比送之還謂其御曰莫敖必敗舉趾高心不固矣遂見楚子曰必濟師難言入告夫人鄧曼鄧曼曰大夫其非故只請衆之謂其謂君撫小民以信訓諸司以德而威莫敖以刑也莫敖狃於蒲騷之役將自用也必小羅君若不鎮撫其不設備乎

夫故謂君訓衆而好鎮撫之召諸司而勸之以令德見莫敖而告諸天之不假易也不然夫豈不知楚師之盡行也楚子使賴人追之不及莫敖使徇于師曰諫者有刑及馮亂次以濟遂無次且不設備及羅羅與盧戎兩軍之南壘大敗之

譚

譚姓未詳子爵國在濟南平陵縣今齊州歷城 莊公十年齊侯之出也過譚譚不禮焉及其入也諸侯皆賀譚又不至及齊師滅譚譚子奔莒

弦道栢

弦子爵姓未詳道栢姓爵俱未詳弦國在弋陽軼縣今光州仙居北道國在汝南陽皮縣南道毫今蔡州確山有故道城栢國在汝陽西平縣栢亭今蔡州西平縣 僖公五年楚鬬穀於菟滅弦弦子奔黃於是江黃道栢方睦於齊皆弦姻也弦子恃之

而不事楚又不設備故亡

權

權姓爵俱未詳國在南郡當陽縣今荆門軍 莊公十八年楚武王克權使鬬縵尹之以叛圍而殺之遷權於那處楚地使鬬敖尹之及文王即位與巴人伐申而驚其師巴人叛楚而伐那處取之遂門于楚攻楚城門鬬敖游涌而逸涌水在南郡華容縣楚子殺之其族為亂冬巴人因之以伐楚 十九年楚子禦之大敗于津

須句

須句風姓子爵國在東平昌縣東北今鄆州舒城 僖公二十一年任宿須句顓臾風姓也實司大皞與有濟之祀大皞伏羲之後故主其祀任今任城縣顓臾在太山四國伏義南武陽縣東北四國封近於濟故世祀之以服事諸夏與諸夏事邾人滅須句須句子奔魯因成風也成風為之言於公曰崇明祀保小寡周禮也蠻夷猾夏周禍也邾迫近諸戎雜用夷禮若封須句

是崇皞濟而脩祀紆禍也 二十二年伐邾取須句反其君焉
禮也 文公七年魯伐邾取須句寘文公子焉非禮也 須句為邾所滅
僖公取其地再封之復為邾所取今魯再取之邾文公之子叛在魯故使為須句大夫

夔

夔羊姓子爵國在建平秭歸縣今歸州 僖公二十六年夔子
不祀祝融與鬻熊 祝融高辛之火正楚之遠祖鬻熊祝融之十世孫也夔乃為楚之別封故亦世紹其祀也
楚人讓之對曰我先王能摯有疾鬼弗赦而自竄于夔 楚摯子有疾不能嗣位故別封為夔子 吾是以失楚又何祀焉 廢其常祀而 秋楚成
得臣闞宜申帥師滅夔以夔子歸

庸

庸姓爵俱未詳國在上庸縣今房州庸縣 文公十六年楚大
飢庸人率群蠻以叛楚楚人謀徙於阪高為賈曰不可我能往
寇亦能往不如伐庸乃出師使廬戢黎侵庸 戢黎廬大夫 反庸方城

方城庸人逐之囚于揚窞 屬黎 三宿而逸曰庸師衆群蠻聚焉

不如復大師 還後句 起王卒 台而後進師叔曰不可 楚大夫 姑又

與之遇亦驕之彼驕我怒而可克先君蚡冒所以服陘隰也又

與之遇七遇皆北唯裨儵魚人實逐之 裨儵魚庸三邑 庸人曰楚不足

與戰矣遂不設備楚子乘駒會師于臨品 臨品庸邑 分為二隊子越

自石溪子具自仞以伐庸秦人巴人從楚師群蠻從楚子盟遂

滅庸

崇

崇姓爵俱未詳國在今雍州鄠縣東 宣公元年晉欲求成於
秦趙穿曰我侵崇秦急崇必救之吾以求成焉冬趙穿侵崇秦
弗與成

蕭

蕭姓爵俱未詳宋附庸國地今徐州蕭縣 宣公十二年楚子

伐蕭宋華椒以蔡人救蕭蕭人因熊相宜僚及公子丙王曰勿
殺吾退蕭人殺之王怒遂圍蕭蕭遺申公巫臣曰師人多寒王
巡三軍拊而勉之三軍之士皆如挾纊遂傳於蕭還無社與司
馬卯言號申叔展還無社蕭大夫司馬卯申叔展皆楚大夫無社素識叔展故因卯呼之叔展曰
有麥麩乎曰無有山鞠窮乎曰無麥楚鞠窮所以禦濕欲使無社無軍中不敢河魚腹疾奈何叔展言無以禦濕將病曰日於昏井而拯之
正言故繆語無社意解欲入井故使叔展視發虛井而求拯也若為茅經哭井則已叔展又教結茅
應以明日蕭遺申叔視其井則茅經存焉號而出之傳言蕭人為信

偃陽

偃陽妘姓子爵國在彭城偃陽縣今沂州承縣 襄公十年晉
會諸侯于袒荀偃士句請伐偃陽而封宋向戌焉以宋常事晉而向戌有賢
弗克孟氏之臣秦董父輦重如役步輦重車如師偃陽人啓門諸侯之

士門焉

見門開故攻之縣門發聊人紇挾之以出門者在門內者紇挾

邑大夫仲尼父紇多力扶輿縣門出在內者狄虎彌建大車之輪而蒙之以甲以為

櫓彌魯人也蒙覆也櫓大盾左執之右拔戟以成一隊為隊孟獻子曰詩所

謂有力如虎者也主人縣布董父登之及堞而絕之偃陽人縣者隊則又縣之蘇而復上者三主人辭焉乃退謝不復縣帶

其斷以徇於軍三日帶其斷布以示勇諸侯之師又於偃陽荀偃士句

請於荀瑩曰水潦將降懼不能歸請班師知伯怒投之以机出

於其間出偃句曰汝成二事而後告余二事伐偃陽封向戌余恐亂命以

不女違汝既勤君而興諸侯牽帥老夫以至于于此既無武守而

又欲易余罪曰是實班師不然克矣余羸老也可重任乎不任受如

責此七日不克必爾乎取之五月庚寅荀偃士句帥卒攻偃陽親

犯矢石甲午滅之以與向戌向戌辭曰君若辱鎮撫宋國而以

偃陽光啓寡君群臣安矣其何貺如之若專賜臣是臣與諸侯

以自封也其何罪大焉敢以死請乃予宋公以偃陽子歸獻于武宮謂之夷俘諱俘中國故謂之夷偃陽妘姓也使周内史選其族納諸霍人禮也霍晉邑內史掌爵祿廢置者使選偃陽宗族賢者令居霍奉妘姓之嗣善不滅姓周史示有王命

賴

賴姓未詳子爵國在義陽隨縣今蔡州褒信縣昭公四年楚子會諸侯伐吳執齊慶封殺之遂以諸侯滅賴賴子面縛銜壁士袒輿櫬從之造於中軍王問諸椒舉對曰成王克許許僖公如是王親釋其縛受其璧焚其櫬王從之遷賴於鄆鄆楚邑楚子欲遷許于賴使闞韋龜與公子棄疾城之而還為許城也

邲

邲邲姓子爵國在琅瑯開陽縣今臨沂縣昭公十八年邲人藉稻其君出自藉稻蓋後行之邲人襲邲邲人將閉門邲人羊羅攝其首焉斬得閉門者頭遂入之盡邲以歸邲子曰余無歸矣從帑於邲邲莊公

友邲夫人而舍其女 十九年邲夫人宋向戌之女也故向寧請師二月宋公伐邲圍蟲邲三月取之乃盡歸邲俘

耿 霍 魏 焦 滑 揚

耿姬姓爵未詳國在平陽皮氏縣今河中府龍門縣 霍姬姓爵未詳國在平陽永安縣今晉州霍邑 魏姬姓爵未詳國在河東北縣今陝州平陸有魏城 焦姬姓爵未詳國在弘農陝縣今陝州有焦城 滑姬姓伯爵國在河南緱氏縣今拱州 揚姬姓爵未具國在河東今晉州洪洞縣 閔公元年晉侯作二軍晉本一軍公將上軍太子申生將下軍趙夙御戎畢萬為右以滅耿滅霍滅魏還為太子城曲沃賜趙夙耿賜畢萬魏以為大夫 襄公二十九年晉司馬女叔侯曰虞虢焦滑霍揚韓魏皆姬姓也晉是以大若非侵小將何所取 按如司馬女叔侯之說則滑為晉所滅然僖公三十二

年秦穆公襲鄭以鄭有備城滑而還則滅滑者秦非晉也呂相絕秦書有殄滅我費滑散離我兄弟之語則方是以聲秦滅姬姓諸侯之罪豈晉所滅者又別一滑耶當攷

文獻通考卷之二百六十三

